




Early European Books. Copyright © 2012 ProQuest LLC.
Images reproduced by courtesy of The Wellcome Trust, London.
4701/A





Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
4701/A



Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
4701/A



Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
4701/A


Ex Libris Joannis de Sordani
1671


4701 / A

A. I. p

17

PALLU (Victor)
E





52466

STADIUM MEDICVM

AD LAVREAM SCHOLÆ
PARISIENSIS,

EMENSVM A VICTORE PALLV

Turonensi eiusdem Facultatis Doctore,

annis ab homine redempto

1628. 1629. 1630.



PARISIIS,
Apud IOANNEM CAMVSAT, via
Iacobæ, ad insigne Aurei
Velleris.

M. DC. XXX.
CVM PRIVILEGIO REGIS.

STADIVM

MEDICVM

AD LAVREAM SOCIETATIS

PARTICULARIS


EMENDATVM

AVGVSTVS

MDCCCXXXIII

1833








In stemma SCHOLÆ PARIS. med.

*Cur manet hic & cur non sedes avis aduena mutat
Miraris & numquam hinc Phæbus abire solet.*



AMPLISSIMO AC
CONSULTISSIMO
MEDICORVM
PARISIENSIVM
ORDINI ET COLLEGIO,
Victor Pallu S.

 *VI aliquo religionis & pietatis sensu ducuntur (clariss. cōsultissimique Medici) ubi maximis longa nauigationis periculis defuncti portum incolumes attigerunt, cursus sui historiam Diuis suspendere ex votiuâ tabulâ consueuerunt. Eâdem religione nunc ego vobis, huius triennis stadij apud vos emensi tabellam ex voto pono dedicôque, quos presentes Diuos mihi que propitios*
â ij

semper expertus sum. Currentem ut vidistis, fouistis; & pronis in beneuolentiam animis ad metam usque euntem estis prosequuti. Singula non patitur recensere epistolaris modus, quæ vel nouum volumen implerent. Gratitude igitur hoc, qualecunque est, munus affero, non temeritatis aut arrogantia, cuius inuidiam ideo non deprecor. Pudet tamen me tenuitatis munusculi, sic uel à Dignitate & Auctoritate, quæ in literis maxima est, conferatur; verum eadem tutum ubique præstabit quod vobis probatum fuerit: tantum est vestræ Facultatis nomen, quæ sola leges salutis humano generi dare supra censuram potest. Insanit quisquis illam maledictis minuere attentat, aut sanè peior est viperâ, si quis illius bonorum omnium parentis viscera rodit, cuius maximè beneficio vitâ fruitur gratâ: nescit quod dentem infringit solido. Efferantur quantumlibet inani tumore Barbari homines: Hic est Cois Senatus qui dum suum Hippocra-


tem fouet ac tuetur, vanos illorum cona-
 tus dissipat & despicit. Aderit tandem
 vester Buuardus suo merito Archiatro-
 rum Comes amplissimus, qui quâ est in
 suum Ordinem Dogmaticamque Medi-
 cinam propensione, iuratos eiusmodi Græ-
 corum hostes longè profligabit. Neque
 interim vestra Ciconiæ ferent repti-
 le istud genus impunè virus spargere.
 Manebunt illæ semper cum Phæbo,
 cuius vicinum numen testantur: ma-
 nebunt cum Medicinâ cuius usum non
 ignorant, stomachi fastidium origano
 leuantes; eruntque platano munita tu-
 tissimum munimentum ab insidiis qui-
 buscumque, mihi præcipuè, quarum au-
 spiciis iam euolare cupio. Sed hinc ab-
 esto, liuor: ἀντιπελαργόσιος, inquam,
 non ambitionis hoc est anathema, in
 æternum cultus erga vos mei monimen-
 tum, & seruati Hippocratis Iurisiu-
 randi quod, propositâ parentum loco Præ-
 a iiij

Ex Pierio
 in Hiero-
 glyph.

ceptorum reuerentiâ, solenne fecit. Vos
verò (viri spectatissimi) quem nuper
recepistis in Collegam, nunc adoptate in
filium, atque ut vestrum utroque no-
mine, amate.

VALETE

Qui orbem valere curatis, & Deus dei
de humano genere diu bene mereri
ἀνδραγαθῶντων ὑμῶν ἔυχαρινόντων.



AD CANDIDVM MEDICINÆ CANDIDATVM

PRÆFATIO.

IN ABES (beneuole Candida-
te) stadij nuper à me emensi
historiam, tanquam itinera-
rium, quod ut Collegis gra-
tum & acceptum, sic tibi uti-
le futurum spero: Etsi nihil te doceat, di-
riget tamen viamque veluti digito indi-
cabit. Hæc est consilij nostri ratio quocū-
que modo te iuuare: & dum alij doctri-
nam voce & scriptis luculenter tradunt;
hîc ego tātū viam monstro, quæ, ut hoc
in primis te moneam, longa est & ardua,
ne quis eam cum leui viatico ingredi pu-
tet. Qui compendiosâ doctrinâ instructus
solum Doctoris Medicî nomen ambit, il-
lud aliunde petat: neque enîm, sat scio,
Omnibus licet adire Corinthum. Parisiis om-

nia sunt operosa, vbi verè *ars longa*. Ades
& videbis quanto studio, quàm pertinaci
& improbo labore, quàmque parato in-
genio hîc opus est. Hoc quòdcumque
oculis tuis subiicitur stadium, minimum
est operæ quæ impenditur ad hanc lau-
ream. Quod si me roges singula, non gra-
uabor ea, vt perfeci, in tui gratiam recen-
sere, & negotium omne ab ouo repetere.
Primum itaque philosophiæ sacris ritè &
maturè initiatum esse oportet eum qui
ad quemcumque gradû in hac Facultate
aspirat, in quâ nemo ad vllum examen ad-
mittitur, nisi Magistralem in artibus lau-
ream ante quadriennium in eadem Pari-
sienſi Academiâ consequutus, aut ante
octennium in aliâ quâlibet. Hippocra-
tes *in lege* post naturam, locum studiis ap-
tum in medico instituendo præcipuè cõ-
mendat. Qui verò locus studiis aptior
censeri debet aut potest ipsâ Parisienſi A-
cademiâ, quæ pluribus iam seculis Musa-
rum sedes est & domicilium? in eâ bi-
bliothecæ passim ambulant, loquuntur,
spirant: ibidem Plato, Aristoteles, cæte-
rique sapientes veluti per palingenesim
reduces philosophantur: Cicero orat:
Pindarus nouémque Lyrici canunt; nec

est Virgilius vnus: illa denique tam præ-
sentibus plena est numinibus, vt faciliùs
possis Deum quàm hominem inuenire.
Quod si nunc mutato temporum fato ni-
hilominus deferitur; publicam potius
quàm suam vicem luget; & si peiora
immineant,

*Fatale exitium corde durato feret,
Donec fortunam criminis pudeat sui.*

Huic equidem numquam satis possum
gratulari, quæ mihi in literis humaniori-
bus & philosophiâ non vulgares præce-
ptores dedit Grangerium & Freyrum, ex
quorum Scholis plures quàm ex Isocratis
diatribâ illustres viri prodire. Sed cùm
vtrique plurima debeam, maxima certè
ipsi D. Iano Cæcilio Frey nunc in eadem
Academiâ philosophorum Decano &
Coryphæo, nostræque Facultatis Docto-
ri eximio, qui, dum eo præceptore fami-
liarissimè vterer in philosophiâ, me ad
Medicinæ studium suis de eâ eruditissi-
mis lectionibus subcisiuis ita pellexit, vt
deinde contra amicorum expectationem,
eidem serio incubuerim. Hinc igitur
ego confecto philosophiæ curriculo, Me-
dicinæ Professores audiui tum Regios,
præ cæteris ornatissimum nec non specta-

tissimum Seguynum primarium Christianissimæ Reginæ Medicum, de philiatris & arte suâ, quam elaboratissimis scriptis totam digessit & illustravit, optimè meritum: tum in Schola docentes Lectores clarissimos, mihiq; semper eo nomine observantissimos Merletum & Moræum, qui singulari fide & eruditione docendi munus impleuerunt. Cæteroquin toto illo quadriennio anatomicis dissectionibus & demonstrationibus assiduus interfui, præsertim D. Riolani Professoris Regij, accuratissimi anatomici & merito suo celeberrimi: sæpius etiam D. Caroli Professoris quoque Regij, qui Syluij diligentia & eloquentia neque hac in parte neque in cæteris cedit, ac eundem forsan liberali in philiatros affectu superat, quorū gratiâ tempori numquam pepercit, quod in ægris inuisendis prudētique cōsilio suo iuuantis alioquin occupatissimum habebat. Interea verò Candidatum me professus in Vesperis clariss. viri mihiq; amicitia coniunctissimi D. Bodineau, de proposita quæstione ex Scholæ cancellis respondi. Cū autem singulis tantū bienniis circa mediam quadragesimam Candidati ad Baccalaureatum simul pro-

moueantur; eo tandem tempore post con-
fectum studiorum quadriennium adue-
niente, anno nimirum Christi 1628. me-
cum aliis pluribus pro more stiti in supe-
rioribus Scholis coram Doctoribus à D.
Decano pridie idcirco conuocatis, à qui-
bus vnus nostrum, omnium nomine, pe-
tiit vt ad examen admitteremur. Inspe-
ctis itaque ac probatis meis & commili-
tonum Magisterij litteris, primum illud,
πείρασις, durum & seuerum quatruidui
examen ibidem subiimus, tantum equi-
dem vt nulla artis compendia huic pos-
sint sufficere: primo die de rebus natura-
libus ordine & methodicè interrogati
respondimus, secundo de rebus non na-
turalibus, tertio de rebus contra naturā,
quarto denique datum Hippocratis A-
phorismum exposuimus. Nihil tum de
curandi ratione & methodo, quæ quarta
est & postrema totius medicinæ pars, si
quidem prius oporteat eius principia &
theoriam animo comprehendisse, quàm
vel de praxi cogitare: quod tamen pleros-
que aliter facere scio, qui vbi remediorū
formulas aliquot edidicerunt, putant sibi
iure suo licere medicinam facere, vre-
re, secare, & medici nomen, quo nihil

maius est, temerè ne dicam impudenter
vsurpant minutuli medicaſtri, qui (vt Si-
donij Apollinaris verbis vtat) parùm
docti & ſatis ſeduli languidos multos of-
ficioſiſſimè occidunt: de vrinâ iudicant,
antequam ſciant quid illa ſit, & pulſum
explorant, primâ eius differentiam igno-
rantes. Non eſt hic excuſus præter rem,
ad quam redeo. Poſt illud examen com-
munibus Doctorem ſuffragiis Baccalau-
rei renūtiati, & principio, vt vocant, factò
initiati: poſtea de re herbaria circa feſtū ſo-
lenne Pentecoſtes examinati, reliquam
æſtatē in priuatis ſtudiis domeſticis que e-
xercitationibus traduximus. Deinde hye-
me proximâ quaſi in aciem educti à Mar-
tinalibus ad Liberalia de quaſtione
quodlibetariâ ſinguli publicè reſpondi-
mus. Hic vix dici poteſt quantis vigilis
quantisque laboribus macerent ſe Bac-
calaurei, cum vnusquiſque in totidem
actibus debeat eſſe ad theſim paratiſſi-
mus: hic ſcilicet vbi de qualibet quaſtio-
ne ad theſim quoquo modo pertinentē
(vnde & quodlibetaria dicta eſt) ſingu-
lis è re nata reſpondendum eſt.

Cernitur in ſubitis caſibus ingenium.

Hic præterea & parati diſputant Bacca-
laurei aduerſus ſelectam aliquam ex theſi

propositâ assertionem, sed mutis (vt vo-
cant) argumentis, quæ quoniam perpe-
tuo orationis filo continuata simul resu-
muntur, *Resumptæ* dici solent. Iis se Bac-
calaurei veluti velitantes exercent ante
decretoriam pugnam & certamen, quod
postea cum Doctoribus novem in thesi
subscriptis aliisque extra ordinem qui-
buslibet, respondens Baccalaureus susti-
nere debet; ac post eum ceteri, quibus in-
cumbit propositæ cuilibet quæstioni, ex-
temporali oratione satisfacere. Neque
verò ad Baccalaureorum studium dum-
taxat excitandum & industriam acuen-
dam, eiusmodi velitaris pugna instituta
est, sed etiam vt propugnantem sic præ-
uisa tela minùs feriant. Post quodlibe-
tarias disputationes, à Ceneralibus ad fe-
sta Maij celebrauimus Cardinalitias: in
quibus non iam velitantes, sed acriter so-
li disputant Baccalaurei repetito semel
atque iterum congressu, honestâ quidem
& liberali æmulatione de gloriâ conten-
dentes: neque enim hîc *οὐδὲ γυναικῶν*
*ἀλλὰ οὐδὲ ἀρετῆς ἀγωνία πολεῖσθαι οἱ σπουδασ-
τῆς* : Ita profectò in isto actu velut
in cardine res Baccalaureorum verti vi-
dentur. Illum duobus quodlibetariis

Nimirum
ann. 1452.

tertium quondam additum fuisse ex mādato Illustriss. Cardinalis Totauillæi, à quo & nomen retinuisse videtur, didici ex fastis Academiae Parisiensis, mihi ab amicissimo & pluribus iam operibus cetro dignis commendatissimo Gabriele Naudæo communicatis. Cum itaque Baccalaureorum alteri huius actus munere perfuncti fuissent, reliqui in secundum annum post secundas quodlibetarias idem faciendum distulerunt: Interim verò æstate sequente rursus feriatì à laboribus & cursu veluti respirauiamus, ut postea alacriores ad pensum rediremus. Vnde refectis quasi & instauratis viribus denuo à Martinalibus alterius anni auspicientes, secundas quodlibetarias quæstiones pariter absoluiamus: quæ ut plurimum sunt pathologicae, quæadmodum primæ ad Physiologiam pertinere solent, Cardinalitæ ad Hygieinen, ut sic tres medicinae theoreticæ partes suo ordine discutiantur. Quibus tandem consummatis bienniique studio emenso, è subselliis emerisimus, & supplicauimus Facultati ut ad examen particulare admitteremur; in quo demum de medendi methodo tum generali tum particulari apud singulos Doctores respon-

respondimus quos ideò in priuatis ædi-
bus bini conuenimus. Toties tentati &
vndique probati, postremùm petiimus à
Facultate vt nobis aditus ad Licentias
pateret: deinde, offerēte nos & quasi præ-
stante D. Decano, amplissimum Acade-
miæ Paris. Cancellarium, cuius est con-
ferre hunc gradum, adiimus. Is vbi ma-
gnificâ oratione publicè habitâ nos exce-
pit, Oratorem promisit delegaturum se
ad nos, qui & Licentiarum diem diceret,
& efficeret vt nemo nostrum nisi lauda-
tissimus tanto munere gauderet. Nos
igitur iam iam Licentiandi intellecto Pa-
ranymphæ die, ad eius solennitatem inui-
tauimus supremum Senatum Parisien-
sem eiusque classes singulas, rationibus
regiis Præfectos, summos regionum Ve-
ctigalium Iudices, Proprætorem Pari-
siensem, Urbis Præfectum & Ædiles, il-
losque Facultatis Medicæ nomine oraui-
mus, vt die lecto in Scholas Medicorum
inferiores conuenire vellent ex Parany-
mpho audituri quos, quales, & quot Medi-
cos vrbi atque adeo vniuerso orbi Medi-
corum collegium isto biennio esset sup-
peditaturum. Die dicto accessit ad nos
eloquentissimus Orator Petrus Riche-

rius, cuius meritis etiam hoc debemus
quod ab adolescente laudatissimo cumu-
latissimè laudati fuerimus: Porro ille sin-
gulis nostrum ex mandato dicti D. Can-
cellarij diem & horam denunciauit quâ
compareremus in aulâ Illustriss. & Re-
uerendiss. D.D. Archiepiscopi Paris. Li-
centiæ gradum in Medicinæ Facultate
suscepturi. Dies postera præscripta est,
qua omnes Facultatis Regentes Docto-
res primo diluculo apud ipsum D. Can-
cellarium conuenerunt, ibique præstito
coram eo solenni iureiurando se nihil
gratiæ nihil fauori daturus, tesserulas seu
tabellas in urnam coniecerunt quibus Li-
centiandorum ordo descriptus erat. Qui-
bus omnibus à D. Cancellario, antiquio-
re Magistro & Decano collatis, ac subin-
de nobis in dictam aulam horâ præscriptâ
redditis; suis unicuique locus publicè
assignatus est, & vniuersis pro more Li-
centiæ gradus collatus. Hucusque non
figillatim sed simul quotquot eramus
συνταδιόσποροι omnia gessimus, supplica-
uimus, admissi sumus, ita quidem vt nulli
seorsim in subselliis aut licentiis locus es-
se potuerit. Deinceps verò singuli suo
quisque ordine supplicant Facultati pro

Vesperiiis & Doctoratu. Quod ego secundum D. Bazinum Licentiatorum iure suo meritoque primum feci ac perfeci. Et hi omnes sunt gradus à pura toga ad palmatam, seu à primo Tyrocinio ad lauream Scholæ Parisiens. ni. ex quadrienni Candidato, Baccalaureus biennii; ex Baccalaureo Licentiandus, deinde Licentiatus; ex Licentiato post factam supplicationem, Doctorandus, demum Doctor. Hic ego stadij nostri metam posui: quamquam & vnum restat *Doctoris Regentis* nomen, quod vt consequar oportet me actui quodlibetario prius præesse, factâ pridie Pastillariâ, veluti quâ in Cathedræ ius & possessionem primum veniam, propositis & discussis, vt in Vesperiiis fieri solet, duabus quæstiunculis. Quod vtrumque Deo volente spero me facturum post proxima Martinalia. Vides (Amice Candidate) quantum est stadium ad hanc lauream, quantaque opera huic negotio impendenda sit, de qua tamen nihil minui aut remitti potest: non enim hæ sunt ad Doctorum libitum leges latæ & statutæ, sed ab ipso supremo Senatu decretæ & semel atque iterum sancitæ, quas proin-

ē ij

de violari nefas est & piaculare. Sed certè si tibi aditus videtur difficilis, via longa & labor immensus: tantò exitus erit iucundior, & corona gloriosior. Vilis est triumphus qui sine bello conceditur, & inanis gloria ad quam virtus ardua gradum non fecerit.

*Nolo, quod cupio, statim tenere,
Nec victoria mi placet parata.*

Firma est & diuturna fama, quæ occulto velut arbor ævo crescit; contrà inconstans & quasi ephemera quæ præcox est, quæque fungi instar priùs adulta est quàm nata: hanc si tantùm ambis, frustra hîc te Candidatum sistis; quin potiùs Montem illum pete in quo vbi dormieris, de repente Medicum te factum possis iactitare. At quid ego nunc consultoris partes ago? Multò satius fuerit te eorum admonere quæ libellus hic complectitur: Nihil ille continet nisi quod in Scholam meditatus attuli, cætera commemorare tantùm potui non referre. Tu quicūque audiisti, eadē (vt spero) nō ingratis leges, eodem plane stylo iisdemque verbis exarata, quibus primùm recitata sunt. Haberes forsan politiora si tunc cogitassem de editione: sed certè consilium res non

morata vix tempus dedit aduersaria hinc
inde sparsa colligendi & exscribendi. Nō
tamen diffiteor aliqua esse interpolata
pro temporum ratione, quibus sapiens in-
feruire debet. Porro totum opus in tres
annos diuisi, quorum initium ducitur ab
æquinoctio verno semper incidente
paulò post mediam quadragesimā, quòd
tum primùm examinati fuerimus & Bac-
calaurei facti. Primus & alter annus nihil
nisi Resumptas nostras & Theses cōtinet
eodem ordine quo illæ dictæ sunt, hæ ve-
rò propositæ ac propugnata: duo Quod-
libeta, vt vocant, ad exemplum subdidi,
neque enim omnium potui meminisse.
Ex his cætera potes æstimare quæ longè
maiora & difficiliora expertus sum. Ter-
tius annus post examen illud particulare,
de quo iam te monui, fere vacuus est ab
eiusmodi experimentis, & pene totus in
gratiis & ceremoniis impēditur, nisi quod
in Vesperiiis & Doctoratu aliquot selectæ
quæstiones ad exercitationem proponū-
tur & dissoluuntur: cæteroquin oratiūcu-
las plures complectitur, quarū seriem &
materiā ex titulis appositisq; admonitio-
nibus satis cognosces. His denique omni-
bus quæstionem præposui, & velut in li-
e iij

mine collocaui, quam Candidatus olim
dissoluerã. Cæterũ vt vnusquisque intel-
ligat libera esse nostra studia, quã liberta-
te dixi, eãdem omnia scripsi, ingenuã
equidem & quam, opinor, mihi faciliẽ
condonabit qui me satis nouerit.

*Suspicionẽ si quis errabit suã,
Et rapiet in peius quod iuuenili impetu
Dictum magis fuit, consilio quã malo:
Stuliẽ nudabit animi conscientiam.
Huic excusatum me velim nihilominus,
Neque enim notare quemlibet mens est
mihi.*

Et hæc est tota Stadij nostri atque insti-
tuti ratio, (beneuole Candidate) quam
si probaueris, omnem inuidiam submo-
uet fœlicitas; sin minũs, saltem lætabor
grati animi conscientia.

VALE.

APPROBATIO.

CVM VICTOR PALLV collega
noster Medicinæ stadium nuper
emenſus, illud prælo publicæque luci
committendum noluerit, quin priùs cen-
ſuram noſtram ſubierit, & intellexerit
placeretne munus quod Vniuerſæ Facul-
tati deſtinabatur: Cenſemus illud Philia-
tris gratum in primis ac vtile futurum,
Scholæ dignitati atque doctrinæ nihil
derogare. Et quo aſſenſu dicentem ex
ſubſelliis laudauimus, eodem nunc ea-
dem ſcribentem comprobamus. Datum
Parifiſis quinto Kalend. Sextiles anni poſt
Chriſtum Dominum 1630.

IOANNES PIETRE, *Decanus.*

IACOBVS PERREAV, Doctor
Parif.

RENATVS MOREAV, Doctor
Parif.

CLAVDIVS SEGVYN, Doctor
Parif. & patruo ſuccenturiatus
Regius Medicinæ Profeſſor.

SENTENTIA PRIVILEGII
Regij.

CAutum est auctoritate Ludouici decimi tertij Regis Christianissimi, ne quis hocce Stadium Medicum VICTORIS PALLV Doctoris Medici Parisiensis, ipso non consentiente, intra sexennium imprimat, néue vendat. Qui secus fecerit, pecuniâ & pœnâ in diplomate æstimatâ mulctabitur; vt latiùs patet in eodem dato Lugduni anno Domini 1630. Et signato.

RENOVARD.

EGO VICTOR PALLV ius supradicti priuilegij totum concessi IOANNI CAMVSAT Librario Iurato, qui primam hanc Stadij nostri Typographiam absoluit 12. Octob. anni eiusdem.

AD LIBELLVM VICTORIS
Pallu Paris. Medici clarissimi,

C A R M E N.

I Parue codex mole, magne sed tamen
Doctrina si spectetur abstrusa & lepos:
I per manus atque ora iam tandem virum
Secure, doctâ ab aure nam tersus venis.
Basia manent te grandæque, ut spero, sophos,
Ab omnibus qui mente candidâ legent.
Fastidia sed vitare non eris potis,
Horumque ronchos aliena qui nauseant,
Et ut putentur sapere calum vituperant.
Nouum arguent ac temero id inceptum nimis
Ausu. Attamen perge: Auibus in lucem bonis
Fausâque prodis & fauente sydere.

IACOBVS PERRELLVS
Doctor Paris.

IN EIVSDEM PALLVDI
Stadium Medicum,
Epigramma ad Candidatum.

Nullus Apollineam speret contingere me-
tam,
Qui prius hoc stadium currere non valeat.
Longa via est, fateor, variis atq; abdita gyris:
Nec sine multiplici palma labore venit.
Porrigit at filum, cui dignum à Pallade nomen,
Victor Dædaleum quo superavit iter.

ALIUD AD EVNDEM STADII
Medici Auctorem, Tetrastichon.

Videndus
A. Gellius
cap. I.
lib. I.

E Stadio Sæmius collegit mente sagaci,
Maiori Alcidem mole fuisse virum.
Quis mensus stadium hoc, animo te nesciat esse
Maximo, & Herculeum non videt in-
genium?

CLAVDIUS SEGVYN Doctor Paris.
& Regius Medicinæ Professor.

INDEX QVÆSTIONVM
& titulorum omnium.

AN mutationes temporum morbos
pariant? Pag. 1.

Annus primus.

An mulier semen proletarium seu genita-
le emittat? pag. 13.

An in venis à frigore ἀμαρτωπὴν ἔστι?
pag. 23.

An anima sicca humidâ viuacior, pru-
dentior? pag. 31.

An ut cordis maior necessitas quàm cere-
bri, sic & dignitas? pag. 40.

An distinguatur in eodem subiecto tem-
peramentum viuentis à temperamento
mixti? pag. 49.

Epistola nuncupatoria ad Illustriss. &
Reuerendiss. Turonensem Archie-
piscopum, pro dedicatione thesæose-
quentis? pag. 56.

Quæstio Medica quodlibetariis dispu-
ta-

tionibus agitata & propugnata, an
μαλακοί & ἄνθρωποι ingeniosi? pag. 59.

An pili viuant? pag. 68.

An Aurim. Agyrtatransmarinus, &c.
pag. 76.

An pueri sudent facillimè, senes difficilli-
mè? pag. 83.

An qui animam rationalem tertio à con-
ceptione die infundi asserit, piaculum
admittat? pag. 88.

An flatus frigidis exoluendi? pag. 99.

An homo saluberrimum corpus obtineat?
p. 107.

An cutis ex venarum, nervorum, & ar-
teriarum extremitatibus generetur?
p. 114.

Questio Medica Cardinalitiis disputa-
tionibus agitata ac propugnata, possèt-
ne senectus arte medicâ retardari?

p. 123.

Annus secundus.

An nouæ morborum species ab insolenti
astrorum constitutione? p. 133.

An sanitati suum sit contagium? p. 143

An Hippocrates & Galenus Astrologiam vsui medico necessariam docuerint aut commendarint? p. 151.

An nulli sint admittendi formæ morbi? p. 161.

An in Scorbuto $\mu\epsilon\chi\lambda\iota\kappa\acute{\alpha}$ $\kappa\alpha\theta\alpha\rho\iota\kappa\acute{\alpha}$ fugienda? p. 168.

Sirena strenuo Baccalaureo Petro Hommetio dicta. p. 175.

Quæstio Medica quodlibetariis disputationibus agitata & propugnata, an à focorum situ febrium periodi? p. 183.

Landatur Langlæus Baccal. aduersus quem tamen Arabum Medicina exploditur. p. 194.

An insania ab amore $\nu\alpha\rho\kappa\acute{\omega}\tau\iota\kappa\acute{\alpha}$? p. 204.

An Galenus per proprietatem totius substantiæ, quid manifestum intellexerit? p. 209.

An in Phrenitide cathartica quantumuis leuia, deleteria? p. 210.

An pueri in somniis terreantur? p. 226.

*An locus seu focus periodicos februm
motus efficiat?* p. 233

*Dices Domine Baccal. quinam sint
Chaldaeorum Climacterici, & an sint
metuendi?* p. 257.

*Dices Domine Baccal. an mulier sit so-
lum animal menstruale, Lunare, &
cur?* p. 265.

Annus tertius.

*Oratiuncula pro inuitatione Parany-
mphi Medici, apud supremos rerum ca-
pitalium Iudices in Parisiensi Senatu
dicta.* p. 275.

*Altera inuitatio, apud libellares ad Ba-
silicam Recuperatores ibidem habita.*
p. 282.

*Gratiarum actio, ad disertissimum lau-
dum enarratorem & praconem Pe-
trum Richerium in Scholis Medico-
rum habita.* p. 288.

*Programmapro Vesperis M. Victoris
Pallu, &c.* p. 303

Quaestio à D. Perrello Vesperiarum mo-

*deratore proposita, an balneum ante
cibum salubre?*

P.304.

*Enodatio questionis mihi à D. le Comte
pariter proposita, an balneum in pro-
fluente salubre?*

P.311.

*Oratio pro Vesperis meis à clariss. Per-
rello deinde habita.*

P.323.

*Programma pro Doctoratu M. Victo-
ris Pallu, &c.*

P.343.

*Oratio pro inauguratione eiusdem à cla-
riss. Perrello in Scholis Medicorum
habita.*

P.345.

*Quæstio à me subinde proposita, an risus
in acutis $\kappa\epsilon\kappa\theta\varsigma$?*

P.357.

*Quæstio altera à clariss. Perrello propo-
sita, An lachrymæ in acutis malæ?*

p. 366.

*In solenni inaugurationis die, Gratia-
rum actio à me demum habita.*

p.374.

Postquam errata recensui, vnum de-
inceps occurrit pag. 59. lin. 5. quod
in primis sic emendatum cupio [GVE-
NAVLT.]

Alterum est pag. 291. lin. 12. quod li-
cet leuiusculum, hoc tamen modo repo-
situm vellem [qui talem sponforem inue-
nerim & laudum preconem, vel hac par-
te, &c.]

Pauca, quod sciam, supersunt Typo-
graphi menda correctione digna; plurima
mea: sed & homo sum, & adhuc iuue-
nis, quem numquam pudebit errores fa-
teri, atque doctiorem fieri.

QVÆSTIO



QVÆSTIO MEDICA

pro vesperiis clarissimi viri
D. BODINEAV antequam
Doctoris pileo donaretur, à
me tùm Medicinæ Candida-
to pro more & captu enodata
in scholis Medicorum anno
Domini 1627.

*An mutationes temporum morbos
pariant?*



QVÆSTIO VII mei religio
(Præses sapientiss. clariss.
Medici, auditores orna-
tiss.) cunctantem impu-
lit, vt his me cancellis sisterem, re-
spondentisq; partes sustinerem, quas
vix quisquam acri licet ingenio, &
Hippocratico plenus grege satis cu-

A

mulatè possit tueri : has detrectare
tenuitatis meæ conscientia suade-
bat, monebântque ipsa subsellia ne
inter Medicos obstreperem anser
olores. Sed vt præsentēs Deos hîc
assidere agnoui qui imbecillos tyro-
num conatus humanis oculis arbi-
trantur, oppidò altiores è cœlo spi-
ritus hausisse videor, vestroque sa-
lutari numine afflatus maiora medi-
tor quàm patiatur exilis studiorum
meorum census. Et quidem vt id-
ipsum vestræ potius indulgentiæ
quàm meæ arrogantia tribuatis, hac
præfatione obnixè postulo. Vestrum
est igitur beneficium (Proceres Me-
dici) quòd iam aggredior in augu-
stissimo hoc Mineræ salubris Athe-
næo quæstionem medicam excute-
re, atque adeò rogatæ sententiæ suf-
fragio audiri non abnuo. Interim
tamen animo non parùm commo-
ueor cui sit sermo coram iis habentibus

MEDICVM.

3

dus, quorum exploratæ & teretes
 auriculæ nihil nisi eruditum atque
 elimatum admittunt, neque durum
 quicquam aut incõditum sine offen-
 sione ferunt. Verùm quid tot de-
 precationibus patientiam vestram
 moror, attentionemque fatigo? Vos
 certe qui soli Regibus imperatis, Im-
 peratorum ritu paucis estis exoran-
 di. Itaque ad rem venio, si veniam
 dederitis, & disquiro vtrùm muta-
 tiones temporum morbos pariant?

Quantum elementaris regio cœ-
 lesti debeat, atque hæc cum illâ natu-
 rali fœdere consentiat, omnibus
 opinor lippis notum & tonsoribus:
 sed quibus nexibus tota mundi com-
 pages cohæreat, quoue nutu infe-
 riora trahantur à superioribus, non
 ita omnibus est perspectum: neque
 enim mortuo Nerone * cælum ter-
 ræ miscetur, aut immortale cum ca-
 duco comparatur; si quidem inau-

* ἐμὴ δα-
 νίτος γαῖα
 μὴ χθονὶ
 πλεῖ.
 Sueton. in
 Nerone.

A ij

ditum est & monstri simile naturas
toto genere diffitas in vnum coire
simúlque coalescere. Neque verò
quisquam diffitetur diuersos esse or-
dines eorum quæ vltro citròque Lu-
na distinguit, nisi qui Aristotelem
aut oscitanter legerit, aut negligēter
intellexerit: Et quisquis superna illa
corpora atteri sui que dissolutionem
& interitum quoquo modo pati
censuerit, is profectò veritati illu-
dere, atque Peripateticæ disciplinæ
splendorem obterere & labefactare
frustra conatur. Nihilominus cæle-
stes iidem orbes quamuis cum sub-
lunaribus ἀσόμελητοι, constanti ta-
men & immutabili suo motu cæte-
rarum rerum mutationem inuehunt:
motu (inquam) suo quo viuifici ca-
loris ac luminis beneficia temperant
& æquis vicibus dispertiunt, abs quo
foret vt cuncta perpetuo otio dam-
nata marcescerent. Est igitur calor

MEDICVM.

5
ille æthereus, luminis vehiculo ve-
rius quàm Promethei ferulâ ad nos
transfusus, generationum opifex
communis, qui immixtus omnia mi-
scet & sociat, adeo vt in vniuersi fa-
brica hic rationem formæ subear,
elementa materiæ. Sint itaque iacta
hæc conclusionis meæ veluti funda-
menta, ni. cælorum vires in plaga sub-
lunari præpollere instar causæ effi-
cientis, externæ, vniuersalis, & ma-
nifestæ, quæ licet rerum concre-
tionem non ingrediatur, intimè ta-
men omnia mouet & afficit, adeo-
que aut *πρωτογενής* aut *ἀντιπρωτογενής*
pro vario quippe syderum ortu &
occasu, nec non vt illa nunc incli-
nant ad nostrum verticem, nunc ab
eo declinant; vt opponuntur per a-
spectus multiplices, vtque coeunt in-
uicem, vnde Lunæ silentia Solisque
labores præsertim obseruantur: Ex
quibus serena constitutio aut nubi-

A iij

la, imbres, venti, & quæ Græcis dicuntur μετέωρα portenduntur excitanturque. Licet itaque stabili lege cieantur sempiternæ illæ sphæræ, quia tamen multis iisque oppositis voluminibus tempora diuidunt, atque calorem viuificum aliter atque aliter dispergunt, hinc fit vt penes ipsas *motus*, penes nos verò *mutatio* insignis spectari debeat & æstimari.

Boët.lib.
4.metro.6.

Iisdem causis verè tepenti

Spirat florifer annus odores,

Æstas Cererem feruida siccatur,

Remeat pomis grauis autumnus,

Hyemem defluus irrigat imber.

Notatemp-
porū mu-
tationem
bifariā ac-
cipi apud
Gal. com.
in 1. aph.
sect. 3. quæ
interpreta-
tur de vna
tantum,
nos hic
de vtraq.

Neque verò debiliior est in μικροκόσμῳ ista tēporum vicissitudo quàm in μεγαλόκόσμῳ: Etenim qualis est aërtalis est spiritus quo veluti vinculo vita omnis continetur firmaturque, auctore Hippocrate in Epid. Et in Aphorismis austrina aëris constitutio nebulosos spiritus ingenerare di-

citur: porro qualis spiritus, talis humor in corpore dominatur, qui affines morbos prouocat, v. g. sanguis consanguineos; imò quosuis dum vehementi temporum mutatione commouetur, & eorumdem insolenti varietate alteratur: natura siquidem subitas eiusmodi mutationes perferre nequit, præsertim si fiat transitus ab vno extremo ad aliud; neq; quidquam illius tonū magis infringit, qualitatūmq; harmoniam & concordia magis euertit, quàm præceptus eiusmodi caloris aut frigoris vicissitudo; veluti si quis ferrum candens frigidæ immergat, eius temperaturam longè citius destruet, quàm si illud suæ naturæ ad frigus sensim redituræ permitteret. Sic grauis & internecinus Autumnus, propter insignem quam habet inæqualitatem, esse solet; vt non abs re denicales feriæ eo vergente apud nos ce-

ὅτι τῆς
ἐξουσίας
μαγάλῃ
μεταλλά-
ξι, &c.

Alioquin
contrarios
soluit mu-
ratio hæc
tēporum,
de qua ta-
men & in-
telligen-
dus aphor.
αὐτὸν ὁ-
ρίσας, &c.

Vbi Astro-
nomiam
non parum
idcirco ad
Medicinā
conferre
docet.

Commēt.
1. in pro-
gnost.
Hipp.

lebrentur. Præterea unicuique anni
quadre sui sunt cōgeneres affectus, in
quos tū facile incidit quisquis affini
temperamento & complexione præ-
ditus est, vt passim inculcat admi-
randus Hippocrates, eiúsque inter-
pres Galenus, idque luculenter in
aphorism. 18. & 19. sect. 3. Quin etiam
aphorismo 34. sect. 2. dicuntur mi-
nùs periclitari quorum morbus tem-
pori cognatus est. Idem diuinus se-
nex à se numquam discedens septem
præcipuè tempora Medico obser-
uanda monet lib. de aëribus, locis, &
aquis, ni. duo solstitia, duo æquino-
ctia, Arcturum, Vergilias & Cani-
culam, de quibus singulis totidem
aphorismis decernit. Et quod sæpius
τὸ ἤρην ipse vocat, Galenus interpre-
tatur de aëre qui pro varia cælorum
conuersione aliter atque aliter se ha-
bet. His demum tertius sese adiun-
git nature genius Aristoteles, qui plus

sexaginta problematis hanc doctrinam illustrat, διὸ δὲ ἐν ταῖς μεταβολαῖς μάλιστα διακυβεῖν, ait ibid. Hinc Fernelius vester lib. 2. de abditis rerum causis tria recenset in aëre communium morborum genera, Endemium à terrenis inferioribusque expirationibus, Epidemium à vehementi temporum tempestatūque mutatione, & pestilentem à malignâ qualitate cælitus demissâ, siue (vt Iliad. α. cum Homero fingam) ab Apolline contortâ atque vibratâ: Sed & quàm atrociter sæuiat in ipsis temporum mutationibus pestilētis contagij labes quotidie nostro malo satis experimur. Tandem verò non solum annuâ temporum mutatione, sed & seculari morbi inuehuntur, iique plerumque noui qui subinde suas habent ætates, & diuersis seculis diuersi grassantur, vt præter alios locupletissimus est auctor Plutarchus

Sect. 1.

Lib. 8.

Probl. 9.


in sympos. vbi singularia huius nouitatis adducit exempla, vt & Plinius cap. 1. lib. 26. Patrum nostrorum ætate frequens erat Elephantiasis, quæ nobis nunc obsolescit. Et hodie gliscit scortorum lues syphilis peregrinus cum nouo nomine affectus; acceduntque in dies ignotæ morborum species veluti cum arte vestrâ ex insidiis bellum gerentes. Quæ quidem vno eruditissimorum quorumque philosophorum ac Medicorum consensu nouæ cælorum posituræ & impressioni potissimum imputanda sunt, siue occultæ, siue euidenti & à nobis vtcumque perspectæ, vt mittam cæcos illos & latentes influxus, quibus sublunaria regi & gubernari autumant, *qui os suum posuerunt in calo*, nobis verò nondum contigit esse tam beatis. His nihil iam superesse arbitror nisi vt solemne Dictatoris Coi edictum hîc coro-

MEDICVM.

II

nidis loco attexam, quod est primum
 tertiae sect. sua νομοθέσεως ἀφοριστικῆς, Αἱ
 μεταβολαὶ τῶν ὥρέων μάλιστα πικτοῦσι νο-
 σήματα, καὶ ἐν τῇσιν ὥρησιν αἱ μεγάλαι με-
 ταλλαγαὶ ἢ ψύξιος, ἢ θάλψιος, καὶ τ' ἄλλα
 καὶ λόγον οὕτως.

*Ergo mutationes temporum morbos
 pariunt.*



QVÆSTIONVM EX
subsellis Medicorū per bien-
nium agitatarum, quas vul-
gò Resumptas vocant,

PARS I. PRIMO ANNO
dicta, à Martinalibus anni 1628.
ad esuriales ferias Quadrage-
simales anni sequentis.

RESVMPTA I.

*An mulier semen prolecarium seu
genitale emittat?*

In primo ad subsellia ingressu postquam
Baccalaurei gradum adeptus sum.

PRÆFATIO.

SALVE magna parens Diuūm,
Phœbeia tellus,
Magna virūm, atque iterum
quam nata es ferre salutem

14 STADII MEDICI

*Accipe, dum primùm subeo tua templa
scholâmq̃ue*

*Ingredior, sanctos ausus penetrare re-
cessus.*

*Adsis ô captisque faue exoratus Apollo,
Atque tuis dudum cupidam artibus im-
bue mentem.*

*Da mihi te facilem, placidos vultûsque
tuorum,*

*Quorum nos vrget præsentia, redde Ne-
potum.*

*His dignas genioque loci da fundere
voces,*

*Prægressæ & calcata sequi vestigia
turba.*

*Quod igitur faustum, fêlix, fortuna-
tûmq̃ue sit, commilitones lectissimi.
Amplissimus hîc sese ostentat dispu-
tationis campus, in quo mihi hanc
Iatricam palæstram primùm ingre-
dienti liceat aliquantulùm excurrere
& exspatiari: Inuocatâ priûs be-
neuolentiâ prudentiss. huius actus*

ANNVS PRIMVS. 15

Moderatoris, sapientiss. Præceptorum, totiúsque ornatiss. confessus. Proponis (Erudite Puyton) duo generationis nostræ principia, nimirum vtriusque parentis semen quasi principium agens seu à quo, & maternum sanguinem quasi patiens seu ex quo; ac si liquidò constaret fæminas genitium semen emittere minimeque irritum: Cùm tamen id curiosus naturæ speculator Aristoteles Lib. I. d
palam inficietur, multis iisque non generat
contemnendis rationum momentis. animal.
Quis enim de masculino sexu tam humiliter sentiat, vt ipsum à fæminino superari in speciei propagatione existimet? In ea (inquam) actione quâ solâ humanum genus æternitatem assequitur. Quod tamen admittere cogitur quisquis mulierem non tantum sanguinem, sed etiam secundum semen ad generationem conferre censuerit. Et ne quis id putet à

philosopho tolerari posse, attendat generationem cæterarum naturalium actionum esse finem, à quo omnis viuentium perfectio absolutioque æstimatur; si quidē vnumquodque tum demum perfectum cēsetur, cum sibi simile generare potest, unde pueri, monstra, & omnia sponte nascentia hac facultate immortalitatis vindice spoliata sunt: Quare & perfectius illud erit quod plures in ipsa generatione opes profundit. Quo pacto mulier dignitate ac perfectione longè virum superabit, si vtrumque generationis principium sola suppeditet: Quin etiam sola generabit citra maris copulationem, cui id tantum incumbet vt secundas teneat, & opus tantæ molis adiuuet. Equidem consultius sentire videntur Peripatetici, qui, cum in omni naturâ debeat alicui agenti aliquod patiens respondere, mulierem patientis

tientis locum obtinere statuunt, ma-
 rem verò agentis. Et certè vterus
 materiam & locum generationi ido-
 neum subministrans, idem præstat
 animalibus quod terra plantis, vt do-
 cet Aristoteles. Vnde non minùs
 physicè, quàm comicè fundum mu-
 lieris arare, & *κῆπον* incolere hortula-
 nus Priapus dicitur. Nemo autem
 quantumvis rusticus terram in plan-
 tis producendis, aliquam efficiendi
 vim obtinere dixerit. Fertilis ager
 vbi semina excepit, & alibili succo
 irrigauit, eorum vim latentem calo-
 re cèlitùs adueniente suscitatur, mouet
 & promouet, quâ subinde vegetan-
 tur, erumpunt ex terræ sinu, adole-
 scunt, gemmant, florent & mature-
 scunt. Non aliter vterus viri genitu-
 ram, seu, vt loquitur Plinius, genita-
 lem vrinam concipit, quippe qui
 blando suo vitalique calore prole-
 ctam fouet ac fœcundat, atque infi-

Cap. 2. &
 Gal. li. de-
 formatio-
 ne fœtus,

tam eius facultatem ἡ δὲ δρῆσις ἐκ
 ἐνέργειας educit: Eandem incocto illo
 & seminis speciem gerente humore,
 quo perfunditur attemperat, eius-
 que molem auget non virtutem: Is
 enim cedit in materiam seu, ut ipsius
 Galeni verbo utar, in alimentum ve-
 getanti semini virili, donec natura
 subministret menstruū sanguinem,
 quo partes perficiantur, alantur, &
 augeantur ad partus vsque tempo-
 ra. Hinc forsā Aristoteles sapientis-
 simè dixit hominem primū vivere
 in vtero vitæ plantæ. His non leue
 accedit argumentum à mulierum
 temperamento petitū; mulier enim
 & voce & pilis & corporis habitu,
 atque forma *puero similis nec non spa-*

Cap. 20. & *doni*, ac proinde quasi mas insemi-
 lib. 5. c. 3. nis est, ut vertit Gaza, ὡς ἀπὸ ἀρρενὸς ἀν-
 sub finem. *νδρος*, inquit Philosophus, unde & mas
 Item Ga- *imperfectus & πεννεργιδίος*, atque
 lenus l. 10. *etiam monstrum ab eodem non vno*
 de simp. m. f. cap. de
 felle.

loco appellatur, ἀδυναμία γὰρ πινὶ τὸ
 θῆλυ ἐστὶ, ὃ μὴ δυνάσται πέποιθεν ἐκ τῆς
 φῆς σπέρμα τῆς ὕδατος. Enimvero quī fie-
 ri posset vt mulier, quæ propter
 temperamentī frigiditatem sangui-
 ne incocto redundat, semen reco-
 ctum excernat, atque generandi vi
 præditum, cuiusmodi summam ca-
 loris deposcit elaborationem. Quin
 etiam puellarum atque masculorum
 maturitas seu pubertas eodem ferme
 tempore contingit, sed his, dum παρ-
 αΐζειν incipiunt & semine turgere, illis
 dum primū menstrua erumpunt.
 Quare mas formam & principium
 motus præbet, fœmina corpus atque
 materiam. Namque & quod gene-
 ret, & ex quo esse oportet: vnde ma-
 rem dicimus inter animalia quod in
 altero gignit, fœminam quod in se-
 ipso & ex seipso, non tamen à se; Ita
 quidem vt ille Phidiæ, hæc & officinæ
 & materiæ respondeat. Et quemad-

modum oua quæ auium fœminæ
mutuâ inter se libidinis imaginatio-
ne sine marito concipiunt, *volu-
pta sunt*, subuentanea, & irrita: sic
& seminalis ille humor quem puellæ
catulientes solæ profundunt, pror-
sus inanis est & sterilis: Quod enim
est in ouo germen, hoc est in vtero
semen masculinum; albumen velut
fœmininum, luteum verò sanguinis
menstrui vicem omnino subit. De-
mum natura fœminarum partes ad
recipiendum efformauit, masculo-
rum ad immittendum, quorum est
agere & agitare, vt illarum pati &
motum sustinere; vnde non abs re
ludens poëta *sceptrum* laudat, *pathicæ
quod petunt puellæ*. Sola tamen mu-
lier virum quieta vix admittit, quin
voluptatis impatiens fluctuâte lum-
bo crissat, ceuentem reciprocatur, &
plerumque anteuertit: Quod cum
brutæ patientiùs ferant, primo coitu

implentur : Mulieribus contrà frequens inde *ἐκπρὸς* Lucinam fallit, quæ alioquin quietæ & citra voluptatem plerumque concipiunt ex cap. 19. lib. 1. de gener. animal. Quæ sane omnia innatâ insequiori sexu tantum patiendi legem palam declarant. Prætereo quod profanus Paracelsus contendit etiam extra vterum posse pullulare masculinum semen vitreâ cucurbitâ exceptum, & arte chymicâ fuscitatum: hoc enim impium est, atque, ut ego arbitror, *ἀδυνάτων*. Sed mihi iam contrà videris Galeni auctoritatem obtendere, omnesque has argumentorum petitiones leui, ut aiunt, declinatione eludere. Satis enim nouisti qualis quantusque sit vtriusque seminis motus, quorum quidem masculinum præpollet, atq; agentis dignioris & præcipui partes sustinet, alterum minus præcipui, ita tamen ut suum quoq; in operando

Lib. de natura rerû.

munus obeat, ne videlicet natura aliquid frustra fecisse accusetur. Patere tamen ut Galenum Galeno opponā, qui contrarium sentire videtur cap. i. lib. 14. de usu part. his verbis, *Fœmina cum masculo frigidior sit, incoctum & tenuem in parastatis humorem habet, qui nihil ad prolis generationem cōfert, ideoque suo iam functus officio effunditur, in uterum verò trahitur alius, marium nempe humor.* Quibus verbis muliebri semini vim procreatricem prorsus denegat, quippe cuius *υγες* non sit *εμεινους*, nec eo spiritu perfusa quo virilis spumescit & albicat, sed incocta & tenuis: Quare ei quoque seminis nomen meritò denegasse videtur, ille numquam satis laudatus Aristoteles. Tu videris, doctiss. Baccal. pro ea quā plurimum vales ingenij solertiā & eruditione, quid his rationibus & auctoritatibus possit responderi.

RESVMPTA II.

An in venis à frigore αἷμα πορῶνται?

GE O G R A P H O R V M mappa quodidianis nostrorum hominum nauigationibus ita excreuit, vt antiquus orbis nostri compendium fuisse videatur. Non minori progressu medicorum scientia quæ in microcosmi inquisitione sedulò occupatur, assiduis cruditorum physiologorum lucubrationibus in dies ita locupletatur, & nouis obseruationibus augetur, vt in ea semper *aliquid ultra* suspicari liceat. Quot, amabo, nouas regiones recentiorum Anthropographia detexit? quot sinus aperuit? quot abstrusa venarum ceu fluminum ostia penetrauit? Et dum curiosâ diligentia naturæ recessus

B iiij

penitiùs scrutatur percōtatúrque, se
 etiamnum multa ignorare fatetur.
 Sed ne tam lōgum iter percurramus,
 mirum certè quàm multiplici ac in-
 solenti nouitate in morbis natura
 fallit, adeò vt verissimum sit illud
 Plinianum *naturam à miraculis num-
 quam cessare*. Iampridem visæ sunt
 in agro Turonensi aquæ è rupibus
 emicantes, ab ipsa scaturigine in la-
 pidis duritiem concrefcere. Sed ha-
 ctenus inauditum est sanguinem in
 suis fistulis solidescere, & coralli mo-
 do fruticari. Id profectò (Papyri prę-
 textate, in quo velut ex Mercurij βα-
 σιλῶν diuina eminet) clarissimo do-
 ctissimóque patri tuo debemus, cu-
 ius operâ prudentique consilio po-
 pulus Paris. & magnates suo quisque
 tempore vsi sunt sine superbiâ. Ille
 siquidem quo est in philiatros affe-
 ctu, noluit hoc nuper à se visũ morbi
 funestissimi symptoma deinceps la-

D. Bazinus
 intelligi-
 tur.

tere, & medicis imponere. Nec certè
parùm ad tantì beneficij cumulum
contulit sapientissimus huius actus
arbiter Brayerius, qui doctrinæ suæ
splendore ita quæstionis obscurita-
tem illustravit, & ingenij acumine
difficultates soluit, vt nemo iam
eius cōclusionem possit expugnare,
cùm præsertim te fortissimum ha-
beat propugnatorem. Attamen quia
huius insolentis euentus causa tar-
dos fugit, patere me tantisper remo-
rari celeres mētis tuæ discursus, dum
tibi dubia quæ me sollicitū habent
proponam. Si modò veniam rogan-
ti non denegauerit prudentiss. &c.

Ponis efficientes cōcretionis cau-
sas calorem & frigus de quibus te-
cum conuenio, cum id nos doceat
Aristoteles 4. Meteor. nec repugnā-
tem habeat Galenum. Sed dum sub-
sumis ipsas in venis ea efficientiā pos-
se reperiri, vt in iis etiam sanguinis

concretionem promoueant, hoc est quod me magnoperè exercet, ac præsertim si frigus efficientem huius cōcretionis causam præcipuam, vt admittis, spectemus. Nam dum venarū temperiei earūque tepori sanguinis *φύλακιν* & inconcretionem, vt ita dicam, tribuis, ita videris sentire, vt illarum intemperies præcipuè frigida concretionem efficiat. Et ita posito falso antecedenti sequitur falsum consequens. Quare sic licet argumentari. Contrariorum contrariæ sunt causæ: Sed venarum tepori sanguinis conseruatio adscribi non potest: Ergo nec frigori concretio. Etenim viuente animali sanguis effusus intra corpus non tantum tepidum, sed etiam calidum, statim tamen concrescit: quare vt ad illarum teporem sanguinis inconcretio referri non potest, sic nec ad frigus concretio. Quod vt verum sit, patet

αἷμα ποτὶ πηξιν in venis à frigore fieri
 minimè potuisse, sed potius ab oc-
 cultâ aliquâ & veneficâ qualitate:
 quemadmodum enim in iis liquidus
 conseruatur sanguis, non per manife-
 stam qualitatem, sed potius per la-
 tentem quandam totius substantiæ
 proprietatem, simili modo & ipsum
 in iisdem concrefcere est necesse.
 Extra vasa quidem, non tam frigoris
 quàm fibrarum ratione, concrefcit
 defectu loci conseruantis; at verò
 locus seu causa ipsum conseruans, non
 potest fieri destruens, nisi per quali-
 tatem sub eodem genere contrariâ.
 Certè Ctesias scriptis prodidit radi-
 cem quandam apud Indos haberi,
 quæ aquæ aut vino exiguâ portione
 imposita, illa ita condenset, vt manu
 teneri atq; ceu cera tractari possint.
 Et Plinius lib. 24. c. 13. tradit ex men-
 te Pythagoræ aquifolij arboris flo-
 rem, & c. 17. Coriacesiam calliciâ-

que herbas aquæ immixtas, illam
congelare sua proprietate. Quæ sa-
nè ut caliditati & frigiditati tribui
non possunt, satis arguunt concre-
tionis causam aliunde sæpius esse re-
petendam. Præterea absurdum est
sanguinem invenis congelascere, seu
à frigore concreescere superstitæ ani-
mali. Quod tamen non obscurè in-
nuis tertio tuo & quarto coroll. in
quibus mihi plane videris Aristote-
lem deferere & veritatem. Etenim
animalia sanguinea quamdiu respi-
rant, calorem habent non tantum
potentiâ, sed etiam actu; quod vel in-
dicat ipsa respirandi necessitas: Et
quocumque modo venarum nativa tem-
peries dissoluatur, eæ tamen quam-
diu vita manebit, suum servabunt te-
porem, si non ab insito calore saltem
à corde influentem, & arteriarum ne-
dum viciniâ sed & per infinitas ana-
stomoses communione excitatum,

ac veluti refocillatum. Neque tamen
diffiteor sanguinem tunc crassio-
& ad motum ineptiorem fortè reddi,
quemadmodum & graui metu op-
pressis ac pene exanimatis *coit gelidus*
circum præcordia sanguis. vt ait Poë-
ta. Sed abundè nouisti tum ex Gale-
no tum ex Aristotele, aliud esse con-
crescere, aliud crassescere; si quidem
concretio sit rei liquidæ & mollis in-
duratio, crassities verò densatio: hæc
quidem via est ad concretionem, sed
tamen concretio non est. Hinc Gal.
2. de temper. docet siccitatem par-
tium in homine solo sensu depre-
hendi, eò quòd (inquit) *tanta in eo*
frigiditas esse non possit, vt aliquid
in eo concreescere in duritiem queat.
Quòd si dicas id quidem fieri non
posse in totâ sanguinis massâ super-
stite animali, sed tantum in aliquâ
parte. Repono necessariò necrosim
præcedere eiusmodi concretionem

debere in quacumque tandem parte illa fiat. Sed quid dico necrosim præcedere? Cùm nec extincto animali sanguinis concretionem in venis factam, nisi forsan à penetrabili frigore, vllus vsquam ante hunc diem viderit. Id ipsum omnia reclamât theatra anatomica, ipsâque communis experientia refellit. Nouissimè tamen repertus est in cadauere hominis morbo, & vitâ nuper defuncti & pene adhuc calentis, sanguis in venis etiam maioribus totus concretus. An nos sensibus obloquemur? minimè verò: Rara nec sunt artis, nec naturæ.

RESVMPTA III.

*An anima sicca humidâ viuacior,
prudentior?*

NEMO non miratur (docte
Respondens) cùm totâ tuâ
thesi plane Aphoristicâ nil nisi Hip-
pocraticum spires, hanc tamen tibi
velut aliud agenti propositionem
excidisse, quâ asseris animam siccam
humidâ viuaciorem, prudentiorem.
In quo mihi plurimùm videris aber-
rare; nescio an vt hoc næuo maio-
rem toti operi gratiam conciliaries.
Quâ enim mente aut quo consilio
(si quidem id consilio factum est)
hoc ἀδόξον δόγμα Hippocratis de-
cretis interserueris, non video: an
vt nomen & famam hac paradoxi
nouitate quæres? vide tamen ne

frustrà sis; neque enim leuem tibi, licet veterano iam militi, in hac arenâ pugnam ominor, cuius ego velitationem tentabo, si conatibus nostris annuerint numina, hoc est, sapientiss. huius actus moderator, &c.

Ac primùm ne nos nominis homonymia fallat, hîc animam siccam (si rectè sentio) non intelligis sobriâ & ieiunam, quemadmodum Plautinus ille parasitus, eo enim sensu madidum sicco procul dubio prætuleris. Sed cùm humidum & siccū apud medicos propriæ sint temperamentorum differentia, hîc per animam siccam temperamentum à te designari facilè conijcio, suspectâ sanè loquendi figurâ, atque etiam vel Galeno iudice damnandâ. Sed id tibi donemus. Videamus igitur an qui sicciore temperamento sunt præditi, viuaciores sint ac prudentiores. Nul-
lus, opinor, ante hunc diem vitam in
sicco

sicco posuit, quæ non aliter defini-
 tur quàm permanfio calidi in humi-
 do, adeò vt omnis animantium viua-
 citas à copiâ humidi repetenda fit;
 quò enim vberius est pabulum, eò
 luculentior ac diuturnior est calor,
 qui dum proprium subiectũ sensim
 absumit, siccitatem inducit sibique
 tandem tabem arcessit & interitum;
 exhausto ni. humido nec eo tali &
 tanto reparato: Ita vt tantum de vi-
 tã decedat, quantum de humido de-
 perit, neque aliud quicquam esse vi-
 deatur nostrũ viuere quàm siccesce-
 re. Hinc appositè Homerus viuidos
 & florentes ætate viros *διεργούς* appel-
 lat, & apud eundem *ἰαίνεισθαι* seu hu-
 medtari est refici & recreari, vt notat
 Plutarch. lib. 8. symp. probl. 10. *ἀλ-
 γαντες* contrà senes dicuntur quasi
 exsucca & *σκελετοὶ*, ibid. & apud Gal.
 cap. 3. lib. 1. de temperam. Et certè
γῆρας nihil aliud est quàm *μάεργος* seu

siccitas naturalis, cui respondet *αὐα-*
σις seu ariditas in plantis, ex Aristote-
 le 4. met. nec non Galeno lib. de ma-
 ras. & passim alibi. Quod autem se-
 nectus hyemi analoga, & catharris
 præ cæteris ætatibus obnoxia, atque
 adeò excrementitiâ pituitâ & aqueâ
 humiditate scatens; idcirco pleros-
 que in errorem induxerit tempera-
 mentum ex excrementorum redun-
 dantiâ æstimantes; non est hîc ope-
 ræpretium pluribus refellere, cùm id
 iam cumulatè tuis manibus quotidie
 tritus Fernelius præstiterit, cap. ult.
 lib. 3. phys. Et tu temperamentum
 illud spurium, atque *ἐπικτητόν* non cu-
 res. Sed quid ego cum ventis litigo?
 aut quid testibus opus aduersus con-
 fitentem reum? Vide enim quàm ti-
 bi malè constes, qui mox subiicias
 stupidos esse longæuos: An non quia
 in iis propter inertiam humidum il-
 lud primigenium tardiùs exarescit?

Sed fortasse dices viuacitatē hīc pro ingenij alacritate esse positam. Certē viuax apud Latinos, auctores annosum & longæuum significat, aut validum & vigoris plenum, inquit Sipontinus; numquam (quod sciam) ingeniosum: sic apud Virg. Ecl. 7. *Viucis cornua cerui*: apud Ouid. 12. metam. in Cæneo. *Viucemque animā missis elidite syluis*: apud Plin. cap. 50. l. 7. *senecta in pœnam viuax*: & sic passim alibi. Viuacitas Columellæ *ὀζωία*, Quintiliano *μακροβιότης*, nemini, quem viderim, *ὀφύια* aut *ἀρχινοία*; Nolim tamen diffiteri te exemplis carere, quibus istam nominis expositionem comprobes. Quare id iam vltro tibi concedo, & probo temperamenti siccitatem absolutē, non conferre ad ingenij præstantiā, atque prudentiam, idque vnico argumento. Temperamentū temperatissimum perfectissimum est natu-

ræ instrumentum, & ad omnes animæ actiones obeundas maximè idoneum, ac præsertim in homine cuius temperamentum ad iustitiam temperatum est ad pondus: Ergo temperamentū temperatum potius, quā siccum confert ad ingenij excellentiam, atque ad prudentiam, quæ propria est & præcipua hominis actio. Præter rationem propositio hæc confirmatur auctoritate nobilis triumviratus Hippocratis, Galeni, & Aristotelis. Hipp. lib. de aëre, locis, & aquis, laudat Asianos, ut in medio omnis excessus positos & temperatissimos, nec eos hebetes, quemadmodum tu, sed ἡπιωτέρους & ἀεργότερους asserit, qui proinde institutione magis & consuetudine, quàm naturæ vitio in molles euadant & effæminatos. Idem lib. de flatibus, ait inter omnia quæ in corpore sunt, nihil magis ad prudentiam cōferre quàm

sanguinem: (puta purum & quantitate ac qualitate moderatum, quatenus spirituum animalium est materia, alioquin sanguinei ex Galeno simplices & stolidi) *hic ergo* (inquit) *cum in constanti habitu persistit, consistit & prudentia; sanguine vero mutato* (i. à temperie recedente) *concidit & prudentia.* Galenus 2. de temperam. prudentiam homini *ἀρετὰν* præ cæteris tribuit. & lib. quòd animi mores sequantur corporis temperam. ex eo quòd anima à temperamento profiscatur, mentis perspicaciam in exquisitâ corporis temperie absolutè consistere contrà Platonicos & Heraclitum docet. Quòd si ibidem ille vt & Aristoteles, probl. 1. sect. 30. alijque classici auctores siccum temperamentum laudant, & cæteris antepondere videntur: Id certè non absolutè faciunt, vt attentius legenti perspicuum fiet; vel enim illud cum cæ-

teris intemperatis tantum conferunt;
vel in vnâ duntaxat aut alterâ inge-
nij facultate illud præ cæteris com-
mendât, non in omnibus, quale tan-
tum temperamentum temperatissi-
mum absolutè præstat: vel certè eos
solum melancholicos intelligunt,
qui iugi studio mentis que agitatio-
ne ex temperatis tales euadunt; vnde
ipsemet Aristoteles problemate lau-
dato hæc habet. *Nam si omnino merus
bilis atræ habitus sit, melancholicos admo-
dum esse necessum est: sin autem quendam
in modum temperetur, egregij singulares-
que instituuntur: hi tamen si parum suæ
valetudini consulunt, facile in vitia bilis
atræ labuntur, alij parte aliâ sui corporis:
alij namque in morbum comitiales inci-
dunt, alij attoniti (ἀποπληκτικοί) fiunt,
alij vehementissimè anxij, aut formidolosi
redduntur. & quæ sequuntur. Vt hinc
discas cur tot egregij heroës initio
problematis propositi, his morbis*

fuerint obnoxij, nimirum contra-
cto per studia habitu melancholico.
Porro ibidem temperamenta distin-
guuntur penes melancholiam hanc vel
illam qualitate præditam, quod ipsa sit
velut omnium humorum basis, ita ut
per melancholicos temperatos, nihil
aliud intelligi velit Philosophus, quam
absolutè temperatos. Quare conclu-
dit nativam melancholiam solam,
cuiusmodi descripsit. i. reliquis hu-
moribus temperatam, per se tantum
facere ad ingenij præstantiam, non
crassam illam & excrementitiã, quæ
per intemperiem & morbos plurima
succrescit. Hinc idem ipse 2. de anim.
cap. 9. *μαλακοσάρκεις* maximè inge-
niosos esse ex eo probat, quod exqui-
sito sint tactu præditi adeoque tem-
peratissimi; ferè enim inde fit, ut qui
stupido sunt tactu, sint & stupido in-
genio. Ex quibus vides quàm incon-
sideratè ingenij & prudentiæ palmã

sicco temperamento detuleris. Ego
 contrà Paridis iudicio standum pu-
 to, vt ni. malum hoc aureum non
 discordiæ, sed summi Iouis munus
 diuinum *detur pulchriori*, hoc est, ad
 pondus temperato, & ad amussim
 conformato.

RESVMPTA IIII.

*An vt cordis maior necessitas quàm cere-
 bri sic & dignitas?*

CVM explosam iamdudum exi-
 clioque damnatam de cordis
 principatu opinionē, in hanc scho-
 lam veluti iure postliminij reuocas,
 (doctissime Mathæe) eximius Peri-
 patericæ doctrinæ μαθητής omnibus
 videris: Metuo tamen ne μάταιος sc-
 ueriorum reprehensionem incurras,
 quippe qui Lycæi auctoritatem Ga-

leni demonstrationibus ipsique veritati anteposueris: Ac certè qui hãc Aristotelis sententiam fustibus ablegandam putant, nescio quid tandem de te sentient. Sed quoniam Tyrannica isthæc cordis monarchia, abundè à doctissimo, qui ante me dixit, Baccalaureo iam iã impugnata est: Restat vt ego positâ trium principũ partium oligarchiã, cor primum dignitatis locum non obtinere, vt statuis quarto tuæ theseos corollario, demonstrem: dum modò sapientiss. Præses totaque percelebris auditorum corona, facilem mihi præbeat aurem.

Innuitor
Lauréius:

Quantùm animalis facultas vitalem dignitate antecellit, tantùm, opinor, cerebrum cordi præstare necessum est; si quidem vniuscuiusque partis dignitas, ab eius facultate ac operatione tantùm modò petitur, quæ vt præstantior est, ita quoque maio-

rem partis nobilitatem omnino arguit. Quod ut verissimum sit, inde patet, quod perfectio & finis conuertantur; partium autem finis actio est: Ideoque & partium perfectio, actio est seu ad actionem referenda. Quæ ut nemo sani sincipitis inficiabitur, sic nec quisquam animalis facultatis operationes (præsertim in homine) dignitate vitales superare in dubium reuocabit. Sed in cerebro ceu in orchestrâ, intelligendi facultas (quamquam *κωκυτή*) quasi Dictator perpetuus sedet, cui iuxta collocati apparent sensus, tum interni, tum externi veluti internuncij fidelissimi, & ministri à natura dati: Et quia appetitus rationalis, siue voluntas ibidem ceu ex throno imperat, hinc etiam voluntarij motus origo. Quæ omnia facultatis animalis nomine comprehenduntur. Quod autem illius proprium organum sit cerebrum,

hinc constat, quòd ipso malè affecto
 animales quoque omnes operatio-
 nes, vel saltem harum aliquæ lædan-
 tur, vigeantque integro. Aliæ qui-
 dem per se & seorsim, vt quæ pro-
 priè organicæ dicuntur; aliæ verò
 numquam per se, sed tamen conse-
 quutione quadam, cuiusmodi sunt
 λογικαί, quippe quæ, cùm non sint or-
 ganicæ, nec per se, nec ratione subie-
 cti, sed tantùm obiecti, lædi possunt:
 siquidem oportet *intelligentem specu-
 lari phantasmata*, ex quorum errore
 sequitur & mentis aberratio: vnde
 numquam contingit mentis aliena-
 tio, quin prius phantasia sit in vitio,
 nec phantasiæ deprauatio, quin dein-
 de peruersa fiat mentis operatio pri-
 ma, secunda, tertiaue: sed phantasia
 primò & per se laborat, mens verò

Lapsus est
 hac in par-
 te Gal. dū
 imaginan-
 di & ratio-
 cinandi fa-
 cultatē per
 se, & seor-
 sim aliquā-
 do lædi pu-
 rat, vt in
 phrenitico
 cuius men-
 tionem fa-
 cit lib. de
 different.
 symp. c. 3.
 sic enim
 intellectus
 per se æ-
 grotans fa-
 cultas fo-
 ret orga-
 nica &
 αἴσθησις,
 quod est
 contra A-
 rist. c. 1. 3.
 de anim. &
 rei verita-
 tem. Neq;
 enim quæ-

admodum oculus videre, sic & cerebrum intelligere propriè dicitur,
 vt perperam existimat idem Gal. cap. postremo lib. 2. de locis affectis,
 sed anima sola intelligit, si quidem ad intellectionem non vitur or-
 gano corporeo vt medio quo, sed tantùm à quo materia intelligibilis
 suppeditatur.

tantum ex accidenti, puta ob erro-
rem externum & obiecti vitium: de-
ficit quippe quemadmodum Sol in
eclipsi, non quemadmodum Luna.
Quod si ad imaginationis errorem
accedat memoriæ lapsus, tum ratio
longius à se aberrabit, tantò quidem
magis, quantò vtráque plus minusue
lædetur. Quare cum potentiarum
illarum organum, ex quibus intelle-
ctus corpori immersus necessariò
sua haurit obiecta, sit cerebrum; me-
ritò illud rationis atque intelligentiæ
sedem, & domiciliū statuimus. Quod
autem inflammato diaphragmate,
aut malè affectis hypochondriis mens
etiam deliret, id certè accidit quia
cerebrum in consensum trahitur:
adeo ut numquam animalis facultas
lædatur quin cerebrum, vel per idio-
patheiam, vel per sympathiam la-
boret. Sed audio te exclamātem has
facultates in cerebro, quidem lucere

tamquam in instrumento , à corde
verò tamquam à radice promanare.
Nequæso, nobis istud Arabum com-
mentum obtende nimisquam à veri-
tate alienum. Sic enim par esset vt
oblæsa radice , læderetur & actio;
sed insigniter affecto corde animus
plerumq; nō delirat, vt in permultis
febris quotidie cernitur : Rursús-
que obstructo cerebro sensus & mo-
tus perit , integro tamen & valente
corde. Quod certissimum est argu-
mentum, has facultates à corde nul-
latenus proficisci, sed tantum à cere-
bro, cui idcirco potissimum consu-
litur. Enimuero quâ fieri posset, vt
tantam facultatū actionūque va-
rietatem vna eadēque pars sustine-
ret ? Vnius temperamenti vnica est
actio, adeo vt quò corpus pluribus
actionibus à naturâ destinatur, eò
etiam pluribus partibus adornetur.
Quorsum igitur tantus partium in

homine apparatus, si omnium actiones ab vna pendeant? Certum quidem est omnes ab eadem animâ informari, sed ipsa pro actionum diuersitate, partium quoque distinctionem deposcit, quarum, quæ principes vocantur licet mutuis indigeant auxiliis, nulla tamen agendi facultatem ab alterâ mutuatur, sed à naturâ insitam habet: Sic nec cor vim suam pulsificam, & vitalem iecori acceptâ refert aut cerebro, nec cerebrû vim suam animale cordi, aut hepati, nec hepar naturalem facultatem cerebro aut cordi, vt cap. 4. l. 2. de placitis docet Galenus. *Sicuti (ait) motus diuersi sunt generis pulsatio & voluntarius motus, ita principiorum neutrum, alterius eget opera.* Quibus cumulatè demonstratum puto facultatem animale à corde ceu fonte nullo modo deriuari, sed à solo cerebro immediate & formaliter, vt loquuntur,

manare. Hinc monstrum humano capite natum meritò censetur rationis paticeps, adeoque animal sacro lauacro initiandum: quod si contrà cætera habeat hominis, caput verò peregrinum, vt inhumanum eliditur suffocaturque. Quò fit vt hæc pars amplissima homini concessa illum maximè à brutis etiam perfectioribus distinguat, cum cæteroquin in corde nihil differant: Ita quidem vt omnis quæ notatur diuersitas inter vniuersam huius & illorum fabricam, sit potissimum ratione cerebri, tum quia ossa omnia proportionē respondent cranio cerebri gratiâ constructo, vt notauit Hipp. tū quia maximo cerebro ceu multorum spirituum animalium officinæ, copiosus debetur sanguis isque elaboratissimus. Vnde partium vasorumque structura operosior nascitur, & numerus maior, ac proinde distincta.

ἐν τῷ τῷ π-
 λαντίῳ
 τὸ πικρὸν
 ἐν κατὰ
 δ' ἐν κατὰ
 φῶς, αἰ
 ipse Arist.
 2. de part.
 animal. vn-
 de 36. sect.
 probl. 1. ra-
 tionē red-
 dit cur so-
 lum caput
 effingere
 consue-
 rint.

totius corporis conformatio. Quæ
 cū ita sint, cerebrum vt loco sic &
 dignitate suprâ cæteras partes, adeo-
 que supra cor ipsum eminere certò
 concludimus. Est quippe hæc pars
 veluti sacra, reliquarūque omniū
 nobilissima, in hominis cælo collo-
 cata, cui cor ipsum subiacet & pene
 ancillatur, licet forsan ad vitam ma-
 gis necessarium. Tantum enim abest,
 vt rei cuiusuis præstantia ex eius ne-
 cessitate petatur, quin imò vt vna-
 quęq; eò ignobilior putetur quò vti-
 lior: sic inter artes cæ liberales, & in-
 genuæ dicuntur quæ minùs necessa-
 riæ; contrâ sordidæ quæ maximè vti-
 les, cuiusmodi ingenuos homines
 dedecent. Quare nec ex cordis ne-
 cessitate eiusdem dignitatē rite colli-
 gis, nec necessitatem ex dignitate.
 Quod si non aliâ nitaris ratione, ve-
 reor ne Mineruam habuisse iratam,
 videaris dū Marti nimium fauere
 studui-

studuisti; cor quidē animosos facit,
cerebrū ingeniosos & prudētes, Sed
*Cedant arma toga, concedat laurea
lingua.*

RESVMPTA V.

*An distinguatur in eodem subiecto tem-
peramentum viuentis à tempera-
mento mixti?*

PRÆCLARE à Cornelio dictum
est, *ars medica non est quæ annos nu-
meret.* Cuius sententiæ veritatē pla-
nè vidēris assequutus (Perdocte Gue-
rine) qui ætates non tam annorum
numero, quàm temperamenti muta-
tione definiendas esse duxisti. Legu-
li (inquam) Legulei ætates annorū
decurſu distinguūt, quemadmodum
Astrologi anni tēpora numero men-
ſium: Physiologi menses aut annos
non respiciunt, sed aëris aut corpo-
ris temperamenta. Qua in re ita op-
D

Addeas cum sapientioribus sentire
vidêris, vt quiuis nostrum lubens
herbam tibi porrigat, & lectis ex to-
piario tuæ theseos floribus corollas
texat; sed

*O socij fugite hinc, lateet anguis in
herba.*

Dum enim Galeno plus sapere vo-
luisti, & ad distinctum viuentis tem-
peramentum ætates dirigere, tuo te
indicio miserè prodidisti, tuæque
conclusionis veritatem prorsus euer-
tisti, meone præiudicio an tuo, mox
videris: si veniam concesserit pru-
dentiss. &c.

Quæstio igitur est, an sit in eo-
dem viuento aliquod vitæ tempera-
mentum distinctum à temperamen-
to mixti, vt statuis primo coroll. E-
quidem in doctrinâ Galeni, tam est
absurdum admittere distincta duo
temperamenta in eodem subiecto,
quàm in Peripateticâ scholâ duas

formas substantiales in eodem toto, si quidem temperamentum idem est apud Galenum, quod apud Aristotelem forma: sed vnius per se compositi naturalis vnica est forma, quæ vt dat esse ita & vnitatem, docente Aristotele lib. 1. physic. text. 78. Et si forma non fuerit vna, nec erit vnum esse, nec vnum compositum per se, sed per accidens, vt idem inculcat Arist. 7. metaphys. cap. 13. *aiens, è duobus entibus in actu, cuiusmodi sunt duæ substantiales formæ, non nisi plura simpliciter fieri.* Quare & vnius mixti vnicum erit temperamentum. Quod si apud Galenum temperamentum viuentis, aliquando insinuetur vt distinctum à temperamento mixti, illud tamen non nisi in diuersis subiectis est intelligendum, numquam verò in eodem quamdiu vita manet. Neque enim viuentia alio calore viuunt, quàm calore mixti. Vnde (in-

Lib. 1. con-
trouers. c. 7

Cap. 5. & 1

quit Valesius) aliud est dicere, viuentia calore viuunt, aliud viuentia calida sunt: Nam viuit res vnaquæque calore suo scil. sibi proprio & naturali, nō tamen semper excedente. Est viuentium cuique suus caloris gradus ad iustitiam temperatus quo viuit, etiamsi absolutè frigidum sit. Quare viuentia calore quidē viuunt, calida tamen non sunt simpliciter, sed ad se demortua, vt docet Galenus 1. & 2. de temperamentis. Certum est perfectiora animalia actuali quodam & influente calore ad vitam indigere, sed in eo viuentis temperamentum collocari non potest, quod infixum omnes esse fatentur, ab ipsis vitæ principiis petitur, nec minus plantarum proprium quàm animalium. Cuiusmodi cur à mixtionis *χρᾶσις* distinguatur, non video. Nonne Salamandra viuens spiransque, ignem non minus extinguit quàm

mortua? Non, opinor, inficias ibis, cum id Aristoteles lib. 5. de histor. animalium cap. 19. palam asseruerit his verbis, *Salamandra igne minimè comburitur* (saltem ad certū vsque temporis spatium, vt Galenus explicat tertio de temperamentis) *sed per eum inambulans flammam, & prunas extinguit.* Igitur Salamandra eodem prorsus temperamento, & ignem extinguit, & viuit. Sed dices animali vitâ functo mixti temperamentum remanere, ideóque illud necessariò aliud esse ab eo quo prius viuebat animal. Repono in vnaquâque viuentium specie, certam & debitam exigi temperamenti rationem, & definitam esse eius latitudinem, extra quam hæc vel illa viuentis forma nequit consistere. Vnde dico mortuo animali, licet mixti temperamentū, non sit dissolutum, esse tamen mutatum, neque omnino idem remanere.

Excufatione tamen dignus videreris, si illum tuum viuentis calorem cælestem admitteres, & à mixti fæce segregares. Sed quî fieri potest, vt cùm homogeneous apud te sit viuentis, & mixti calor, nihilominus inter se distinguatur? cùmque vtriusque idem sit subiectum, quo modo diuersi censeripossunt? At fortasse dices, etiam si specie & subiecto conueniant, differre tamen effectis. Quasi verò calor ille tuus viuificus, qui omnia fouet, non etiam omnia discutiat: Ille idē qui nos generat, nos interimit: quin etiam à temperie recedens fit vstulator, & in propria viscera accensus, ne dicam armatus, sæuit: vnde quotidie mortalium vita ad interitum præcipitatur. Viden' vt ex orbitâ in orbitam relabaris, & perperam ista duo temperamēta in viuentibus distinxeris, quæ re ipsâ vnum idēque sunt, cuius mutatione hominis ætas

ANNVS PRIMVS.

ss

per varios gradus conuertitur, & vitale pensum ad extremum vsque finem deducitur.

Huic ego succedens primam Thesim quodlibetariam proposui, Reuerendissimo Turonensium Archiepiscopo nuncupatam, totam physiologicam & physiognomonicā, in quā quærebatur αν μαλακόσαρκοι ingeniosi? Aduersus quam Letissimi Baccalaurei commilitones mei difficultates pariter mouerunt, non minus eleganti quā subtili oratione, & doctores gradissimi vrgentibus argumentis disputarunt.

D iij

Illustris. Reuerendis. Domino,
DOM. BERTRANDO
DE ECHAUS,

Archiepiscopo Turonensi, primo
 Regis Christianissimi Eleemosy-
 nario, Sanctioris interiorisq; con-
 fessus Consiliario, vtriusque Or-
 dinis Commendatori, &c. Has
 suorum in Medicinâ studiorum
 primitias vouebat

VICTOR PALLV.



*Q*UOD hoc leuidentis munus-
 culo in infulam tuam pecco
 (Antistes Reuerendissime)
 tua humanitas culpam omnem
 amouet, quâ ita facilis apud te aditus pa-
 tet, vt nemo sit, cui non, si tenuis est, nu-
 tum tuum; si magnus, applausum promit-
 tat. Incredibili illâ tuâ humanitate iam-

dudum maiorem natu mihi coniunctissi-
mum fratrem in familiaritatem tuam re-
cepisti, ac subinde tantis cumulaſti bene-
ficijs, vt eorum magnitudo in me redun-
darit. Equidem ſenſi quanta eſſet animi
tui in eum propenſio, cuius ſolâ commen-
datione, prius ego tuis beneficijs ornatus
ſum, quàm tu meis officiis prouocatus. Vt
deinde mihi datum eſt dexteram tuam
oſculo contingere, ea me comitas excepit,
quâ dignitatis tuæ ſplendorem humiliori-
bus ſoles obumbrare, & quam ita in om-
nes diuidis, vt omnium ſit ſingularis. Iam
igitur totum id quod audeo, tuæ humani-
tati; quod offero, tuis beneficijs, debeo.
Neque verò parum me ad literarum ſtu-
dia excitauit is locus, qui apud te Muſis
tribuitur, quas non ſinis in alio ſacrario
cultiores eſſe quàm in tuo: Mæſtas vidi
nuper ac lugentes in extremo capitis tui
ſibi chariſſimi periculo opem ſollicitaſſe
ſui Apollinis, cuius tandem præſens nu-
men ita ſenſiſti, vt etiam tuis ſucceſſoribus

successeris. Ex quo ego eam artem eò impensius colui, cuius tu tantum beneficium esses expertus, communibus totius Cleri tuorumque Turonensium votis pristinae sanitati restitutus: Hanc qui verè reddidit, diu seruet integram Deus Opt. Max. & beatam senectutem addat sanctissimæ vitæ in præmetium æternæ. Interim (Antistes Reuerendissime) faue his primis studiorum meorum experimentis, quæ quantulacumque sunt, futuraque erunt, tota tibi consecro, & quando verba non suppetunt, sincerâ mentis deuotione offero, cùm hac humili prece ac obsecratione supplici, ne fastidias me fraterni obsequij & obseruantia socium inter cultores admittere; inuenies religiosum, si te exorari permiseris.

Vale diu incolumisque viuere tibi, nobis, & vniuersæ Ecclesiæ.


QVÆSTIO MEDICA

quodlibetariis disputationibus
manè agitata in Scholis Medico-
rum, die Iouis 4. Ianuarij.

M. PETRO GENAVLT, Do-
ctore Medico Moderatore.

An μαλακοί ἄνθρωποι ingeniosi?

I.

OMO supra cætera vege-
tabilia & animalia habet
quod cælo imputet. Huius
& illorū ortus longè dispar
ratio est. Ab illis vnà cum semine
traduces animæ suæ sibiipsis domici-
lia præparant & architectantur. At
huius seminalem tantum materiam,
à toto deciduam, vterque generans
subministrat, quam deinde vis con-
formatrix, vegetantis formæ vices

gerens, ita fingit & adornat, vt ipsa
 ἑλόμελης, circa septimum à conceptu
 diem, nudam & tabulæ rasæ persimi-
 lem, cœlitus infusam, recens creatâ,
 animam excipiat. Ne cogites hanc
 in solo corde aut cerebro suam fixis-
 se sedem. Tota vbique est suis arma-
 ta facultatibus, etiamnùm in mini-
 mis quas informat particulis, quibus
 ita insinuatur, corporique adunatur,
 vt datatim ambo suos sibi commu-
 nicent affectus, adeoque alterutro la-
 borante vtrumq; doleat, ac vicissim
 alterum alterius integritate vigeat,
alterius sic altera poscit opem pars, &
coniurat amicè. Hinc mens sana in
 corpore sano. Nec aliunde animorũ
 varietas repetenda, quàm ex multi-
 plici corporum χαρακτηρισμῷ atque
 temperatura. Anima perfectius or-
 ganum nacta expeditiùs operatur: &
 raram facit misturam cum sapientiâ
 forma. * Vnde Physiognomoniam in-

* Ex signis
 externis
 naturæ re-

terna ex externis non frustrà rima-
tur, quæ ex membrorum facie, to-
tiúsque corporis filo & habitu, cum
naturales animæ dotes, tum insitas
propensiones colligit.

II.

A Nimæ cognoscentis facultas
duplex, rationalis & sensitiva:
hæc ἀλογος, ἀχωρητή, ὁργανική, circa sin-
gulare obiectum occupatur: illa λο-
γική, χωρητή, nullius corporei instru-
menti consortio circa commune, &
ὅ καὶ ὅλα negotiatur: * hac tamen
consequutione vt otietur sine παρθε-
σιμίας famulatio: ῥίζα ἢ αὐτῶν ὅτι καὶ
οἱ πηγὴ πᾶντων ἢ ἀποδοσις. Horū facilis
apprehensio, compositio, diuisio, in-
genium dicitur quasi ingenitū quid-
piam & ὅ ἐμφύλον, vnde & ὁφθαλμοὶ in-
geniosi audiunt. Apprehensioni suc-
cedit iudicium. Hinc fit vt vis om-
nis & energia intellectus, licet imma-
terialis, à dexteritate ipsius potentia

rū cognos-
centur per
syllogismū
Physiogno-
micum quo
omne me-
dendi ra-
tionē inni-
ti declarat
doctiss. Al-
berius in l.
postremū
prior. ana-
lytic & lib.
de concor-
dia medic.
c. i. vbi op-
tat vt docti
quique phy-
siologi suas
συζητήσεις
conferant,
vt hæc præ-
stantissima
doctrina
augeatur
perficia-
turque.
* Intelle-
ctus pēdet
à sensu, si
non quoad
vsum saltē
quoad ac-
quisitionē
specierum.

materialis, maximè pendeat, adeóq;
 temperamenti rationem tamquam
 causam materialem & disponentem
 sequatur. Sed ex quolibet ligno non
 fit Mercurius, nec ex quouis tempe-
 ramento ingenij fœlicitas elucescit.
 Sunt penè infinitæ temperamentorū
 differentiæ, quorum medium perfe-
 ctissimum est animæ instrumentum,
 ac veluti centrum in circulo: neque
 tamen puncti vicem obtinet, sed
 multam diametri partem sibi vendi-
 cat. In hoc centro viget calor ad in-
 unctionem, durátque ad perpen-
 sionem & retentionem. Hec fiunt di-
 uinæ illæ mentis agitationes & ἐκ-
 πλῆξις: hec, inquam, ingenia facili
 nouarum rerum comprehensione
 fiunt δαυμονιώτερα.

III.

MΑλακότατοι téperatissimi sūt,
 & cæteris sensoriâ facultate
 anteferendi: sensus quinque externi

ad elementa quatuor reuocantur: ol-
factus, homini quàm cæteris anima-
libus debilior, odoris similitudine
igneus: auditus aëreus: visus, solâ
specierû admissione editus, aqueus:
tactus & gustus, terrei: ὁ γὰρ γευστικὸν
ἔῃδος ἔστι καὶ αἰσθητικὸν ὅστις: Vterque necessita-
tis & temperamenti sensus; sed tactus
maximè ex æquali omnium qualita-
rum miscella perfectus; cuius ὁ αἰ-
σθητικὸν Aristoteli internum; Gale-
no meliùs, externum; Cutis quippe
ex primorum contrariorum mixtio-
ne temperata, tactilium differentias
exactè discernēs. Eius naturalis mol-
lities, inter duritiem & laxitatem
media atque cum raritate coniuncta,
vt exquisiti temperamenti effectus
est, sic & index; præsertim in vola-
manus, vni homini propter pruden-
tiam concessæ. Quod animæ ratio,
hoc corpori est manus, cuius munus
duplex, tangere & apprehendere:

mollities ad tactum & ingenij præstantiam eximiè confert: durities ad apprehensionem & corporis robur. Ut ex vngue leonem, sic ex manu hominem, ne vanam hac in parte *χρῆμα τῆς αὐτῆς* suggilles. Nervi duriores motui, molliores sensui, subseruiunt. Hinc *ἐν μαλακῷ* sanum; alioquin *κληρόθρακοι & παχύδερμοι* agrestes ac stupidi homines indigitati. Eò sanè quisque prudentior est quò tactu præcellit, adeoque homo animalium prudentissimus, hoc sensu cæteris præstat.

IIII.

NEquicquam Chaldæi sua nobis ingerunt *ἀποτελέσματα*; non à cælo Mercuriales viri, sed à temperamento. Et quisquis concinnâ partium omnium structurâ optimâque temperie, se totum studiis addixerit, is sibi & Mercurius & Saturnus. Neque verò florescit animus cùm deflorescit

flouescit corpus: præferuntur τὸ μέσων
βελαι: Adulterina plerūque est senilis
prudētia, quæ omnia cauet, quia om-
nia timet. Non melācholicus humor
ingeniosos facit, sed ingeniū melan-
cholicos: ille per se mentis actioni-
bus officit, crassitie suā spiritus infu-
scat, animum terrore complet, inge-
niūque hebetat. Quod si tenuior
factus, subtiliori pituitā madescat,
nec non bili & sanguini permixtus,
ita saturetur, vt corpus vnum ex hac
miscella confici videatur, in quo po-
tiores quidem partes sanguinis sint,
secundæ flauæ, tertiæ nigræ bilis pi-
tuitā perfusæ; iam non melancholi-
cus humor lucebit, sed temperata il-
la congeries, ex quâ purissimi tenuis-
simique efferuntur spiritus, & admi-
rabiles in animo motus excitantur.
Omni intemperiem superat pitui-
ta mentis actionibus prorsus inepta:
illa supinū facit animum; corpus pi-

E

grum, laxum, & obesum. Anima pingui aqualiculo merfa fere est pro sale.

V.

AD ingeniorum diuersitatem nō parū conferunt progenitores, alimenta, & natale solum. *Qui vires in folijs venit ab radicibus humor: Sic patrum in natos abeunt cum semine morbi, mores;* quos subinde insituiuo & alieno nutricum lacte, consequentisque diætæ vitio, non rarò contingit degenerare. Qui temperatæ subiiciuntur plagæ vt 5. & 6. climati, fortiores simul sunt ac mitiores, & ad disciplinas capeffendas aptiores: lis heroïca ingenia, totiūsq; naturæ capacia: iisdem imperia delata fuerit, quæ extremis gentibus numquā. Hinc Roma terrarum domina consiliis, Barbarorum refringit vires, & forti manu Meridionalium cogitationes. Hinc Athenæ Musarum de-

liciæ tot Solones dederunt, Scythia
 vnum Anacharsim. Asiatici, gentis
 vitio, molles & effœminati, alioquin
 prudentes & acuti: Septentrionales
 duri, agrestes, inconsulti, præcipites:
 Meridionales timidi, cauti, animo nõ
 minùs implicito, quàm capillitio.
Quisque suos patimur maneis. Fœliciter
 ille natus arguitur, cui, emendatiore
 corporis formâ, viuulus efflorescit
 color, cum pilorum tenuitate ad ni-
 gros accedentium, vnguium pelluci-
 ditate, carnis denique mollitudine,
 quæ præterquàm quod sit exquisitif-
 simi tactus, adeoq; integerrimi tem-
 peramenti τεκμηρίον, eò ingeniũ iuuat
 vel maximè, quia dispergit soluitque
 redundantia retrimẽta, quibus pulsus
 spiritus subtiliores manent, tũmque
 maiori alacritate ad potentiarum
 obsequium accurrunt, vnde phan-
 tasmata puriora & defæcatoria con-

tingunt, celerioresque mentis agi-
tationes.

Ergo μαλακοὶ ἄρτοι ingeniosi.

Proponebat Lutetiæ VIC. PALLV
Turonensis. A. R. S. M. DC. XXIX.

RESVMPTA VI.

An pili viuant?

Q Vâ nuper consuetudinis ne-
cessitate sententiam nostram
impugnasti (doctissime Reginalde)
eâdem nunc cogor in tuam insurge-
re, hac tamen lege vt mihi quoque li-
cere velim eâdem exceptione vti, ti-
bique tuas voces reddere, me nimi-
rùm parendi potiùs obsequio quàm
contradicendi studio in hanc velita-
rem pugnam descendere, neque tam
vt à te dissidere, quàm vt tecum scho-

læ decretis stare & obtemperare videar; quibus profectò tantum non vniuscuiusque ingenium & industria acuitur, atque ad maiora semper excitatur, sed etiam amicitia liberali æmulatione contrahitur, & iucundo ad veritatem dissensu conciliatur. Sic sane alter alterum doctis dictis & obiectis exercet, ut in hac verius quàm Veneris palæstrâ amicorū dimicatio amoris sit redintegratio. Enimuerò dum ad me redeo iniquarum rerum sortem damno, quæ me viribus imparem cogit cum fortissimo Athletâ manus conserere, ac veluti Glaucum cum Diomede congredi. Utinam geminâ virtute parique ingenio tecum essem compositus, neque me tacita imbecillitatis conscientia à certamine pigriorem vltro retraheret. Tu tamen, ne victoriæ tuæ ad ore hac in parte vilescat, patere me tibi tantisper obluſtari:

E iij

modò cœptis annuerit tuus,

Auspicijs cuius pugnas & vincis,
Apollo:

nec renuerint cæteri clarissimi Ascle-
 piadarum proceres.

Eam igitur tuæ thescos partem
 impugnabo qua inficiaris pilos vi-
 uere, & inter corporis partes annu-
 merandos. Nolo hîc discutere an
 communi vitâ viuant pili, sed id tan-
 tum contendam quod negas, ni. pi-
 los actione vitali produci, atque verâ
 & propriâ nutritione augeri. Primò
 quod generationem attinet, Gale-
 nus tum 2. de temper. tû lib. ii. de usu
 part. in nobis pilorum duo genera
 statuit, quorum alij naturæ provi-
 dentiâ, & artificio conditi omnibus
 connascentur, alij loci & materiæ
 occasione indiscriminatim posteri-
 geantur oriuntur: hos sponte nascenti-
 bus herbis, illos confectis & ordinariis
 stirpibus comparat, quippe qui pul-

Item Arist.
 l. 3. de hist.
 anim. c. 11.

cherrimo ordine dispositi satis ostē-
dunt artificis naturæ industriam.
Quibus verbis perspicuè docet vim
formatricem horū generationi præ-
esse, nec aliunde tam certum eorum
ordinem, & pene numerum esse re-
petendum. Quis enim temerè con-
genitos putet ciliorum pilos, & sur-
gentes in subgrundia superciliares?
Quis capitis comam summo illius
vertice in gyrum sese vertentem, ac
subinde in *λύσσωμα* & *χαῖτων* diuisam,
quasi pileolum quouis corymbio
præferendum effingentem? Quin
etiam cūm pili pro diuersâ phantasiæ
impressionē, variè afficiantur, certò
colligitur ipsos à vi formatrice fingi
& discriminari, quæ sola eiusmodi
effectus efficaciter producit licet ab
imaginatione excitata. Quod cūm
ita sit, quis negabit pilos actione vi-
tali produci, siquidem, te id etiam
vltrò fatente, virtus conformatrix

merè sit vitalis. Quoad verò nutritionē & incrementū, idē Galenus eos plantis perpetuò comparat & cutem terræ, Aristotelē hac in parte sequutus qui 5. de generat. animalium c. 3. ait eandem esse pilorum, pennarum, squammarū & frondium formationem, ita vt caluescens senectus defrondescenti hyemi respondeat. Ac ne per quandam tantū analogiam isthæ comparatio instituta videatur, aduertere est eos non aliter quā plantas alimentum suis veluti radicibus à subiectā cute attrahere, adeò vt nō per expulsionem materiæ in longitudinē duntaxat excrescant, sed per intimam alimenti susceptionem secundum omnem dimensionem extendantur. Quod quidem sensu ipso facile deprehenditur, pueris enim tenuiores sunt pili qui adolescentibus crassiores euadunt, deinde etiam senescentibus canescunt non tantū

à radice, sed interdum à summo fine,
vel saltem secundum omnes ipsorū
partes, vt notat Aristoteles lib. 3. de
hist. animal. cap. 11. Quod primū
est atque certissimum vitę argumen-
tum. Alterum est quod in iis præfini-
tus sit accretionis terminus, vt mu-
lierculæ experiuntur quibus non de-
metuntur comæ, vt etiam in omniū
ciliis & superciliis cernitur: Nec ali-
ter abradi succrescunt pili, quàm ex-
cisa vel exhausta caro renascitur, &
attriti dentes suū magnitudinis ter-
minum perpetuò repetunt. Neque
obstat quòd excrementis alantur, si
quidem vnius partis excrementum
in alterius alimentum non rarò ce-
dit; præterea etiam probabile fit pi-
los communi vitæ non frui, sed pro-
priâ & separatâ, adeoque esse veluti
viscum in quercu; vnde fit vt mor-
tuo animali plerumque quasi post-
humi oriantur & crescant: quam-

Lib. 2. qu.
845.

quam tamen aliam huius rei causam
affert Aphrodisæus in probl. ni. quod
subiecta caro marcore subsidens eos
videatur promittere. Porro tuis te
laqueis videris irretire dum asseris
minimè siccissimos esse pilos, nō aliā
de causā, quā quod humidū oleo-
sum & aëreum contineant, cuius oc-
casionē flammam facilè concipiant:
si quidem id ipsum solis viuentibus
maximè competit, vt docet Arist.
4. meteor. Nec obiicias iis deesse
corpus organicum; Nam organicū
id non tantū dicitur, quod dissimi-
libus cōstat partibus, sed etiam quod
aptam & conuenientem figuram ha-
bet ad opus exercendum, aut vsum
præstandum ad quem à natura desti-
natur; cuiusmodi in pilis cernitur:
hi enim suas habent radices, suas ca-
uitates, suam rectitudinem, suum si-
tum, & plerique suum numerum,
prout in varios vsus à natura profe-

runtur: vt ornatum taceam & digni-
tatem quondam libertatis indicem.
Hinc fcitè auctor fatyrici ludens in
abrasum, ait,

Vt mortem citiùs venire credas,

Scito iam capitis perisse partem.

Sed quid pluribus? Cùm suos etiam
morbos patiantur pili. Grassatur in
Poloniâ & Hungariâ morbus quidâ
capillaris vulgò Plica dictus, quo ca-
pillorum cirri anguium instar ita im-
plicâtur vt gorgoneum caput augui-
bus comatum non sine horrore exhi-
beant. In hoc atrocissimo morbo
transfixi acu capilli sanguinem emit-
tunt, abradi grauiissima excitant sym-
ptomata, vt refert eruditissimus me-
dicus, qui de eo scripsit Hercules Sa-
xonia. Quibus omnibus persuasus
lubens acquiescerem, & pilos saltem
côgenitos viuere concluderẽ, nisi me
grauissimarũ, quas à te cuncti expe-
ctât, responsionũ momẽta reuocarẽt.

RESVMPTA VII.

*An Aurimontius agyria transma-
rinus? &c.*

NON sine sapientissimi præsidis
consilio factum est, ut tu (Per-
docte Mentelle) fatum & fortunam
à medicinâ adeoque à rebus morta-
liū excludens, imperitos medicos &
irracionales sub eadē causa obruas:
Neque enim fortuna potuit de suo
gradu deiici, quin eius clientes eā-
dem ruinâ traherentur. Interrogatus
quondam Chilo quid esset fortu-
na? appositè respondit eam esse igna-
rum medicum. Et certè Aristoteles
2. physicæ ἀνεγάρκως, postquam do-
cuit fortunā de iis tantum dici quo-
rum propria est ἀτυχία ἢ δυστυχία, ait,
ubi plurimum est mentis & rationis,

ibi minimum esse fortunæ; vbi verò plurimum fortunæ, ibi minimum esse mentis & rationis. Ex quibus sequitur ἀλογον medicū tāto magis esse fortunatū. Qualem nobis Aurimontium Mimo-medicum traducis, vel ipso nomine beatum. Ignarum tamen populus diffitetur hoc præsertim argumento, quod multas sententias græcas & latinas in theatro crepet, quodque magna verborum volubilitate, mirabiles suæ pomatæ vires & vsus cōmendet; adeo vt, quod præcipuum est oratoris munus, suos auditores maximè persuadeat. Nihilominus tu quasi huius fortunæ inuideres, ipsum indignanti stylo perfodis, agyrram transmarinū & præstigiatores theatralem exclamas, ei deniq; Persicum Manetis impij supplicium deberi decernis; quem tamē Parisiensium vulgus, nō omnino stolidum, admiratur & colit velut Ερμῆν

* Deū no-
uit quis-
quis Laer-
tium legit
in vitâ D.
P.

τεταγμενον * ad pontem nouum collo-
catum; quem (inquam) non barbâ
& pallio tenus philosophum, non
medicum parabolanum, sed diser-
tissimum & expertissimum vel suo
periculo recipit. Cuius ego partes
etiam si nec rogatus, nec aduocatus
nunc sustinebo, ne indictâ causâ dâ-
natus ille, iniquam iudicij vestri seue-
ritatem accuset: modò veniâ dicen-
ti concesserit sapientissimus, qui pro
tribunali sedet præses, nec non fre-
quentissimus clariss. medic. senatus.

Quamquam fama vix fauet veri-
tati, populique applausus rarò meri-
tis respondet; hoc tamen Auri-
montius virtute suâ obtinuit, vt plu-
ribus placeat & probetur; quippe
qui pari industriâ risum moueat &
stomachum. Namque præter inge-
nium plausibile, & ludicras artes qui-
bus nulli cedit, ita maleficam emeti-
corum vim temperat, & arcanâ me-

dicamentorum misturâ palatum fallit, vt nemini haëtenus, quod raræ est fælicitatis, siue fabulam dederit, siue medicinam pararit, fastidium attulisse comperiatur. Dic sodes aliquemne videris, aut audieris qui se illius culpâ è viuis ereptum reclamaret? Nec dubium quin hominum facta alter ille è cælo delapsus Æsculapius retardaret, si non implacabilis Atropos iâ olim Diaulo medico inuidens, eadem præuerteret. Quidni igitur illi gratulor qui humano generi gratissimus est? Sed quoniam imposita criminatio magis virget, præstat eam repellere, & amoliri quæ tu aduersum petulanter obiicis. Eum nimirum esse agyrtam transmarinû, circulatorem circumforaneum, denique præstigiatores theatralem & lucriperam. Nihil de agyrtâ dico, sed transmarinum esse nego: Cisalpinus est vel potiùs habitâ ratione

harum regionum Trásalpinus *ἰταλός*,
 vt satis conuincút tum hominis mo-
 res, tum vernacula lingua quæ non
 parùm artificis industriam solertiã-
 que commendat. Sed esto, si vis, ex-
 cursor Asiaticus; omne solum forti
 patria. Discutiamus potiùs num cir-
 culator sit circumforaneus eóq; no-
 mine proscribendus. Certum est Au-
 rimontium varias regiones peragraf-
 se urbésque lustrasse, vt velut alter
 Hercules terram monstris purgaret
 verus ille (si nominis emphasim spe-
 ctes) & Romanus* Apollo. Neque
 verò id ei impropere potest, quod
 popularis sit & encyclios sermones
 conferat, cùm ipsi Hipp. & Gal. quo-
 rum cursus imitari sibi proposuit, vt
 publicè professus est, non minus fue-
 rint populares. At (inquies) huius
 & illorum longè diuersa est ratio, illi
 enim vt plures iuuarent & seruarent,
 hic vt pecuniã emungat: illi homi-
 nes ho-

*Cuius co-
 gnomen
 aliquando
 meruit Oc-
 tauius Aug.
 apud Suet.

nes hominibus Dij, quibus *potior fuit* Ex Hipp. epist. ad Demetrium.
sapientia quàm auri massa : hic verò
profanus scurra, & circulator prædæ
inhians, eam imponit hamis escam
quam sciat appetituros pisciculos: Il-
li deniq; omnia ratione metiebātur;
hic contrà nihil nisi temeritate agit,
& empirico supercilio montes au-
reos pollicetur, vnde factum vt sibi
Thraſonicum montis aurei nomen
indiderit. Sed quæſo, manum de ta-
bulâ, ne plura obiicias quàm tempus
patiat. Quod Plinius de Asclepia-
de, ego certè de Aurimontio lubens
fatebor, illum ni. medicinam potiùs
sibi, quàm se medicinæ accommo-
dasse. Cæterùm vt ad postremum tue
accusationis caput tranſeamus. Ne-
gare non possum Aurimōtium thea-
tralem fuisse, & histrionis partes
sustinuisse: sed præterquàm quòd *ad*
multa cogit egestas, nec non res angu-
sta domi : an non totus mundus hi-
strioniam agit? hoc tantùm interest

quòd grex agit in scenâ mimû, cæteri
 mortalium vbique. Quasi verò mul-
 tùm interfit, si quis in theatro fallat
 an in tabernâ. Lufit in theatro Auri-
 mōtius vt cæteros luderet. Nec pro-
 pterea præstigiator est in simulādus:
 nihil enim insolitū præstat, quod na-
 turæ modum aut hominum fidem ex-
 cedat. Ingenij largitor optimus vē-
 ter, vel pſitacos docet verba nostra co-
 nari. Nullâ dæmonum ope, sed leui
 pixide plebi etiānum imponit. Quid
 tum? Argentinam humanis ambit ar-
 tibus. Plutum non pacto, sed fatali
 necessitate sibi demeretur. Plato tan-
 tus Philosophus eum laudat medi-
 cum, qui si nō citò sanat, citò interfi-
 cit; & artem illam accusat quæ vitam
 cū lāguore protrahit: fœlicitas quip-
 pe est aliqua in ipsâ calamitate citis-
 simè perire. Satis humanus est medi-
 cus, qui αἰματόφορος cardiaca sola fere
 propinat, aut certè generosa emeti-
 ca: Tu si vtraque damnas, vide ne in

3. de Rep.

te legem sancias iniquam. Itaque desine conuiciari; populo non minùs quàm cōsuetudini aliquid dandum. Sint sane dogmatici medici Isothei & fælices, at Aurimontius fortunatus, vel hac parte Hippocraticus, quòd pileatus Hippocrates, pileatus & Tabarinomontius.

RESVMPTA VIIL.

*An pueri sudent facillimè, senes
difficillimè?*

IMpetratâ veniâ prudentissimi huius actus moderatoris, &c. In eam tertij tui corollarij partem insurgam (Erudite Pratae) quâ asseris pueros sudore diffuere facilè, senes difficilè. Cuius propositionis veritatem ex eo deducis, quòd pueris pori magis pateant sintque rariores, senibus con-

F ij

trà densiores magisq; occlusi. Quod
an ita sit lubet expendere. Ex tua
thesi duo ad sudores omnino neces-
saria colligo, ni. feri copiam tamquã
causam materialem, & cutis rarita-
tem tamquam causam adiuuantem
& conditionem sine qua vix sudor
erumpit. Quorum vtrumque si in
senibus præpollere magis quàm in
pueris confecero, omnia aduersus te
consequutum me puto. Ac primò
quòd spectat feri copiam, certum est
tum plurimum abundare, cum debi-
lissimus est calor natiuus, si quidem
serum nihil aliud est ex Galeno quã
humorum excrementum crudum:
Hinc in sero adeoque in sudore, &
urinã falsedo ac plerumq; fœtor na-
scitur, vt docet Arist. probl. 13. sect. 4.
*vbi quærens, quare cum primùm con-
cumbunt corpora malè olent? Quia (in-
quit) vbi semen secessit magna ex parte
resoluiumur & refrigeramur, quo pacto*

humores inconcoctiores redduntur, pate-
factis meatibus propter seminis excur-
sum; quò fit vt sudor ob cruditatem &
salsior & fœtidior existat: additque id
patère in omnibus tam terræ stirpi-
bus quàm animantibus, detractis
enim iis quæ matura coctaque sunt,
cætera cruda relinquuntur & amara:
quâ etiam de causâ sudor falsus, &
plerumque amarus à sudantibus de-
gustatur. Idem inculcat probl. 4.
sect. 13. Cui subscripsit Theophra-
stus cap. 11. lib. 6. de causis plantarum
& libello de sudoribus. Ipse præterea
Galenus de causis sympt. docet, vt
omnis cruditas contingat, non tam
ratione materiæ ad coctionem ine-
ptæ, quàm caloris imbecillitate. Igi-
tur cùm fenes fatali caloris pauper-
rate & penuriâ laborent, par est ipsos
multam ferofi humoris & excremen-
titij copiam coaceruare, vt pluribus
exponit Gal. 5. de sanitate tuenda.

Porro illius extra corpus eliminandi
duæ tantùm cōsuetæ sunt viæ, nī. per
vretēres & vesicam in vrinas; & per
corporis habitum in sudores, qui
cur in senibus erumpāt ægrius, quàm
in pueris, non facit corporis densitas,
quippe quæ in his maior est quàm in
illis; quod secundo loco mihi pro-
bandum incūbit. Puerorum corpora
densiora arguunt tum glabrities &
læuitas, tum laxitas, quæ ita à raritate
distinguitur, vt cum densitate perpe-
tuò sit coniuncta; vnde pueros mu-
lieribus hac in parte similes scripsit
Aristoteles, quarum cutis tantò den-
sior est quantò laxior, cuiusmodi
sensibili excrementorum euacuatio-
ni adeoque sudori minùs patet. Re-
quiritur enim pororum & foraminū
rectitudo ad faciliorem humoris exi-
tum: at primæuis annis humidior
cutis, non nisi temporis progressu
fistulatur, vt demonstrat Gal. de con-

stitut. artis. Contrà verò senum cor-
 pora perspirabilia sunt & cribrosa,
 vnde fit vt in iis excrementa facile
 ad corporis superficiem ferantur, at-
 testante Arist. probl. 4. sect. 10. quæ-
 rens cur senes vitiligine magis infe-
 stentur quàm pueri? cuius rei ratio-
 nem reddit quia senum corpora per-
 spirabilia sunt & excrementis peruia,
 vbi ipsa comparat ruinosis ædibus
 quæ rimis dehiscunt, τὰ δὲ τῶν πρεσβυ-
 τέρων ἔστι τὰ τῶν νεωτέρων σώματα διπλοῦς· μέ-
 να γὰρ ὡς περ τὰ παλαιὰ οἰκοδομήματα,
 διεσπασμένα ἔχοντα πλεονέκτειν τῶν νεωτέρων. Ob
 eandem causam Theophrast. libello
 laudato, ait senum sudores minùs ef-
 fe graucolentes. Ex quibus manifestè
 consequitur senes facillimè sudare
 cùm & seroso humore abundant, &
 laxo sint corporis habitu: minùs ve-
 rò pueros, quibus proinde profusior
 est vrina, nec non prona & præceps
 omninòque quàm reliquorum hu-

midior aluus, ex Theophrast. ibid.
 At senibus vt plurimùm adstricta be-
 nignis medicamentis & eccoproti-
 cis sæpiùs est soluenda, & vrinx ci-
 tandæ, vt docet Gal. 5. de sanit. tuen-
 da. Quod si tamen pueros ætate pro-
 uectiores intelligas, certum quidem
 est eos liberrimè sudare; sed neque
 tum causa in feri copiam, aut cutis
 raritatem est reiicienda, imò potiùs
 in vim caloris natiui, leuissimâ de
 causâ internâ vel externâ, humores
 fundentis sudorésque elicientis.

RESVMPTA IX.

*An qui animam rationalem tertio die in-
 fundi asserit, piaculum admittat?*

Vulgatum est & πολυδρόμητον il-
 lud Stoicorum decretum, pec-
 cata omnia esse paria. Quæ sententia

ctfi magnificè primò dici videtur,
 considerata tamen minùs probatur:
Sensus enim cuiusque, & natura rerum,
atque ipsa veritas, clamat quodam modo
non posse se adduci, vt inter eas res, quas
Zeno exaquaret, nihil interesset, inquit
Tullius lib. 4. de finibus. Eandem
suo more exagitat Venusinus satyro-
graphus lib. 1. satyr. 3.

Nec vincet ratio hoc, tantumdem vt
peccet idémque

Qui teneros caules alieni fregerit
horti,

Et qui nocturnus diuûm sacra legerit.

Adsit

Regula, peccatis quæ pœnas irroget
æquas,

Nec scuticâ dignum, horribili sectere
flagello.

Nihilominus tu (Perdocte Lâgloys)
 quasi in Zenonis verba iurasses, du-
 rum hoc & adamantinum Stoicorû
 dogma videris reuocasse, dum scri-

*Intelligi-
tur Fienus
erudito li-
bro in hac
sententiam
conscripto
de forma-
trice factus.

bis, cum, qui animam tertio die in-
creari asseruerit, piaculum admitte-
re. Grande nefas scelusque vix ex-
piandum! nihil minus quàm si Mi-
neruæ templum incendisset, aut Æ-
sculapij barbâ sacrilegâ manu com-
pilasset. Ego contrâ eius opinionis
auctorem * dignum censeo, qui cum
principibus viris & sapientibus in
Prytaneo alatur. Quid enim sapien-
tius dici potest, quàm animam sui
domicilij esse architectatricem? Sed
priusquam falcem in tantam messem
iniicio, sapientissimum huius actus
moderatore[m] scholæ Censore[m] ri-
gidissimum, totumque ornatiss. con-
fessum, mihi propitium oro & ob-
secro.

Non me latet quàm diuersus sit,
& dubius auctorum calculus de tem-
pore quo anima rationalis in corpus
infunditur. D. Augustinus in Enchi-
rîdio ad Laurentium fatetur id ipsum

vix sciri posse. Verba eius hæc sunt,
Ac per hoc quidem scrupulosissimè in-
ter doctissimos quæri & disputari potest,
quod utrùm ab homine inueniri possit,
ignoro; quando incipiat homo in vtero vi-
uere: utrùm sit quædam vita & occulta,
quæ nondum motibus viuentis appareat.
Vbi tandem sub dubio relinquitur
utrùm informes foetus sint resurre-
cturi. Sic & D. Hieronymus lib. 2.
Apolog. aduersus Ruffinum ambi-
git, num anima rationalis à Deo pro-
ducatur ante susceptam corporis for-
mationem, nihilque de tanta quæ-
stione decernit vt valde incertâ & an-
cipiti; de qua proinde liberum est
vnicuique philosophari citra piacu-
lum. Nec obstat sacrorum Bibliorû
auctoritas Exodi 21. ad quâ doctissi-
mè respondet Fienus; præterquam
quòd illic græcus septuaginta Inter-
pretum textus, nec latino qui ab Ec-
clesiâ receptus est, nec translationi

ex hebraico à Sancte Pagnino facte,
 respondeat. Quòd si à sacris ad pro-
 fana nos conuertamus, & diligentif-
 simos naturæ interpretes consula-
 mus, nihil quicquam certius de ea re
 statuerunt Hippocrates, Galenus, &
 Aristoteles qui 2. de generat. animal.
 cap. 3. id obscurissimum esse plane
 agnoscit, διὸ ἐπεὶ νῦν, inquit, πότε καὶ
 πῶς μεταλαμβάνει, καὶ πόθεν, τὰ μετέχοντα
 ταύτης τῆς δυνάμεως. ἔχει δὲ ἀπορίαν πλείστην, καὶ
 δεῖ θεωρημεῖσθαι καὶ διωάμην λαβεῖν, ἐν
 κατ' ὅσον εἰδέχεται. Galenus lib. de for-
 mat. fœtus nondum sibi constare in-
 quit, an mundi anima per seipsam
 corpora viuentia architectetur; & li-
 cet dignam censeat cui id muneris
 demandandum sit, tamen satius esse
 statuit in tam arduâ & ancipiti quæ-
 stione nihil asseuerare, etsi ratum esse
 iubeat vim formatricem, quæcum-
 que ea sit, summam esse sapientiam.
 Ferdinandus Mena cōment. in c. 14.

libri Hipp. de septimestri partu, ex eodem infert animam septimo die infundi, cui & consentire videntur verba libri *Ἐὶ δὲ ἑπτὰ ἡμέρας* vel *ἑπτάκαισι*. Porro *vita hominis septem dierum est*: Primum enim postquam genitura in locos pervenit, in septem diebus habet quacumque habere debet. Alij negant ex historiâ Pſaltriæ lib. de natura pueri, id sensitse Hippocratem. Mitto Arabum figmenta & Auicennæ Colchoden formarum formationisq̃ue effectricem. Vt hinc intelligas nullius nos auctoritate moveri debere, in tanto tamque dubio physiologorum dissensu. Quare semotis testibus rem breuiter discutiamus, & ad solum rationis gnomonē examinemus. Cùm ex tuâ conclusione semen sit *ἀΨυχον*, nec admittas in hominis conceptu animarum successionem; necessum est conformationem perfici, vel ab ipsamet animâ rationali statim intro-

94 STADII MEDICI
ductâ , vel à virtute aliquâ feminis
actiuâ (vt asseris) quæ absents ge-
nerantis vicem gerat : Sed hoc fieri
non potest: Ergo necessariò prius est
admittendum. Nam quòd fictitia sit
eiusmodi facultas generantis vica-
ria, ex eo demonstratur; quia si in se-
mine esset aliqua virtus actiua con-
formationis effectrix , vel illa esset
potentia vitalis, vel physica: Sed non
potest esse potentia vitalis seu animæ
actu existentis in semine, alioquin,
contrà quàm sentis, semen esset ani-
matum: Non etiam animæ absents
seu generantium cum potentiæ sint
ab animâ indiuiduæ, nec possint mi-
grare de subiecto in subiectum. Er-
go restat vt illa vis formatrix sit me-
rè physica; quod est absurdissimum:
Quid enim absurdius dici potest quàm
fœtus in vtero cōformationem, non
esse actionem vitæ? Hoc argumento
oppressi melioris notæ philosophi,

multa fingunt & comminiscuntur,
vt eius vim eludant. Sed si res non
verba sectemur, nihil afferunt quod
faciat satis. Etenim ridiculū est quod
dicunt, vt actio aliqua censeatur vi-
talis, sufficere si ipsa etiam remotè
procedat à principio vitæ coniu-
cto; quo modo, inquiunt, confor-
mationis opus perficitur à virtute se-
mini impressâ per vitalem generan-
tis potentiam. Quæ solutio si locum
habet, pariter licebit dicere motum
lapidis per aëra esse vitalem, eò quòd
vis illa motiua sit lapidi communi-
cata à virtute vitali. Deinde si in se-
mine esset principium generationis
actiuum, ignobilius produceret no-
bilius, & virtus seminis, quæ est acci-
dens, per se produceret substantiam,
saltem in brutorū generatione. Nec
valet responsio, quæ vulgò affertur,
ni. vim illam seminis producere sub-
stantiam in virtute substantiæ ab-

sentis, & habere rationem instrumenti separati. Est enim de ratione formali omnis instrumenti ex Aristotele, ut motum moueat, nec prius agat quam ab agente actu moueatur: quicquid autem per virtutem impressam, permanentem, & realem mouet, iam non ut instrumentum operatur, sed ut agens principale, nisi per virtutem sibi propriam & insitam, iamque suam non alienam: quo pacto virtus actiua semini inexistens rationem præcipui agentis obtineret, ac per se substantiam produceret. Quæ omnia cum Philosophiæ principiis repugnent, consequens est conformationem ab animâ fœtus tantum fieri posse. Neque verò huic assertioni refragatur animæ definitio ab Aristotele allata cap. 1. lib. 2. de animâ, nisi quod sit *actus primus corporis naturalis organici potestate vitam habentis*. Ea enim tantum intelligenda est de

est de animâ in statu perfecto consideratâ, quando videlicet est in potentiâ proximâ ad operandum, non verò de nudâ & simplici animæ essentîâ, cuiusmodi potest esse actus corporis nondum organici: ut taceam quot interpretationes patiatur organi conditio hîc à Philosopho assignata. Quòd cum ita sit quis non videt animam primis diebus infundi oportere? saltem tertio, cum fœtus tum delineari incipiat & conformari, tumque artifice tantò sapientiori indigeat materia, quantò operosius est prima stammina & veluti licia ducere quàm implere, & rudimenta moliri quàm incrementa. Idem qui fecit & ordinavit mundum Deus Opt. Max. eundem & conseruat quasi continuatâ productione; sic & eadem anima quod tuetur, formavit & opus singulâsque partes distinxit, quarum vsum ἀπαρδολος illa ita

nouit, vt non alia potuerit constru-
xisse. Generantis est dispositiones
inducere in materiam idoneam ad
formam recipiendam sibi que vnien-
dam, non verò eandem fingere &
formare; sed ipsius animæ statim in-
troductæ, siquidem irritus non sit
conceptus: ne quis postea ἀμβλωσιν
procurari posse putet citra homici-
dij suspicionem. Vnde tandem con-
cludo, si non certam, at certè maxi-
mè probabilem videri eorum opi-
nionem, qui animam primis diebus
infundi, seu intrinsecus ab extrinse-
co creari, existimant: tantùmque ab-
esse vt eius assertores piaculum ad-
mittant, quin imò eò consultiùs sen-
tiant, quò satiùs est in re dubiâ, & an-
cipiti eam tueri sententiam quæ cri-
minibus excusationem, & obtentum
non parat, coerceréque videtur seue-
riùs animorum sceleratissimos im-
petus.

RESVMPTA X.

An flatus frigidis exoluendi?

LVcianus Gallicus popularis no-
 ster in heroicâ Pantagruelis hi-
 storiâ narrat, ipsum quondam in eum
 maris tractum fortè incidisse, in quo
 voces frigore concretæ vernali te-
 pore soluerentur, ita vt eo maximè
 tempore nil nisi clamores & strepitus
 eorum, qui hyemali tempestate illic
 naufragium fecissent, aut periclitati
 fuissent, audirentur. Idem pene no-
 bis in hoc medico Oceano conti-
 gisse videtur (Perdocte Bicquet:)
 Tandem enim post longam hyemis
 nauigationem, fatone an fortunâ, in
 eum sinum incidimus (tuam thesim
 intelligo) in quo nedum voces, sed
 & insolentes bombi, strepitus, bor-

Rabelësius
 lib. 4. c. 95.
 & 96.

G ij

borygmi, à calore creati, & à frigore,
 præpostero sane naturæ ordine, solu-
 ti, aures nostras ne dicam nares con-
 fertim feriunt; ita vt hac potissimum
 parte totus mundus, qui tibi animal
 est, crepare videatur. Nescio an vt
 solemne Claudij Cæsaris edictum
 medico Imperatore dignum hoc pro-
 grammate reuocares? An vt Ægy-
 ptiorum ritus coleres apud quos ha-
 bitus est inter numina ventris crepi-
 tus? Istis certè sclopis humaniores
 Musas à tuo consortio explodis, vt
 totum te Medicinæ asseras, quas pro-
 inde hoc Hexasticho tuo nomine va-
 lere iubeo,

*Ite aliò sacra progenies Iouis, ite Ca-
 mæna,*

Cedite ventosis putidulisque Deis.

*Succedunt vobis & iam in loca vestra,
 vocantur,*

*Sordida plebs Diuum Gastrius &
 Crepitus.*

Egregia ite Dea, si vos Anselmus abire

Iussit, qui reuocet gratior alter erit.

Sed iocis relictis, Euge tibi, qui nolueris ad hos Sireneos scopulos conflescere, quin vtilioribus studiis addictus, statim in ipso limine maximi in medicinâ momenti quæstionem proponis de flatuum origine, quos Hippocrates in scripto de iisdem libro omnium morborum causam agnoscit. Et sane cum acerbissimi à flatu cruciatus excitentur, de remedio in primis debemus esse solliciti, neglectâ etiam interdum causâ, quàm tamen decreueram attingere; sed cum alius hanc quercum excusserit, ad aliam me conferam, adeoque ad ipsius grauissimi symptomatis remedia descendam. Si fauerit, &c.

Proponis quarta tua appendice frequentes in febribus ventos frigidis esse exoluendos. Quæ assertio

G iij

mihi in re medica parùm exercitato
scrupulum mouet, nec scio idne dis-
putandi tantùm gratia & negligenter,
an seriò & propria mente proposi-
tum à te fuerit. Quicquid sit Galeno
vidéris oppedere, omniumque qui
hactenus medicinam fecerunt do-
ctrinam pessundare. Nam quæcum-
que tandem flatus causa fuerit, cum
illius geniti ratio tantùm hîc ha-
benda sit, qui exoluendus est: se-
quitur vt ab attenuantibus reme-
diis, tam admotis quàm assumptis,
id ipsum omnino præstetur. Si qui-
dem flatus nihil aliud est ex Galeno,
quàm vapor quidam crassus, turbi-
dus, in corpore genitus à calore di-
minuto, vel etiam, vt tecum ponam,
intensiori, ex humoribus crassis, pi-
tuitosis, & crudis. At attenuantia
quæ Græcis *Ἀσφορτίνæ* & *ἀφύσα*
σάφρα vocantur, & in officinis
barbaro nec satis cognito nomine

carminatiua, omnia calida sunt, quorum illud est proprium, vt flatuum materiam seu crassum illum vaporem conuertant in tenuiorem & aëreum, ac subinde totum consumant, quod fieri non potest, absque caliditate & siccitate. Hinc Hippocrates libro laudato de flatibus, ait torminibus & intestinorū doloribus quos flatus inferunt, calida fomenta vtiliter adhiberi, rarefacto enim corpore à calore fomenti, spiritus exhalat, vt quies inde aliqua & mitigatio dolorum contingat. Sic ex Galeni doctrinā clysmi discutientes ex calidorum decoctione & permistione omnino præparari debent, apud quem præcipuè s. de simpl. med. facult. vis rarefaciendi & discutiendi in caliditate & siccitate planè consistit, densandi contrà cogendique in frigiditate. Caloris quippe apud Philosophos proprium est tenuare & rarefacere,

frigoris contra densare : vnde ignis
& aër calidissimi, tenuissimi: Terra
& aqua frigidissima, densissima. Quî
igitur fieri poterit, vt frigida flatus
exoluant? Esto à calore efficiantur,
ab eodem tamen dissipari & digeri
debent, quemadmodum in *μεγαλο-
κόσμη* vapores à calore sursum educti,
ab eodem si perseueret dispelluntur
dissipanturque. At, inquires, frustra
ea discutientia vsurpantur, quæ fla-
tus denuo gignunt, eorûmque cau-
sam augent, cuiusmodi sunt calida,
vt allium apud Hipp. 4. de acut. text.
90. & Arist. probl. 6. sect. 13. quærens
cur ab allio foetida reddatur vrina;
vbi inter alias causas hanc potissimâ
reddit, quòd flatus excitet, qui pene-
trantes ad vrinam, eam foetidam red-
dunt: vt etiam gingiber apud Gal.
& semen foeniculi apud *πολυμαθέςατον*
Moxæum clarissimum huius scholæ
Iumen, suis in scholam Salernitanam

exquisitissimis animaduersionibus. Verùm isthæc & similia quomodo vera sint, & intelligenda accipe ex doctissimo Mercuriali, qui lib. 1. de compositione medicament. sic respondet; *Ea quæ calida sunt & sicca, flatum semper discutere, siue sint in tertio gradu talia, siue etiam in quarto: sed varietatem esse interdum materiæ; quia vbi illa crassa est & viscida, facultas calida & sicca agens in hanc materiam, flatus gignit crassos, qui cùm nequeant facile resolui, diutius in corpore spatiatur: adeo vt, quando hæc medicamenta flatus gignunt, id contingat ratione materiæ viscidæ, crassæ, & multæ: Quod si nulla sit eiusmodi materia in corpore, sed solum flatulenta, tunc medicamenta calida & sicca flatum dissoluunt, discutiunt, & efficaciter operantur, quando videlicet iam flatus in corpore factus occurrit. Quo sensu Galenus 12. meth. cap. vlt. scribit allium maximum esse flatus discussio-*

Plin. ca. 6.
lib. 20. alliū
etiam ma-
ximū esse
alexiteriū
asserit.

rium, propterea que dicit esse appellatū
à rusticis *theriacam*. Hinc potius quàm
de Ægyptiorum superstitione intelli-
gendi versus Persij satyr. 5. sub fi-
nem.

*Tunc grandes Galli, & cum sistro lusca
Sacerdos,
Incussere Deos inflantes corpora, si
non
Prædictum ter mane caput gustaueris
alli.*

Quædam tamen calida ratione ma-
teriæ medicamentosæ crassæ & visci-
dæ flatus excitant, ut gingiber cuius
facultas cum posita sit in viscida qua-
dam humiditate, ubi à calore nostro
in actum reducitur, agens in propriâ
materiam, fit flatulentum. Sed hoc
nihil ad nos, agimus enim de reme-
dio non de remedij materia, quod ab
ipsomet flatu iam factum, & distenden-
te indicatur. Aliud enim est flatuum
generationem prohibere, & aliud fla-

tus exoluere: fateor quidem frigida
in calidioribus naturis, & febribus
flatuum prouentum impedire; sed
non video quodnam auxilium ab iis
tunc sit expectandum, cum iam flatus
ipsi ægros fatigant. Quod tamen cum
asseris, reliquum est vt emphysemata
refrigerantibus topicis cures, & coli-
cos à flatu dolores atque tormina,
præscripto ex gelidâ enemate tan-
dem compescas.

RESVMPTA XI.

*An homo saluberrimum corpus
obtineat?*

EA est rerum caducarum natura
atque conditio, vt nihil vndi-
que perfectum, & ab omni parte bea-
tum nascatur: Ita forti nostræ sem-
per aliquid deest, nullisque hîc nos

Proemio
l. 7. natur.
hist.

bonis nisi malorum misturâ temperatis fruimur. Hinc homo licet emendatissimum melioris naturæ opificium, ac veluti cæterorum Canon, pluribus tamen morbis obnoxium nascitur animal omnibus imperaturum, magnâ fane & sæuâ mercede contra tanta munera, vt loquitur Plinius. Inde summâ Dei erga homines indulgentiâ factum est, vt Medicum propter necessitatem ipse crearet altissimus. Quid enim humano corpore fragilius? Quid infirmius & insalubrius? Quot morbi quôtque medicinæ contra mala excogitatæ, & hæc quoque subinde nouitatibus victæ? vt non satis esset æstimare parénsne melior homini, an tristior nouerca fuerit natura absque Medicinæ subsidio. Non est igitur quod tu (doctissime Hommets) Platonem hac in parte sequutus, corpus à naturâ saluberrimum nobis fuisse datum existi-

mes. Fallitur ille dum medicinã diæ-
 teticam, simul cum Iurisprudentiã à
 suã Rep. remouendam iri putat, ratus
 vtramque ex intemperie vitióq; no-
 stro ortum ducere. De Iurisprudentia
 nihil dico: Sed longè pluribus nos
 infestari morbis quàm cætera anima-
 lia, non aliam ob culpam quã quòd
 homines simus, mihi certò persua-
 deo tibi que, si affulserit beneuolen-
 tia illius qui Medicinæ, cuique pari-
 ter Medicina multum debet, ac erri-
 mus Hippocraticæ atque Galenicæ
 doctrinæ vindex & assertor, sapien-
 tissimus huius actus moderator, fa-
 uerintque, &c.

Lib. 3. de
 Rep. septē
 aut octo
 paginis an-
 te finem.

Clarissim^{us}
 vir D. de la
 Vigne in-
 telligitur.

Morbus omnium maximè com-
 munis est febris, quã hominum tem-
 perantissimi etiam frequenter corri-
 piuntur, nec minùs Catonem quàm
 Næuolum tempore longo

Iuuenal. Sa-
 tyr. 9.

*Torret quarta dies olimque domestica
 febris.*

At verò cætera animalia eiusmodi febribus numquam laborant ex Plinio naturalis hist. lib. 7. cap. 50. Vbi miraculi loco ponit Zenophilum Musicum centum & quinque annis vixisse, sine vlllo corporis incommodo. *At Hercule* (inquit ille) *reliquis hominibus per singulas membrorum partes, qualiter nullis aliis animalibus, certis pestifer calor remeat horis, aut rigor; neque horis modò, sed & diebus noctibûsq; trinis quadrinisue, etiam toto anno.* Et certè multis rationû momentis contendit Gometius Pereira in tractatu de febribus, hominis non minùs proprium esse febrere quàm ridere. Sed sepositâ tantâ dubitatione, id saltem omnibus pro confesso habetur, bruta rarò febre corripì, homines sæpissimè & leuissimâ quavis occasione; cuius rei rationem assignat Aristoteles probl. 5. sect. 10. nimirum quia homo quantitate sanguinis illa om-

nia excedit, sicut inter homines, sanguinei febribus magis sunt obnoxij. Tantam porro sanguinis in homine necessitatem aliàs retulimus, in capacius cerebrum & maiorem spirituum animalium copiam sufficiendam, unde febris rationis atque intellectus multa esse videtur; quam præ cæteris animalibus Ceruæ, non sentiunt ex eodem Plinio cap. 32. lib. 8. de quibus ait, *Februm morbos non sentit hoc animal, quin & medetur huic timori.* Dicam ampliùs, pisces peste numquam laborant, ex Arist. homines contra omnium maximè. Neque verò pestis aliique morbi Epidemij & Endemij, tam prauæ victus rationi imputari debent, quàm naturali corporum dispositioni & imbecillitati, quæ causarum externarum impetum sustinere non valent. Quod si ad alios morbos transeamus, nihilominus præ cæteris animalibus vexatur ho-

Resumpta

4.

ἡ ἀποπληξίς
την.

mo. Enimuerò constat omnes ma-
gnos morbos & frigidos, à cerebro
iscaturire tamquam fonte & μηδ' ἐπὶ
λατὶ τῶ ὕπερ ἔψυχες: vnde tot fre-
quentes destillationes, fluxiones, ob-
structiones, genus humanum percu-
tiunt * ac prosternunt, quibus ne vix
quidem cætera animalia tentantur.
Cuius rei causam reddit Aristoteles
in probl. quòd caput in homine ere-
cto corpori superpositum instar ma-
gnæ cucurbitulæ vapores omnes à
partibus inferioribus sorbeat, vnde
cerebrum assiduis haustibus perpe-
tuò inebriaretur, nisi homini quàm
brutis, & plures essent atque laxiores
cranijs futuræ quibus cerebrum diffle-
tur; & plura per nares, & os excre-
menta profunderentur, quæ si subsi-
stant grauissima excitant sympto-
mata. His adde cerebri & vasorum
in homine amplitudinem, quibus fit
vt soli homini sanguis è naribus stil-
let ex

let ex eodem Arist. ibid. & magna humorum vis instar cataclysmi in partes subiectas depluat. Cuiusmodi causæ cum sint de naturali hominis constitutione, constat ipsum à naturâ corpus obtinuisse animalibus cæteris insalubrius. Hinc ὁλος αὖθρως ἐκ μετῆς ὕσσης ἐστὶ Hippocrati Epistolâ ad Damaget. Nec obstat eiusdem summa perfectio & temperies : nam quantò est oserosior organorum apparatus, tantò difficilius ea contineri, & inter se diu cohærere possunt: quantòque quid temperatius est, eò etiam promptius corrumpi potest & deterius fieri; ita quidem ut summū vitium summæ integritati semper sit finitimum : Hinc animalium semen præcipuè hominis, quod est, ut aiebat Pythagoras, ἀφ' οὗ τὸ γενεσθαι τὰ ἀνθρώπους, si corrumpatur, veneni induit naturam ex Gal. & humorum temperatissimus sanguis putredini maximè

H

opportunos est. Hinc etiam temperatissimorum hominum temperatissimos cibos ingerentium excrementa pessimè olent, ut notat subtiliss. Scal. contra Card. Ex quibus concludere par est hominis corpus naturali sua constitutione, pulcherrimum quidem esse, sed insaluberrimum, & floribus simile qui cum spectatissime floreant, celerrimè marcescunt.

RESUMPTA XII.

An cutis ex venarum, nervorum & arteriarum extremitatibus generetur?

NON sine fato contigisse arbitror, ut tu (Christiane Suavissime) finem ac veluti coronidem huiusce primis studiorum nostrorum experimentis imponeres, & aliquam nobis gratiam suavissimo hoc exitu

conciliares. Decebat quippe patri-
cium iatrogonistam atavis editum
Archiatris, nō tantūm sibi, sed & so-
ciis, gloriam comparare, eorūmque
primos conatus τελεστέω παῖτω, coro-
nare. Fœlices nos quos eadem meta
exercuit, & iidem carceres hodie si-
mul excipiunt, dūm aliquamdiu à
cursu respiremus. Tu noster es Asca-
nius, domesticā & paternā laude cla-
rus, imò propriā virtute & indole nō
minùs quàm gētilitiis stēmatīs gene-
rosus: Tu Guillelmi & Quinti Septi-
mij Florētis Christiani spirās imago
& genuina proles, nō vanā febricu-
losæ eruditionis ostentatione, sed se-
uerâ lege auos imitatus, ita literas
coluisti, & morū suauitate condiui-
sti, vt ingratiſſimus sit oportet, cui
non fueris gratus. Maçte igitur vir-
tute & ingenio, (Christiane Musarū
alumne) ad metam fausto pede per-
ge, & votis ad inuidiam fœlicibus

Theſcos
tum do-
ctiſſimè
propoſita,
& fortiſſi-
mè propu-
gnata af-
fertio fuit,
*Ergo mix-
tio noſcen-
da medico.*

fruere. Habes Deorum auſpicia, ſa-
piētiffimum intelligo huius poſtre-
mi actus magiſtrū, qui, veriùs quàm
delirus ille Philoſophus apud Laër-
tiū, πένταθλος eſt, ac nobis pene Deus,
cui tam exactè nota eſt miſtionis ra-
tio quàm cæteris ignota. Tu verò
(Erudite Baccalauree) dū cæteros &
ſubtiliſſimi Præſidis ingenio & tuo
metiris, omnibus æquè cognitu faci-
lem eſſe mixtionis modum arbitra-
ris, & perſpectam partium omnium
compositionem. Sed longè ſecus mi-
hi contigit, vel in eâ parte quæ om-
nium extrema eſt, & ſenſui primùm
obuia, ni. cute, quam cūmaſſeris ex
venarum, arteriarum & neruorum
inexplicabili texturâ coaleſcere, tum
mens hebet, nec huius propoſitionis
veritatem ſatis aſſequitur. Difficul-
tatem paucis exponam, ſi priùs cla-
riff. Præſes, &c.

Primum tuæ ſententiæ auctorem

agnosco Aristotelem, leui sane ductum ratione, cap. 5. lib. de spiritu, quem deinde inter recentiores sequutus est insignis anatomicus Real-
 dus Columbus anat. lib. 13. Sed vterque à veritatis scopo longè aberrasse videbitur ei qui cōstantem & apertā Galeni hac in parte doctrinam accurate perpēderit. Is quippe lib. de for. foetus, postquam egit de membranis foetum inuoluentibus, ait, κατ' αὐτὸ ὃ
 τὸ ἐμβρυον ἴδμε μέρη, πρῶτον μὲν ἀπάντων
 τὸ δέρμα, (κέπασμα ἔ ἀμφέσμα σύμφυ-
 τον ὑπὸ τῆς δημιουργήτορος αὐτὸ γεγονός.
 Cuius nos auctoritatem hac demonstratione fulcimus, videlicet quòd funiculus ille quo continentur vasa umbilicalia, quique ideo in primis necessariò fieri debet & formari, ad cutem pertineat ipsique cohæreat & continuetur, ita vt nullus esse possit, antequam cutis formata fuerit. Idem primo de temperamentis cutem tem-

peratam, & in omnis excessus medio
positam ideò asserit, quòd ex æqua
feminis & sanguinis portione primū
coaluerit, vnde ipsam definit ner-
uum carnosum seu sanguine prædi-
tum, quasi quæ inter carnem neruū-
que ambigat. Quia tamen in prima
cutis generatione plus inest feminis
quàm sanguinis, spermaticis partibus
magis videtur affinis, adeoque con-
tinui solutionem passa, vulnus cica-
trice seu medio heterogeneo obdu-
cit. Nihilominus temperata cū sit
& partium primigenia, absurdum est
ipsam ex venarum neruorum arteria-
rūque extremitatibus dilatatis &
diffusis generari; sic enim sequeretur
eam omnino esse spermaticam, nec
absolutè temperatam, præterea om-
nium partium postremam oriri. Quæ
omnia cū sint falsa, multò magis &
illud ex quo sequuntur. Neque sanè
frustra cutim temperatissimam con-

didit natura, quippe quæ tactus sit proprium organum, ex Galeno passim, cuiusmodi omnis excedentis qualitatis expers esse debuit; siquidem *ἀσθητικὸν* omne *ἀποικόν* esse oportet, vt ipsemet demonstrat Arist. 2. de animâ. Hinc fortasse ille suam de tactus subiecto sententiâ nullibi apertè explicuit. Quin etiam diuersam cutis generationem videtur assignasse eodem libello de spiritu, vbi Cap. 6. quoque cutem ex carnis superficie siccescente & senescente fieri insinuat, instar eius pelliculæ quâ puls refrigerata incrustatur, quæ *χεῖρ* seu vetula nuncupatur: Eius hæc sunt verba, *Ἐμπεδεκλῆς ὃ ἐκ τοῦ ἐν τῷ ὄνυχι τῇ πῆξιν ἄρ' οὕτω τὸ δέρμα πρὸς ἑαυτῇ;* Quod quidem vel ipsa *ἀποικία* dissuadet; cutem enim & musculorum carnes interiacet membrana adiposa. Quare ego sententiam Galeni potiorrem duco, vt quæ philosophiæ prin-

cipiis ipsique naturæ, & anatomiae
 magis consentiat. Sed dum plura
 meditor, promissis non maneo, aliis-
 que dicendi occasionem fortasse præ-
 rîpio. Quamquã quid vetat his Hi-
 laribus feriis cutis generationem
 paulò prolixius inquirere, quibus vel
 maximè de curandâ cuticulâ cogita-
 tur. Attamen & hoc quoque nomi-
 ne nunc cessandum, linguisque fa-
 uendum; aut saltem, si otiari non li-
 cet, cum luri speritis philosophandũ.
 Hodie regnât medicorum nutricu-
 læ Apicij artes, & Bacchi non iam
 trieterica, sed annua celebrantur :
 solennis dies crastinus aduenit, quo
 Hypatæ Deus * hilario atque gau-
 diali ritu propitiatur. *Dulce est in*
tempore desipere. Hactenus ingenio,
 nunc quando libet & licet, genio in-
 dulgendum. Perficos video appa-
 ratus: *μαχιεινόν* subaudio strepitum:
 nasum nidore supinor. Valete quod-

* Ni. Ri-
 fus. Apul.
 sub finem
 lib. 1. Me-
 tamorph.

libetariæ subselliorum curæ. Iam
nos aspiratum *Bacchalaurei* nomen
inuitat ad superiores scholas, ad
quas vt properemus,

Verbum non ampliùs addam.

Finis partis primæ.

Primis quodlibetariis peractis successerunt Cardinalitiæ vulgò dictæ disputationes, quæ deinde quadragesimali tempore celebratæ fuere, singulari de Hygieine propositâ thesi ab vnoquoque Baccalaureo iuxta Doctorum præsidentium ordinem. In his actibus propugnator Baccalaureus non iam Doctores habet oppugnatores, vt in quodlibetariis, sed socios Baccalaureos, quorum argumenta distinctè repetit & soluit. Ibi singuli arrectâ laudis cupidine animati, nervos omnes ingenij intendunt vt aduersarium impedian, & si fieri potest, loco moueant, idque repetito semel atque iterum cōgressu. Ego certè non minùs mihi gratulor quòd cum conflictum, licet cum quodlibetariis non comparadum, sustinuerim, quàm si assertionum, problematum, & paradoxorum centuriam proposuissem aut dissoluisssem. Porro illius thesim hîc excudendam curavi ad finem prioris anni, quòd tum à me proposita fuerit & propugnata: Cuius quidem quæstio hæc fuit, *Possèntne senectus arte medicâ retardari?* quam ita perstrinxi, vt summa omnia Hygieines capita, insertis pro more assertionibus non paucis, attigerim.

QVÆSTIO MEDICA

Cardinalitiis disputationibus ma-
ne agitata in Scholis Medicorum,
die Iouis 3. Maij.

M. FRANCISCO BOVIONIER,
Doctore Medico, Moderatore.

Potestne Senectus arte Medica retardari?

I.

MORS non peccati soboles,
sed naturæ: non vitæ finis,
sed extremus terminus, fa-
talis quidem & necessarius,
minimè tamen præfixus, tamque in-
certus quàm ineluctabilis: non æquo
pulsat pede pauperum tabernas re-
gumque turres; ocyùs, tardiùs, om-
nium mouetur vrna. Eâdem nascendi
& denascendi lege tenemur: sed vnus
ingressus plures habet egressus; & cū

ortus nostri vnica sit via, interitus est
multiplex: violentus vt plurimū pru-
dentiā præcaueri potest; naturalis,
cuiusmodi est omnis doloris expers,
si non prohiberi, saltem arte differri.
Ibi ratio & ars locum habent, vbi ne-
cessitas non imperat. Posuit Deus
hominem in manu consilij, & vitæ
vsuram eius arbitrio permisit: Arti
incolumitatem & diuturnitatem cō-
misit. Hanc qui negat, Deo iniuriam
facit & Naturæ. Hinc verus Medicus
ἰσθθεος, cuius beneficio, οἱ νοσέοντες ἀ-
παλλάσσονται τῷ μεγίστῳ κακῷ, νόσῳ, πό-
νῳ, λύπῃς, θανάτῳ: & sanorum va-
letudo in multos annos continuata
conseruatur. In temperatis & exqui-
sitè sanis omnia naturæ & consuetu-
dini deferenda: cæteri arte correctri-
ce & directrice indigent, quam ple-
rique etiam inscij sequuntur. Ne-
que profectò miserè viuunt, qui me-
dicè viuunt.

II.

OMnium Medicinæ partiū prima est & præstantissima ὕγδνη, quæ præsentem hominis sanitatem aut inculpatam similibus tuctur, aut nutatē modico contrariorum vsu firmat, ac subinde vitæ curriculum prorogat: Cuius postrema ætas senectus est, non tam annorum numero, quàm corporis temperamēto frigido sicco, æstimanda. Prima dies calidissima humidissima; vltima frigidissima siccissima, ad quā γήρως via est in animalibus, αἰανσις in plantis: hinc senio extincti proprio nomine ἀλιβαρτες dicti. Partes solidas exsiccari si prohibes, senectutem sistis & μάργισιν naturalem arces: corpus excrementis si liberas, morbosam impedis. Est quippe in viuentibus (præter communem materiæ primæ nouarum formarum appetitum, & insitum materiæ secundæ contrariorum

* Ex Arist.
lib. 2. de
generat.
animal.

dissidium) connata interitus causa duplex, perennis triplicis substantiæ effluxus, & ineuitabilis excrementorum prouentus: vnde viuificus calor, elemēto stellarū * proportionē respondens, καὶ τῇ φύσιν, ἔ τῇ ἀνάγκῃ, sensim fatiscit: ille suo fraudatus genio, ambientis furto thesaurum vitæ depulantis, tantam iacturam cumulātē nequit resarcire; quin assiduo agitato opere, vires deperdit eūdo; &, subortis ex nouā dissimilis substantiæ instauratione excrementis, continuò deteritur.

III.

Natura fatalia hæc viuentium damna vtcumque reparat, aëris inspiratione & trāspiratione, quone momento quidem carere possumus; alimenti tā solidi quā liquidī intussusceptione, abs quo hominis vita vltra septimum diem non prorogaretur; & excrementorum vacua-

tione, quibus alioquin calor citò
 obrueretur. Naturæ ministrat Medi-
 cina quæ horum delectu & ratione
 adhibitâ, fœliciores triplicis sub-
 stantiæ reparationem molitur, & par-
 ciorem superfluitatum prouentum
 maturius excludi procurat. Aëris nō
 solum substantiâ reficimur, sed etiam
 temperie iuuamur: illa tenuis & pura
 omnibus peræquè utilis est: hæc va-
 riis naturis varia conuenit, soli Me-
 dico Diætetico diiudicanda. In escu-
 lentorum & poculentorum ratione
 spectatur ἡ ὁ ποσὸν, ἔ ὁ ποιὸν: naturam
 οὐ τῶ ποσῶ ducem ferè sequimur: οὐ
 τῶ ποιῶ diligētiori cautione est opus:
 An id tantum quod sapit, nutrit? Cer-
 tē id alimentum Ambrosiam atque
 Athanasiam vincit, quod cū pluri-
 mum laudabilis succi generet, facile
 coquitur, & in partes ἀναδιδόν dige-
 ritur. An fanis à suilla carne absti-
 nendum? credat Iudæus Apella, non

ego. Nulli non prodest vini diluti, aut mulsi, potus. Eduliorum varietas natium robur fatigat & deicit: Eorum sumendorum tempus natura præscribit, Ars ordinem & præparationem: ita ut utraque per se indigens, altera alterius auxilio vi-geat.

IV.

ARtis potissima est cura in excrementorum vacuatione, quæ in vnaquaque coctione segregantur: in prima per aluum: in secunda per vesicam: in tertia per totum corporis habitum, cuius ratione tam varia exercitationum, frictionum, balneorum, genera, à legitimâ Gymnasticâ (quæ *ὑγιεινὴ* pars est) inuenta sunt & instituta. Moderatâ tum corporis tum animi agitatione, calor vegetior factus perfectiorem coctionem promouet, expeditiorem distributionem, validiorem nutritionem, superfluatorum
excre-

excretionem faciliorem: vno verbo
vitæ principia diutissimè fouet, nec
præproperè dissipari finit aut oppri-
mi: Labor, quo fames commodè op-
sonatur, cibum præcedat, quies exci-
piat. Impura corpora medicamento
mouenda sunt ac veluti exercenda,
deinde nutrienda. Cùm duo faciunt
idem, non est idem: neque omnibus
Venus est eadem, omnibus tamen
moderata competit, præsertim à som-
no. Hîc Stoicorum ἀπάθεια minimè
probo; in μετεωροπαθεία βίον ἡμῶν est ani-
mîque tranquillitas, & vitæ fœlici-
tas. Vt humores sic & mores com-
ponendi, *si non tædet cæli conuexa tueri.*
Hac philosophiâ Democritus sene-
ctutem diu fouit, intus melle & vino,
foris oleo. Profusus magis quàm lau-
tus Caligula conuiuas pessimè acci-
piebat, quibus ex auro panes & op-
sonia apponeret. Symptomática est
auri sacra fames: ex quo vitale nihil

eliciunt mēdacissimi Spagyrici. Mā-
gonio & fucis, quibus mulierculis os
sublinunt, cuticula exuitur non sene-
cta. Perditus Paracelsus impiè Pe-
liam recoquere tentat: ἀπὸ τῆς σερήσεως
ὅτι τὸ ἐξίεν γίνεσθαι μεταβολῶν, ἀδιώατο.

V.

MΑκροβιότης non ex solâ humidi
vbertate repetenda est, quin
potiùs si nec illud sit aqueum nec ex-
crementitium; sed lentum, pingue, &
aëreum, quod neque siccetur facilè,
neque congeletur. Hinc oleosæ &
resinosæ arbores cæteris diutius per-
ennant: nec sunt proceriora anima-
lia minoribus perpetuò viuaciora;
imò pecus aquatile terrestri βεχχ-
βιώτερον. Hinc etiam homines in lo-
cis calidis degentes perhibentur diu-
turnioris æui. Calidum humidum
numquam peccat in excessu: & sanè
idipsum temperamentum maximè
confert ad sanitatem, quod ad diu-

turnitatem conducit : alij tamen integrâ valetudine citiùs vitæ pensum absoluunt ; alij licet aduersâ, tardiùs. Omnibus victus error plures annos potest præripere, quos artis Medicæ beneficium addit, non modò quòd marcorem seu senectutem ex morbo emendet , atque sæpius tollat ; sed etiam quòd naturalem legitimo sex rerum nonnaturalium usu, remoretur, & si non impediat vel auferat, saltem retardet.

Ergo Senectus arte Medica potest retardari.

Proponebat Lutetiæ VIC. PALLV,
Turonensis. A. R. S. H. M. DC. XXIX.



QVÆSTIONVM EX
subfelliis Medicorū per bien-
nium agitatarum, quas vulgò
Resumptas vocant,

PARS II. ALTERO ANNO
*dicta à Martinalibus anni 1629. ad
esuriales ferias Quadragesimales
anni sequentis.*

RESVMP TA I.

*An nouæ morborum species ab insolenti
astrorum constitutione?*

QVIDEM piaculum ad-
mittere putarem, si post ex-
actas sex mensium indu-
cias, quibus tristi velut iu-
sticio clausa schola obmutuit, huc

I iij

in salutato loci genio accederem, & intermissam consuetudinem absque veniæ præfatione repeterem. Sed quàm foeliciter nobiscum agitar, qui facilem Deum & iam exoratum inuenimus, quippe quem tu (doctissime Reginalde) primus adieris atque conspectu tuo demulseris. Video læritiâ gestientem illum, & plaudentem audio tibi aduenienti. Scio quàm impensè fertis tuæ thesæos floribus & corollis delectetur; vt non accipiori donario potuerit propitiari, quàm eo in quo & sapientiss. præsidis nomen & tuum inuenit: quorum vel altero gratiam facilè obtinuissimus. Quin tu, Phœbæ Seguinæ, tuorum iure natalium ingeniique diuinitate, ita illi coniunctus es, vt ad te conuertenda videatur hæc oratio, cui velut præsentis numini iam dudum inuocato nunc tandem liceat supplicare. Tu igitur cuius auspiciis ingens

iteramus æquor, nauigantibus adsis,
atque ceu Castor & Pollux salutari
benignóque lumine affulgeas.

O comites peioráque passi

*Mecum saepe viri, Phæbo duce &
auspice Phæbo*

Nil desperandum:

Seguino, inquam, duce & auspice cu-
ius fœlici omine Syrtes & scopulos
superabimus, atque cursum secundis
ventis absoluemus. Iam itaque ado-
ratis syderibus anchorisque sublati
è portu soluendum, & incentiuo ce-
leusmate alacriter remis incumben-
dum.

Arbitraris (doctiss. Reg.) nouas
morborum species & ideas non aliū-
de inuehi, nec in alias atq; alias re-
giones veluti peregrinatione quãdã
circūferri, quàm ab insolenti syderũ
astrorũque situ & aspectu. At ego
non reor tantam esse cœlestibus illis
luminibus inditam malignitatem, vt

συμπε-
ραβλη-
ματ. βιβλ.
η. περιβλ.
θ.

tam exitialia morborum seminaria fo-
ueant, eaque vi propria excitent. Certè
Diogenianus apud Plutarchum negat
dari re vera morbos novos qui prius
non fuerint, sed eos nominibus tantum
nouari asserit, vel certè pro maiori
minorive antiquorum morborum
intensione, aut eorundem insuetà
ἐπιπλοκῇ & μίξει novos videri. Sed
cum magis & minus in morbis eorum
mutet speciem, & insolentia sympto-
matum causæ nouitatem certò ar-
guat; non est quod dubitem novos
morbos cum pluribus ponere, perin-
de ac mōstra quæ eadem natura quo-
tidie varia producit: siquidem opti-
mè illi ἐπὶ τὰ νοσήματα πλεονέχουσιν, ὥστε τέρ-
εσθαι, γυναικῶν ἀξιοῦσι, nequicquam δὲ σε-
λιῶν ἐκ τρεπομένων & τὰς ἀνατολὰς ἔχοντες
ἐξ ὧν ποιεῖται. Vnde igitur hæc mor-
borum nouitas? Plures causas reor,
quarum vltima remotissimæque, ut
arbitror, cœlum est. In primis autem

ποικίλον τ' ἀγίτης, vt ait alter ille, ποικί-
 λα νοσήματα p'arere facile mihi per-
 suadeo: vt enim nō eadem est viuen-
 di ratio, sic nec iidem ingruunt mor-
 bi, quorum nūmerus, fatali naturæ
 nostræ conditione iam satis multus,
 cum hominum intemperantiâ ita
 abundauit, vt non alia Pandoræ pi-
 xis fuisse videatur: ἐκ τούτων γ' νοσῶντων
 οἷς καὶ ζῶντων, inquit ibid. post Hippo-
 cratem Plutarchus, vbi id ipsum ele-
 ganti oratione profecquitur, & planè
 demonstrat. Plato item, de Rep. vbi
 Æsculapij ætate φύσας ἐκ τὰ ῥῆσ' nō-
 dum extitisse dicit, temporum sub-
 sequutorum θύψεις, ἡδυνάτειας καὶ ἀκο-
 λασίας omnium intestinorum mor-
 borum auctores causatur. Et sanè
 nondum reperta erant illa gulæ irri-
 tamenta ἡδύσματα ἐξ ὀτυμάτων; non-
 dum Attica bellaria heroum mensis
 locum inuenerant; nondum Sicala
 in dapibus varietas placebat, & Κο-

εὐθὺς κόρες veluti *κόρη* adblandiebatur, cum homines plurium annorum vitam, quam nunc mensium, incolumem transigebant. Tu verò (docte Bacc.) ut hanc luxus & intemperantię infamiam excuses cœlum accusas, & astris innocentibus incontinentiæ nostræ labem imputas. Nescis omnem, quæ in mundo sublunari contingit, effectuum diuersitatem, ad causas proximas & singulares esse referendam? *Sol & homo generant hominem*; sed Sol ut causa remota, publica, atque, ut loquuntur in scholis, æquiuoca. Etenim communis ille rerum omnium parens calor, coæua cœlestis luminis soboles, se habet ad rerum generationem, ut calor gallinæ ouis incubantis ad pullorum exclusionem: hic siquidem licet vnus idemque, tamē pro diuersitate ouorum suppositorū, varios partus edit atque etiam inter se specie disti-

Lib. 2.
 Phisic.
 cap. 2.

ctos : ita & ille pro multiplici mate-
 riæ secundæ dispositione res produ-
 cit toto genere inter se differentes,
 easdémque pariter fouet, quippe quæ
 pro diuersâ, quam nactæ sunt in or-
 tu, ex elementis compositione, aliæ
 aliis citiùs, tardiùs, vergant ad occa-
 sum. Hinc fit vt à materiâ secundâ
 rerum omnium varietas atque noui-
 tas omnino sit repetenda; hæc enim
 necessitatē rebus omnibus importat,
 quæ licet hypothetica sit seu ex sup-
 positione finis, ab eo tamen naturam
 plerumque diuertit, eiùsque inten-
 tionem eludit. Lex quidem vniuersi
 pendet ab vniuersali causa: partium
 verò singularū à singularibus, τὰ μὲν
 ἅμιν, τῷ ἡμῶν τὰ δ' καὶ ἑκαστῷ καὶ
 ἑκαστῷ, inquit Philosophus 2. physic.
 textu 38. vno verbo causa effectui nū-
 quam non similis esse debet. Hic tu
 procul dubio ad peculiarem cælo-
 rum influxum recurre, quem in tua

thesi palam admittis præter Aristotelis sententiam, reique, vt opinor, veritatem. Ise quidem cap. 10. lib. 2. de ortu, vbi datâ operâ cælorum vires in hæc inferiora explicat, motus tantum mentionem facit qui causas generationis vniuersales admouet & amouet, calorem (inquam) cœlestem, quo accedente res generantur vegetanturque, recedente marcescunt ac intereunt. De influxu verò latente illo & singulari, ne gry quidem neque ibi neque vsquam alibi; hoc tu supra me scis qui soles ipsius monumenta,

*Nocturnâ versare manu, versare
diurnâ.*

Et profectò alienum est à philosophorum consuetudine & disciplinâ, minimèque conuenit eos qui rerum intelligentiam ratione naturali tradere profitentur, aliquid in natura ponere quod neque ex sensu, neque

ex iis quæ à sensu oriuntur, conspicuum sit: At non conspicimus experimurue cœlum aliis vti instrumentis, præterquam motu & luce: nec verò vlla ratio euincit pluribus opus esse, si quidem ei effectus nulli temere imputentur. Quid enim ad astra recurremus, vbi causas habemus domesticas? Atque vt ad propositum in tuâ thesi morbum veniam, cur leprosum cœlum credam & Elephantiafeos parentem atque propagatorem, cuius tu veras & proximas causas tam accuratè sensibus subiicis? Quòd si illa patrum memoriâ frequēs nunc videatur exulare; totum hoc est medicinæ & politicæ prudentiæ beneficium. Huic tamen successit cognata, vt ipse fateris, syphilis, * quæ infœlici Hispanorum commercio potius quàm cœli morbo, nostras regiones inuasit tanta feritate, vt hoc nomine nulli fuerit secundus morbus, tantó-

* Quasi
contagium
amatorium,
vel, vt alij
scribunt,
Siphylis
περὶ τὸ
σίνδν τὸ
φύλκ.

Pleriq; vo-
cāt Poſcas
Gallicas,
nonnulli
Hiſpaniē-
ſes.

Eraſm in
ep. nūcup.
ad libellū
de lingua.

que apud nos contagio vt Gallici
cognomen obtinuerit. Primūm qui-
dem immedicabilis ille & leui fomi-
te gliscens, nunc mitior Medicorum
arti curæque cedit, quorum ſolertia
atque induſtria primas tam diuæ luis
radices ſcrutata tandem euulſit, &
inuentis remediis laborāti orbi ſub-
uenit: iāmque victum prorfus eua-
uiſſet malum niſi hominum incon-
tinentia omnem medicorū diligen-
tiam ſuperaret. Sic proſectò & Ele-
phantia reſpreſſa eſt. Tuné verò hanc
laudem Medicinæ inuides vt cœlo
tribuas? Si ab aſtris, fruſtra hydrargy-
roſin præſcribis, neq; enim illa cau-
ſam remouebit, quam tu peculiarem
& proximam ponis: niſi fortè Dar-
daniis magicisq; artibus eruditus
Medicus ſydera de cœlo deducat.
Sed cur plura addo? qui ſciam te vnū
eſſe ex iis, qui loquuntur vt plurimi
& ſapiunt vt pauci: mihiq; certum

fit & compertum te animi & ingenij tantum experiundi gratiâ Astrologorum vanitati hîc patrocinari voluisse. Ita sanè aliquando iuuat cum ratione insanire.

RESVMPTA II.

An sanitati suum sit contagium?

VT INAM (Christiane animo meo charissime) ea foret rerum humanarum natura, eaque boni conditio, vt fœlici contagione communicaretur, ac veluti per fomitem propagaretur. Nunc vtique fortunam meam impensius laudarem, quæ me sincera familiaritate tibi coniunxit, tuoque consortio, quo suauissimè fruor, beauit; ex quo cultissimos mores tuos imbiberem, & heroïcos tuæ indolis spiritus haurirem. Verùm vt

malum contactu inficit, non sic bonum perficit : Nescio an inclinante semper & potiore in deterius naturâ. Certè capax lactis sinus paucas atramenti guttulas vix dealbat, imò iidem facilè contaminatur. Non est tamen quòd ita de tua virtute philosophari velim, cuius actiuitatis sphaera nullibi sterilefcit: vt lux lucè spargit, sic illa sui diffusiua subsellia nostra illustrat : Dicerem solem orientem, nisi eadem, vt auguror, occasum numquam esset habitura. Sed video te proprias laudes non patienter ferre, & hoc linguæ plausu, quamquam à veritate expresso, non delectari. Quare mihi hac in parte temperabo, vt modestiæ tuæ indulgeam. Interim, dum istam morum contagionem experiri cupio, ad affinem questionem & ad nos magis pertinentem, sermonem conuertam, an nisanitati suum etiam concedendum sit

conta-

contagium? vt quarto tuæ theseos corollario asseris. Sed, à Ioue principium *Musæ*, hoc est, à supremo huius actus moderatore sapientissimo, cæterisque maiorū gentium Diis, à quorum supplici inuocatione hanc disputationem auspicor.

Etsi contagium, si vim nominis spectemus, non tam affectionem aut affectus impressionem, quàm simplicem corporum contactum significare videatur: tamen vsus obtinuit vt non solum pro contactu, sed & pro affectione quæ alteri comunicatur, nomen hoc vsurpetur. Cuiusmodi definitur à plerisque *affectio præter naturam*, à te verò etiam *secundum naturam*, quæ alteri corpori à corpore similiter affecto imprimitur. Quod vt rectiùs intelligatur, hîc tria sunt attendenda. Primò ipsum agens seu corpus contagiosum quod alia afficere potest: secundò affectio quæ al-

K

teri communicatur alicuius fomitis vehiculo: tertio patiens seu corpus quod affectionem recipit. Quorum vnum si desit, contagium impediri necessum est. At ego ista tria in sanitate communicandâ desiderari, sigillatim paucis sic demonstro. Primo agens quod attinet, illud non potest agere nisi in simile puta sanum, aut contrarium puta morbosum: Non in simile, nulla enim datur actio inter similia ex Arist. cap. 7. lib. 1. de ortu, quo modo nec pestis in pestem habet imperium: Non etiam in contrarium seu morbosum; Cùm enim omnis actio ex philosophorum consensu sit à proportionem maioris inæqualitatis, actio potius erit penes morbosum in quo est excessus, passio verò penes sanum in quo æqualis est temperies, ac proinde sanus potius afficietur quàm afficiet. Secundo quoad ipsam affectionem, fieri non

potest vt sanitas cōmunicetur quem-
admodum morbus: *Illa enim quies est,*
hic motus: * Ergo hic mouere potest,
illa verò minimè, vt docet Aristot.
probl. 4. sect. 7. aduersus quem hæc
tua assertio è diametro pugnat. De-
inde cū similis affectio non trans-
cat ab vno ad aliud sine aliquo sub-
iecto in quo insit, cūque illud con-
tagij subiectum seu effluuium opor-
teat esse tenue quidem, attamen visci-
dum, lentum, atque adeo ex tuo præ-
cedenti corollar. *σπρεδονώδες*, quod
facilè sese insinuare, tenaciter adhæ-
rere, & diu durare possit: Cuiusmo-
di cū nihil expiret è corpore sano,
sed tantū tenuis quædam aura hali-
tuosa, & quæ citissimè resoluitur; fie-
ri non potest vt ipsa sanitatis affectio
in alium transeat & propagetur. Ter-
tiò patiens corpus nullum sic affectū
esse potest, vt sanitatem ab alio trans-
fusam excipiat, si quidem quicum-

* Hoc mo-
do sanitas
& morbus
differunt
genere
proximo,
licet con-
ueniant
remoto.
Ita Septa-
li* doctiss.
comm. in
hoc probl.

que tandem excessus sit in corpore
patiente; non potest reprimi ab affe-
ctione temperatâ, sed ab eâ tantum
oppositâ, quæ tot gradibus à medio
recedat, quot ipse excedit: Theore-
ma enim est medicum à Galeno to-
ties inculcatum, quòd quantum mor-
bus à medio deflectit, tantum in op-
positam contrarietatem remedium
vergere oporteat; quemadmodum
qui distorta ligna dirigunt, trahunt
ea & flectunt in oppositam partem
ut recta fiant. Quare etiam si com-
municaretur sanitas, in patiens ta-
men corpus nihil promoueret. Ne-
que verò putandum est philosophi-
cum axioma hic locum habere videl.
quòd *contraria sese mutuò expellant
ab eodem subiecto*. Namque hoc tan-
tum valet in contrariis extremis, non
autem mediis: siquidem medium ex-
tremis seorsim sumptis non censetur
còtrarium, ex 10. metaphys. & quem-

admodum virtus secundum genus, contraria quidem est vitio, nulla tamen virtutis species contraria est vitio alicui, sed vitium vitio quod sese mutuò destruit: Sic etiā licet sanitas & morbus secundum genus opponantur, & duo simul extrema medio sint contraria, veluti per modum priuationis, quatenus ametriæ sunt; attamen nulla species morbi mediocritati seu sanitati est contraria, sed opposito lapsui. Atque hinc patet quæ ratione morbi curentur contrariis; & vt morbo vni non sint contraria duo. Ex quibus omnibus rectè, ni fallor, sequitur sanitati nullum relinqui contagij locum. Quod si illud etiam in continuis corporibus spectare velis, quis vñquam vidit membrum traducere ad se valetudinem proximi? An non potiùs sanum ægro compatitur? Equidem prorsus mirandum est, quanta mor-

K iij

Hæc etiam
pertinere
videtur E-
lisei histo-
ria pueri
resuscitatis
cap. 4. l. 4.
Reg. non
enim mor-
tuum, sed
animo li-
ctum in-
terpreta-
tur Valle-
sius c. 35.
lib. de sa-
cra philos.

bis fecunditas sit concessa, quam ta-
men cæteris ferè monstris natura so-
let denegare. Sed fortassis ne tibi
otiosa videretur sanitas, mouit te Da-
uidis historia cap. 1. 3. Regum, vbi ip-
se senex admodum non aliter potuit
refocillari quàm accubitu formosæ
adolescentulæ Abisag Sunamitidis
quæ in sinu Regis dormiit. Quin cõ-
sentire videtur Galenus 7. meth. vbi
ad imbecillitatē frigidi, & sicci ven-
triculi commendat puellum boni
habitus vnà ita cubantem vt semper
abdomen contingat. Sic etiam cani-
culorum accubitus ægris præscri-
bit Aëtius tetrab. 1. serm. 2. cap. 179.
Verùm aliud est patibilem qualita-
tem cõmunicari, aliud affectionem;
aliud, inquam, calorem cõferri, aliud
sanitatem, cuius quidem Medicus
quantumuis sanus causa esse nequit
physica, sed tantum moralis & dia-
noëtica, nisi forsan contactu plus-

quam mathematico. Difficilis est ad sanitatem transitus, ad morbum lubricus lapsus; hic quippe vnius actionis læsione definitur, sanitas omnium perfectione: bonum ex integrâ causâ, malum ex quouis defectu.

RES V M P T A I I I.

*An Hippocrates & Galenus astrologiam
vsi medico necessariam docue-
rint aut commendarint?*

INTER disciplinas nulla est præ-
stantior Astronomiâ & medicis
cognitu utilior, quæ singulos syde-
rum motus speculatur atque docet,

Fœlices animæ, quibus hæc cognoscere Ouid. i.
fast.
primis,

*Inque domos superas scandere cura
fuit.*

Post illam vanâ hominum temerita-

K iij

Horat. od.
3. lib. 1.

te, suborta est, ne dicā aborta, Astrologia quæ eorumdem virtutes latentes (si ita Diis placet) explicat. *Cælum ipsum petimus stulticiā*, quicumque tantum de nobis sumimus: Tu, inquam, (docte Bacc.) qui astrorum cæcos affatus veluti radio demonstrandos hodie recipis, dum proximas morborū causas ex cœlesti themate repetendas proponis: illinc plethorā & cacochymiā deriuas; illinc signa critica & peptica potiusquam ex vrinis, ad prognosim instituendam erūis; illinc remediorum ad therapiam indicationes, eorūque exhibendorum tempus, instituis: Quin etiam ingerendi cibi horas ex Ephemeride mathematicā obseruandas serio asseris, quidni & egerendi? vno verbo totam medicinæ faciendæ rationem ad Chaldæorum scientiam & Babylo-nios numeros reuocas, atque diuinam a tem inani ac proscriptæ mari-

tas. Quod quam rectè, alij viderint. Hoc vnū me malè habet quòd summum Hipp. & Galenum, tam infœlici connubio subscribentes tacitè inducis; dum ais, temporum μεταβολὰς vndenam repetendæ? vnde cri-seôn terminus nisi à Lunâ? quasi dicas Hippocratem, dum Medico temporum mutationes obseruandas præcipit; nec non Galenum, dum cri-seôn causam Lunæ imputat; Astrologiam vsui medico necessariam insinuas. At certè quantum hoc abfuerit ab illorum mente & cōsilio nunc paucis accipe, modò me suo influxu recreet faustum sydus, cuius tu πρῆ-λιος in hoc medico cœlo luces, & vim atque virtutem refers, affuerintque cæteri, &c.

Insignes aëris mutationes, siue contingant alternâ eaque statâ temporum vicissitudine, & quasi succes-
sione, siue eorundem inæqualitate

μεταβολὰς
τῶν αἰθέρων, καὶ
ἐν τῇ οὐρανῷ

ὁρῶν αἱ
μεγάλαι
καλλι-
αί.

& insolenti alteratione ; bifariam
considerari debent, nē vel quatenus
à causis superioribus excitantur ac
veluti aguntur, vel quatenus in hæc
inferiora agunt variâsque corpori-
bus inducunt mutationes : atque
hoc quidem modo fateor esse medi-
cæ considerationis, sed ad meteorolo-
giam potiùs quàm Astrologiam
petinentis. Priori verò etsi eiusmodi
speculatio Phyci potiùs sit quàm
medici; tamen cū τῶν ἰατρῶν οἱ φιλο-
σοφώτερος τὴν τέχνην μετιόντες, ἐκ τῆς
πρὸ φύσεως ὄρχονται πρὸ ἰατρικῆς, vt lo-
quitur Arist. cap. i. de sensu & sensili,
cūque medicina ita physicæ scien-
tiæ sit affinis, vt altera alterius con-
fortio non parū illustretur, ὅ γὰρ τῶν
τε ἰατρῶν ὅσοι κομφοὶ ἢ πειρῆται, λέγουσι
τὰ πρὸ φύσεως, ὅτι τὰς ὄρχας ἐκείτην ἀξιό-
σι λαμβάνειν. καὶ τῶν πρὸ φύσεως πειρῆται
τελευτῶν οἱ χειρότεροι σχεδὸν τελευτῶσιν
εἰς τὰς ὄρχας τὰς ἰατρικὰς, inquit idē

Hic obi-
ter nota vt
Arist. simi-
le epithetū
philoso-
phis & me-
dicis tri-
buat, imò
idem, hos
enim &
χειρότερος
appellat.
hoc est, po-
litos & ele-
gātes, cap.
vlt. lib. i.
Ethicor. ad
Nicom.

cap. post. libri de Respiratione: vehementer non repugnabo eam in medicinæ censum referre, atque ad theoriam reuocare. Vnde igitur temporum μετεωρολογία? Numquam Hippocrates aliam causam attulit præter varium syderum ortum & occasum, eorundemque accessum & recessum, vno verbo præter motum, qui ciet causas vniuersales eiusmodi mutationum: ita vt lib. de aëre, locis, & aquis, aliisque libris in quibus de his mentionem facit, minimè Astrologus fuerit Hippocrates, sed tantum Astronomus. Et certè Aristoteles qui & genus & doctrinam ab Hipp. traxit, de his non aliter philosophatus est, vt apud eruditos quosque pro confesso habetur: Verum hanc partem aliis agitandam relinquo. Mihi nunc sufficit demonstrasse obseruatas apud Hipp. temporum mutationes Astrologiæ iudiciariæ nullatenus patrocini-

nari. Dicam amplius eam nedum ipsi notam fuisse, quippe quæ eius temporibus nondû ex Ægypto in Græciam fuerat illata, vt ex historiis probatissimis contendit doctiss. Erastus in epistolis aduersus Stahmionem. Solam igitur Astronomiam & nouit, & commendauit Hippocrates, dum temporum mutationes Medico obseruandas toties præcipit, quarum causam aliquando expedit præuideri. Quamquam tamen in medicinâ faciendâ vix eius rationem habuisse comperitur, quippe qui nec in Epidemiis, nec in aliis libris ad curationem pertinentibus, cœli sed tantum aëris constitutionem proponat: Et si quando syderis alicuius mentionem facit, illud apponit non tam vt causa, quàm vt signum talis tempestatis. Quemadmodum enim gnomon in horologio signum est horarum; sic etiam in toto cœlo velut Chronolo-

gio astra sunt signa temporum. Audi Galenum in particulam primam lib. i. Epid. vbi postquam astronomica quædam illic proposita exposuit, hæc ait. *Hæc itaque semel à me dicta ad omnem sequentem orationem memoria teneantur, ut faciliè ad singulorum nationum menses qui alij aliis sunt, transire valeamus. Nam si omnes eosdem haberent, non Arcturi Vergiliarumque & Canis, & Æquinoctiorum, & Solstiorum meminisset Hippocrates: sed dicere ipsi satis fuisset, apud Macedonas v. g. mense incipiente quem Dion appellant, talem quendam statum fuisse in ambientis nos aëris temperamento. Nunc verò quoniam Dion solis quidem Macedonibus manifestum sit, Atheniensibus verò alijsque hominibus non manifestum, volueritq; Hippocrates nationibus prodesse omnibus, satius ipsi fuit nullo memorato mense, solum scribere æquinoctium. Nempe æquinoctium vniuersitatis quæ-*

dam res est: Menses verò singulis nationibus sui & peculiare. Qui ergo Astro- nomia est imperitus, sciat Hippocrati non parere, qui ad eam ob dictorū vsum cohortatur. Vides quàm clarè ac dilucidè suam, & Præceptoris mentem de istis aperiat Galenus. Esto cœlum medenti, quod nauclero pixis nautica: vt hæc cûrsus, sic illud temporum periodos vbicumque locorum certò designat ac definit: quæ si aliunde nobis innotuerint, nihil tum magis iuuat, quàm notâ viarum regione pixis nautica. Sed vt ad Galenum redeamus. Ille vix vnquâ Astrologiæ meminit (si libros spurios excipiamus) præterquam 3. de diebus decretoriis: Quâ autem mente hunc librum conscripserit, ab eodem accipe. Is cap. 10. eiusdem libri solemni excusatione vtitur, & deos aduocat testes, quòd illum non nisi paucis quibusdam amicis cogentibus scri-

pferit, quasi ex necessitate potiùs quàm ex voluntate; aut certè πολυμαθὴς magis ostentandæ, quàm medicinæ faciendæ gratiâ. Quod vt verum sit, hinc intelliges. Cōqueritur ipse non vno in loco, quod in prognosticis pro vate & Astrologo ab aduersariis traduceretur. Et ne sim longior, inter multa vnicum ex cap. 3. lib. de præcognit. ad Posthumum, testimonium huc adducam, vbi de Martiano Medico loquens, ita scribit. *At adeo non ex medicâ facultate, verùm ex diuinatricibus sciētis prædictiones meas fuisse calumniabatur (διέβαλε,) interrogatùsque à quibusdam quasnam diuinatrices scientias diceret, interdum augurium, interdum extispicium, nonnumquam coniectatricem, aliquando mathematicam respondebat.* Ac ne iterum ad tertium de diebus decret. prouoces, non pigebit referre quæ ipsemet comment. in aph. 36. sect. 4. expressis verbis af-

firmat, vbi postquam causas dierum criticorum per ocium inquirendas esse dixit, subdit, *Nam differentias in duobus prioribus commentarijs ad artem necessarias explicauimus, & in tertio eorum causas tentauimus exquirere.* Quibus verbis declarat duos tantum priores libros ad artis vsum & doctrinam necessarios, tertium verò disputandi solum gratiâ, atque vt iam dixi, præter voluntatem abs se esse conscriptum: Et certè cum duos priores passim citet in prognosticis aliisque ad vsum pertinentibus libris, nullibi de tertio mentionem facit, vt annotauit ibid. Erastus. Ex quibus, ni fallor, manifestum euadit Hippocratem numquam Astrologiam docuisse, aut commendasse, nec Galenum vsui medico necessariam iudicasse, imò eam otiosis potius quàm occupatis medicis spectandam reliquisse.

R E-

RESVMPTA IIII.

An nulli sint admittendi formæ morbi?

Fortes creantur fortibus: & bonis
Est in iuuentis, est in equis patrum

Horat od.
4. lib. 4.

Virtus: nec imbellem feroces

Progenerant aquila columbam.

Doctrina sed vim promouet insitam,

Rectique cultus pectora roborat.

Sentimus, ecquid mens, ecquid indoles,

Nutrita faustis sub penetralibus,

Possit.

Hinc fit vt tu (egregie Bazine) aucta
domestico cultu naturæ fœlicitate,
in ipso pubertatis flore, maturos ver-
nantis ingenij fructus proferas, an-
nósque & barbam scientiâ, atque sa-
pientiâ anteuertas. Repubescit pa-
ter in filio, & reuiuiscit auus in nepo-
te, qui Apolline tam propitio natus

L

es, vt cum ingenio consummatam
vtriusque doctrinam veluti per tra-
ducem accepisse videaris: Transiit in
te totus tantorum virorum genius in
paruo corpore maximus, & primâ æ-
tate adultus. Ac ne longam gesto-
rum seriem percurram, habeo & in
oculis & in manibus luculentum ra-
ræ istius eruditionis tuæ testimoniū,
alteram (inquam) thesim tuam, in
quâ ita scitè & appositè medica con-
nectuntur theoremata, vt in ea om-
nes scientiæ & elegantiæ atomos con-
currissè putē. Neque profectò quic-
quam grauius mihi vñquam conti-
git, quàm vt inter tam ratas tuæ the-
seos sententias aliquam seligerem
nunc oppugnandam, ac veluti no-
dum in scirpo quærerem. Quando
tamen id mihi ex officio incumbit
vnam delibabo: Impetratâ prius be-
neuolentiâ sapientiss. huius actus
moderatoris, &c.

Primo tuo coroll. dum primam morborum diuisionem apponis, tres tantum eorum differentias constituis, *pratermissis materiae & formae affectibus*. Ego verò admittendos esse formæ morbos, velut genus à cæteris distinctum, non tam ex Fernelij mente quàm Galeni, sic demonstro. Cùm morbus opponatur sanitati vt ἀμε-
 Τον τῷ συμμέτρῳ, & id quod est præter naturam, ei quod est secundum: Quotuplex erit naturalis constitutio, totuplex erit morbus seu recessus ab eadem. At partium similariū naturalis constitutio non tantū consistit in prima & συμμέτρῳ ex elementis compositione, sed etiam in peculiari qualitatū latentium, & à formâ specificâ manantium conditione. Cùm enim corpus humanum nudum sit mistum simpliciter, sed viuens & animatum, atque habeat calorem vitalem, spiritus viuificos, hu-

midúmque radicale, atque formam à
quâ animatur, & plurimæ egregiæ
qualitates deriuantur, quæ in mistis
simpliciter non inueniuntur; meritò
non solùm in qualitatum primarum
symmetriâ sanitas partium simila-
rium ponenda: sed & istarum quali-
tatum secreta requiritur constitutio,
quæ cum primò vitari possit, etiam
saluâ misti temperie; necessariò aliud
morbi genus statuendum est, quem
morbum formæ seu totius substan-
tiæ appello, quod in eo qualitates
illæ vitales à formâ proximè manan-
tes primò, & per se alterentur. Id-
ipsum quotidiana confirmat expe-
rientia: siquidem sæpius cernuntur
actiones læsæ quæ ad nullum mor-
bum vulgò notum, neque ad erro-
rem externum referri possunt, vt tum
ex aliis tum ex venenis notissimum;
quibus proinde non manifestè, sed
occultè & totâ substantiâ agentibus

remediis seu alexiteriis opitulari solent longo rerum usu prudentiores facti medici: cuiusmodi plurima inuenta sunt, atque etiam à Galeno eodem nomine commendata, vt norunt omnes qui ipsius monumenta sedulò euoluunt. At verò nisi darentur morbi aliqui occulti, vt ait Argenterius, frustra inuenta essent & laudata remedia totâ substantiâ agentia: Quid enim opus esset medicamenta usurpare quæ nulli morbo essent contraria? Eadem ratio est causarum morbificarum totius substantiæ contrarietate nocētium. Cùm enim omnis actio sit inter contraria, quæ sub eodem genere comprehenduntur: cùmque agentia dentur à totâ substantiâ quæ in corpus nostrum agunt morbosque inducunt: Certè non qualitates primas mistique temperamentum oppugnabunt, sed occultum quid efficiet & suæ naturæ con-

Vide infra
Resumptâ
2.

generes, & respondentes morbos excitabunt. Multi hoc argumentum eludere conantur, sed frustrà. Neque enim negari potest dari eiusmodi agentia corpus nostrum afficientia, quæ nec Galeno fuerunt ignota qui lib. 5. de simpl. med. facult. cap. 18. ita scribit. *Sunt quæ totâ substantiâ nobis sunt contraria: Proinde si vel eorum minimum assumptum fuerit, omnino ledat necesse est, ceu dryopteris, pityocampe, & thapsia, & solanum manicum, & hydrargyros, & fungorum nonnulli, præterea salina & fel venenatorum animalium. Nam talia omnia (inquit) genere sunt deleteria non quantitate. Et 3. de temperam. expressis verbis ait, nequaquam sic (scil. eo modo quo elementa agunt) iudicanda deleteria sunt; imò totius naturæ suæ contrarietate. Huius malignæ Ἀγέτωρ idem quoque meminit lib. 1. de semine cap. 16. his verbis, minima portiuncula humoris lethæ-*

lium venenorum quæ δηλητήρια appellantur, ubi animalis corpus ingressa fuerit, tota id momento temporis immutat, sibi-que simili affectione alterat. Quod & alibi passim docet: Cui & Auicennas cæterique Arabum, Græcorum & Latinorum primipili medici subscribunt. Quæ cum ita sint, cumq; omne agens ut agit conetur sibi assimilare patiens, congeneresque qualitates, quam maximè potest, in ipsum inducat: Quidni δηλητήρια eiusmodi sibi similè, in corpore in quod agunt, dispositionem excitabunt? Qui prius admittit, posterius negare non potest, quin recepta omnia sanioris philosophiæ fundamèta subuertat. Tuū est (erudite Baccal.) ista perpendere, & ad iudicij tui lydium veluti lapidem explorare, num verè concludam alios adhuc præter notos intemperiei, in partibus similaribus morbos dari, quocumque tandem nomine

168 STADIUM MEDICI
vocentur, siue formæ, siue totius
substantiæ.

RESUMPTA V.

*An in Scorbuto μοχλικὰ καθαρκτικὰ
fugienda?*

ROMANVS Hippocrates Cel-
sus, hoc rationales medicos
præstare Empiricis scribit, quòd illi
nouos morbos possint curare, hi mi-
nimè. Hac, opinor, causâ scorbutici
morbi nobis ante hac ignoti & inui-
si curationem hodie proponis (Guil-
helme Guerine, neque enim sine fato
magnum iam Musisq̃ue charũ Guil-
lelmorum nomen auxisti) vt nimi-
rũ totum te dogmaticum ratio-
nalẽmque medicũ profitearis. Tantã
porro diligentia illius peregrini af-
fectus causas, signa, symptomata &

Vide Bu-
dæi Episto-
lam & ad
Budæum
erasm, quæ
sunt 20 cir-
citer epi-
stolis ante
finem lib. I.
ep. Erasmi.

remedia prosequutus es, vt potio-
 recte tuoq; sapientiss. Præside medi-
 cos maris Balthici accolæ non pos-
 sint inuocare. Nominis nouitas po-
 tiùs quàm rei nobis demùm tuo be-
 neficio non imponet, qui totam eius
 naturam & ideam πολύμορφον, vix ab
 aliis integris libris, pluribus episto-
 lis, centuriis & commentationibus,
 comprehensam, breuibus quinque
 corollariis concluderis. Ex quibus in-
 telligimus *magnos Hippocratis lienes*
 & Εἰλεον αἱματίτιω, 2. de morbis in-
 ternis; Galeni *vitiliginem nigram* 3. de
 sympt. causis cap. 2. Pauli Æginetæ
scirrhusum lienem lib. 3. cap. 49. Plinij
sceleryrben & stomacacen 25. natur.
 hist. cap. 3. Strabonis *σπομακίκελω* lib.
 16. geograph. sub finem; Et Marcelli
 apud Iunium in nomenclator. *osce-*
dinem; Tot, inquam, morbos & sym-
 ptomata in vnum quasi conspirasse
 & vniuersam Septentrionalem pla-

gam populari. Quibus certè omnibus, ut dicam quod sentio, post aëris victusque mutationem in omnibus endemiis morbis apprimè utilem & conducibilem, non satis firmum præsidium vidèris opposuisse blandam per ἑπικρασίαν purgationem, reiectis interim omnibus vehementioribus pharmacis: quasi verò huic depascenti feræ palpandum esset, & ex insidiis tantùm obsistendum. An putas eam mitioribus vinci posse, quæ vix fortioribus cedit? Pigmæum cum Hydrâ componis, cùm tamen hîc Herculis clauâ, & quasi vecte mochlicisque machinis vsus sit. Quod iam ego, ne nihil agere videar, paucis & citra ὑπομαντικῶν recipio demonstrandum, si licuerit per sapientiss. &c.

Cùm sua morbis omnibus cathartica indicentur à propriâ vniuscuiusque cacochymiâ, hîc in primis vi-

dendum cuiusmodi illa sit. Senner-
tus cuius iudicium eruditi quiq; ma-
gni faciunt, & doctrinam admiran-
tur, à quo tu proinde meritò in ista
tua thesi non recessisti, chronici nec
non grauissimi huius affectus causam
antecedentem ponit melancholici
humoris eiúsque impuri, fœculenti
& tartarei colluuiem, aëris & victus
culpâ, aut hepatis lienisque vitio so-
bolescentem; atque procedēte mor-
bo in vasa maiora totúmque corpus
sefe diffundentem; vnde versicolo-
res tibiarrû maculæ; vlcera telephia;
gingiuarum tumor, erosio, fœtor; &
plerumq; tota cutis colore atro suf-
fusa; cæteráque symptomata emer-
gunt quæ hunc affectum à cæteris
distinguunt: Ita tamen vt morbi ra-
dix semper sit in ipsis visceribus nu-
tritiis, mesenterio, totáque primâ
corporis regione, vbi restagnans col-
luies ἀρρητὴ & peculiari modo cor-

rumpitur, fitque scorbuti causa proxima. Hinc ille propria ei præsidia opponit quæ vocat *antiscorbutica*, & prætereà alia cæteris morbis à melancholico succo profectis communia tam alterantia quàm purgantia, de quibus ego nunc tādē compendiariò transigam, cuiusmodi illa esse oporteat, ex mente Hippocratis atque Galeni. Effatum est Hippocratis aph. 9. sect. 4. τὰς ὁ μελαγχολικὰς φαρμακείην ἀδρότερος τὰς κατω. i. melancholicos per inferiora purgare oportet *seriò, vehementer, ἀδρότερος*. i. σφοδρῶς, vt ibi interpretatur Gal. Eosverò melancholicos potissimùm intelligit quibus hypochondria sunt obsita nigro & fœculento humore. Talium enim sic comparata est ratio complexionis atque humoris, vt cū purgare consilium est, pharmacum debeat esse *μοχλικόν*, inquit doctiss. Duretus in Coac. cuiusmodi solet

præscribi ad morbos qui humoris
 morbifici contumaciâ in vetustatem
 inciderunt. Sic elleborismum com-
 mendat Hippocrates quando, vt no-
 tat Gal. τὸ πάθος χρόνιον ὂντι, καὶ ὡς αὐτὸ εἴποι
 τίς μοχλείας δεόμενον. i. *diuturna est pas-*
sio, & velut vecte indigens, quando, in-
 quam ego, ita lentus est tardus atque
 incuneatus humor morbificus, vt nō
 nisi vehementi medicamento quasi
 vecte moueri possit & extrudi. Sed
 & alia quoque ratio est cur seriò καὶ
 ἀσποτέρως purgandum sit in melan-
 cholicis & chronicis morbis, quo-
 niam videlicet in illis nullæ sunt ex-
 pectandæ crises καὶ ἐκρηγνὼ ἢ καὶ ἀπό-
 θεσιν. Quò fit vt omnis spes medici &
 curationis fiducia posita sit in pur-
 gatione, morbi contumaciæ respon-
 dente, quæ si alioquin leuior fuerit,
 mouebit quidem, sed nihil promo-
 uebit, & licet sæpius repetita, ægrū
 nihilominus irrita fatigabit, neque

quicquam leuabit. Debet enim remedium non tantum in genere, sed & quantum fieri potest in gradu contrarium morbo opponi; quod ut in alterantibus verum est, sic & in purgantibus medicamentis; crasso quippe & lento humori mochlicum conuenit catharticum; tenui, mobili & fluxili, leue. Quare, ut totum resumam argumentum, cum scorbutica causa antecedens & purgationem indicans sit humor crassus, melancholicus & tartareus, ex concessis: Mochlica & vehementia cathartica illi educendo maximè competent. Quod si tamen vires illa dissuadent, non repugnabo partitis vicibus id conari, quod vnâ & iustâ dosi sine periculo fieri non potest. Esto sane in hac interpoli arte, ut est in cæteris, usus optimus magister atque, ut ait Plinius, *efficacissimus*. Neque enim is sum qui contra usum & experientiam fo-

Lib. 26. natur. hist.
cap. 2.

phistarum more pugnare velim ad
 verba garrulitatēque descendens,
 tecum præsertim cui cum Neopto-
 lemo placet paucis philosophari; cui-
 que gratius est ire per solitudines & qua-
 rere herbas alias aliis diebus anni, quàm
 cum Herophili sectatoribus in scholis, au- Plinius
ibid.
 ditioni & disputationi operatum sedere.

RESVMPTA VI.

Strena strenuo Baccalaureo Petro Hom-
 metio dicta postridie Kalendas
 anni 1630.

LICEAT mihi (Erudite Bacca-
 lauree) in hoc anni redeuntis
 exordio ὁφημεῖν αὐτὶ τῷ ἐλέγχῳ, tibi-
 que pro threnis strenam offerre, hoc
 est, pro morosâ disputatione, fœli-
 cem ominari annum, quem tu sub

Sapientissimo Præsidi tam strenuè
auspicas.

Prospera lux orta est : fausta venere

Kalendæ :

*Nunc dicenda bono sunt bona ver-
ba die.*

*Lite vacent aures, consuetâque proti-
nus absint*

*Dissidia, ut pacem Ianus ubique
ferat.*

Nunc igitur (docte Hommeti) sepo-
sitâ omni disputâdi ambitione, pau-
cis te affari decreui, tibi que ex prisco
more strenâ Kalendariam dare tam-
quam tesseram atque indicem mu-
tuæ voluntatis. Sed ne seram & po-
stridianam repudies, hoc in primis
monebo non tantum alterum hunc
anni ineuntis diem strenarum nomi-
ne fuisse solennem, sed & sequentes
vsque ad Nonas apud Libaniû, imò
totum mensem apud Suet. in Tiber.
Quare etiamnum *sat citò fuerit, si*
bene

bene sat. Iam itaque ego non pugil-
laria, non caricæ, non palmulas seu
caryotas auro illitas, non mellis fa-
uum, aut eiusmodi alia dulcioris fa-
liuæ afferro, quæ antiqui Kalendis no-
uis, veluti Saturnalibus xenia & apo-
phoreta, mutitare solebant, nimirum

Vt res sapor ille sequatur,

Et peragat ceptum dulcis ut annus iter.

Multò minùs inuidenda magnatum
munera, luxus potiùs quàm grati ani-
mi indicia, quibus & accipientis pu-
dor, & dantis census plerumque one-
ratur. Sed en tibi bona verba anti-
quo, nec tamen obsoleto strenarum
nomine inuoluta. Siquidè vox græ-
ca *επὶ νος* *delicias, valetudinem, & hila-*
ritatem denotat, vnde *επὶ νος* & *επὶ λωϊαν*:

Ex Theo-
doro Mar-
cilio in
hist. stren.

Quòd quidem etiam à Latinis vsur-
patum est, nam *strenuare* dixit Plau-
tus in Pseudolo, quòd est viri fortis,
strenui ac opulenti, vultum voces-
que imitari. Non igitur abs re stre-

M

narum nomen tibi gratulari videor,
 & delicias, valetudinem atque hilari-
 tatem comprecari, adeò vt hoc velu-
 ti terno munere lōgum vitæ sine of-
 fensione cursum ominer; sitque tibi
strena quasi *terna*, quemadmodum
 Verrius apud Festum interpretatur.
 Rectius tamen sentire simul & stre-
 narum originem docere videtur di-
 sertissimus ille Symmachus vrbi præ-
 fectus, qui Valentiniano, Theodosio
 & Arcadio Auggg. scribens epist. 28.
 lib. 10. strenarum nomen & origi-
 nem repetit à Deâ Streniâ vel Stre-
 nuâ, * ex cuius luco ait Tatium Re-
 gem Romuli socium & participem
 Kalendis Martiis, à quibus n. annum
 Romani tum auspicabantur, ramos
 fœlicis arboris noui anni auspices
 primum defregisse. Et hæc quidem
 ita ad præsens institutum appositè,
 vt ipsius verba nunc in te maximè ve-
 lim vsurpare. *Nomen* (inquit) in-

* Huius
 sacellum
 in 4. vrbis
 regione est
 apud P. Vi-
 ctorem.

dicio est viris strenuis hæc conuenire ob
 virtutem, atque ideo vobis eiusmodi insi-
 gne deberi, quorum diuinus animus ma-
 gis testimonium vigilantia quam omen
 expectat. Atque vt agnoscas quàm
 aptè in te cadant hæc verba Auggg.
 quondam scripta: fœlix illa arbor à
 Symmacho commemorata, Laurus
 intelligitur, vt inde fieri coniectura
 potest quòd Romani post Tatium
 ipsosque Reges exactos, etsi non
 Martij sed Ianuarij Kalendis annum
 inchoarent, *Ἐρχαί τε ἐπὶ πάντων τὸ τε δεῖν*
τοῦ πλεῖν ἐνδοξον καὶ σιναύσιον πορφύρεον δεῖν
ῥῶνται, vt Herodiani verbis vtar, ta-
 mē ex prisco ritu eodem ipso ineun-
 tis Martij die, velare semper soliti
 fuerint lauru ianuam Regis Sacro-
 rum, & Flaminum, & templi Vestæ,
 & Curia Hostilia, vt antiquitatum
 Romanarū peritissimus in fastis an-
 notauit Ouidius. Quin & illi ad quos
 post Iul. Cæsarem rerū summa dein-

Ἀρχαί τε
πάντων
 Coll. qui-
 bus anni
 cognomi-
 nes in fa-
 stis, ex Th.
 Marcilio.

Lib. 3. &
 Plin. cap.
 post. l. 15.

de delata est, postes suos etiam ipsi lauro eodem castu velarunt, apud Suetonium; quòd & fecerunt postea priuati quique apud Libanium Sophistam. Quòd cùm ita vsurpatum fuerit & in more positum, quidni tibi strenuo medicinæ *Baccalaureo* hoc solenni die *baccatum lauri surculum*, seu *baccaliam laurum* noui faustique anni auspicem offeram? quâ non tantùm victoria tibi & fœlicitas optatur, specie lauri semper in Parnasso virentis & Apollini dicatæ, vt est apud Plinium; sed etiam quâ morbos tum corporis tum animi singulari antipathiâ fuges & auertas: Illa enim, vt Cassianus Bassus testatur in Geoponicis, vbicumque adfixa est vel reposita, ibi neque Comitialis morbus, neque Lymphaticus, homines corripere potest, λέγεται ὅ (inquit) καὶ τὸ αὐτὸ δάφνης, ἐπὶ ὑγείας ἐργαστικόν ἐστίν. ὅθεν ἐ φέλλαν αὐ-

De bacca-
lia lauro
Plin. lib.

Principio
lib. II,

τῆς ἐπεδίδοντο τοῖς ἀρχαῖς τῷ δήμῳ τῇ
 πατρί τῇ λαοαείῃ μνήσ, καὶ ἰσάδες· ὅδε
 γὰρ ἡ ἱερεὺς νόσος, ἡ δαίμων πρηνόχλῃ πατρί-
 τω, καὶ ὡς δάφνη ἐστίν. Tandem igitur
 (Laureate Baccalauree) gaude quē-
 admodum ille apud Plautum, *quod*
bona scaua strenaque obuiam occessit tibi, In Stichō
sc. saluete.
 & tot omina *strenarum* nomine fœli-
 citer concepta accipe, diūque his
 frueret votis, quæ, vt rata fiant & per-
 petua, sacro oraculo obfirmo at-
 que concludo.

*Benedices Domine coronæ anni be-
 nignitatis tuæ.* Psal. 64.

M iij

Hinc ego alteram thesim quodlibetariam proposui, pathologicam, omniumque tertiam & postremam, in qua quærebatur, an à focorum situ febrium periodi? Cuius quidem opinionis primus auctor fuit, edito eleganti *de febribus intermittentibus* libello, Franciscus Perrellus medicus quondam clariss. Iacobi sapientissimi istius actus meorumque omnium studiorum rectoris pater, cuius felicibus auspiciis & optatissimo modamine, hanc thesim propugnaui aduersus velitantes pro more Baccalaureos Commilitones meos lectissimos, & oppugnantes grauissimos Doctores, frequenti omnium confesso, faustoque applausu. De hac eadem quæstione resumptam habui, quæ est infrà duodecima & vltima, quæque non parùm facit ad huius theses intelligentiam.

QVÆSTIO MEDICA

quodlibetariis disputationibus
mane agitata in scholis Medi-
corum, &c.

M. IACOBO PERRELLO Doctore
Medico Moderatore.

An à focorum sit februm periodi?

I.

VNIVERSI gubernatrix
natura ordinem nisi co-
acta non deserit. Lucet
ille sempiternus & im-
mutabilis in cœlo ac elementis. Mul-
tiplices orbium cœlestium conuer-
siones, syderumque antecessiones,
statis distinguuntur periodis. Nulli
sunt (si verum amamus) planetæ;
omnes composito feruntur cursu,
non vago aut incerto. Singulis suos

M iij

est proprius motus, Lunę menstruus,
annuus Soli, diurno eique primo &
communi neutiquam contrarius:

Ex Arist.
ca 10. lib.
2. de ortu.

Hic rectus sibi que semper constans
perpetuitatis causa est: ille obliquus
& æquabiliter inæqualis, nunc gene-
rationis, nunc corruptionis auctor,
annum reciproca quatuor tempesta-
tum successione ita temperat, ut ubi-
que lumen, quemadmodum in pla-
gis temperatis calorem, æquis vici-
bus diuidat. Nec alio afflatu cœle-
stium corporum vis in hæc inferiora
deriuatur, quàm utroque isto motu
& lumine. Hinc ἀπὸ τοῦ χρόνου καὶ βίος με-
τρίται ἀεὶ ὁδῶ, πάντων γὰρ ὅτι ταῖς. Ele-
menta suis gaudent legibus, ac veluti
στοιχεῖ στοιχεῖα. Periodicus est πλημυ-
εῖδος æstus καὶ ἀμ' πώπιδος, semestris, men-
surnus, diurnus: quin & decumanus
fluctus, maior, periculosior. Plura in
homine obseruantur certis adstricta
temporum articulis. Conceptio,

conformatio, partus, ætas; horarū,
dierum, mensium, annorum septe-
nariis dispensantur. Nec abs re mul-
torum clade infames metuuntur illi
Chaldæorum Climacterici, vitâ iif-
dem numeris oriente & occidente,
non illis quidem agentibus, sed cir-
cumscripto naturæ impetu.

I I.

IS est naturæ tenor, quem illa, vel
oblæsa, mirabili constantiâ ser-
uat. Arteriarum ἀρτηριῶν καὶ θρόνων, etiam in
arhythmis rhythmicā obseruāt me-
dici musici. Morbi quoque suos ha-
bent circuitus, suâque temporum
momenta, ac febres maximè, quæ
ab humoribus excitatæ, aliarū more
in corde, ceu primario subiecto, ip-
sius tum passione, tum actione, præ-
ter naturam accenduntur. Cuiusmo-
di ratione motus diuiduntur in sum-
ma duo genera, assiduarum, & inter-
mittentium: in assiduis singularis if-

que per obscurus dierum *κεραιμῶν* or-
do notatur: In intermittentibus, pa-
roxysmorum, qui, etiam si plures, vni-
cum tamen constituunt morbum. Il-
læ rursus sunt vel *συνεχῆς* vel *συνόχοι*
(inducto à recetioribus medicis no-
mine:) Hæ triplicis sunt speciei;
quotidianæ, tertianæ, quartanæ; nul-
læ quintanæ, septimanæ, nonanæ, ex-
quisitæ. Singulæ vel simplices vel cō-
positæ. Omnes homini ita familia-
res vt rarò alia animantia iis tenten-
tur, ne quem cū Archelao * decipiat
calidus caprarum halitus, aut cum
Phile * frequens leonum fastidium.
Hoc pretio emitur rationis & intel-
lectus principatus, cuius gratiâ cere-
brum homini amplissimum datum
fuit (quæ maxima est & forte sola
fabricæ humanæ à reliquis differen-
tia) à quo plurimi spiritus affatim
suppeditarentur: vnde longè maior
quàm in brutis exigitur sanguinis

* Ex Plin.
cap. 50.
lib. 8.

* Et cuius
auctoritate
vulgò cre-
duntur leo-
nes febre
quartanâ
perpetuò
laborare.

copia cibique vbertas, & vasorum apparatus operosior; Ex quibus feruores, obstructions, putredines, ac subinde febres creberrimè fuscitantur. Nec aliunde fit solum animal menstruale mulier, quidni & Lunare?

III.

IN febribus intermittentibus præ cæteris obseruantur periodi atque typi: Periodus est similis ratúsque adidem recursus, seu spatium ἐπιτάσεως & ἀνέσεως. Typus vtriúsque ordo & proportio, nunc περιγητικός, nunc ὑπερηλικός, nunc ἐγώ. Hic mens stupet, quæ generationis excrementorum & excretionis causam ignorat. Frustrà Mathematicorum cælum consulitur. Temerè materiæ febrili agendi ratio tribuitur. Febrem non periodum quotidianam pituita committit, sicut nec tertianam bilis flaua, aut quartanam nigra. Neque tam materiâ quàm loco istiusmodi * fe-

* Nō quatenus febres, sed quatenus tertianæ, quartanæ, &c.

* Vide
Riolanum
general.
meth. l. i.
sect. 3. cap.
de specie
morbi.

bres, ut & plerique morbi*, inter se differunt: Sed aliquando alter est locus in quo ipsa generatur, & alter in quo recipitur: huius potissimum ratione intermittentes distinguuntur à continuis, eadem quippe stabulante materiâ extra vel intra vasa maiora: alterius in periodorum diuersitate potior esse debet consideratio, pro cuius nimirum diuerso situ distinctis temporum spatiis reparatur humor paroxysmum inducens. Quod si alteruter multiplex fuerit, tum febriû κρείσις ἢ ὅτι πλοκή continget. Constat τῆς ἀμφομερείας, ὅσθ' ἔχεις τὸ πᾶν τὸ σώμα τὸ γαστρὸς πεπονθέναι, σπλῆνα σπλῆνα, κατὰ τὸν τῆς τετραταίας πρὸς τὴν πλῆνιν κακοπαθεῖν, τῆς δὲ πενταταίας πρὸς τὴν πλῆνιν. Inde prima mali labes. Ventriculus pituitæ fons & scatebra, hepar bilis, lien humoris nigri, tum propriarum febrium fomites existunt & foci, cùm aut propter ἀσθενεῖαν, aut relictum in ipsis, vel

τῶν ἑλλήνων συνέδοκ' ὅς τις nouæ excremē-
 torum generationi indulgent. Hinc
 bellum, induciæ, pax nulla.

IV.

Alimentum corpori sua parit
 accommoda & incommoda: illic
 vires, hic morbum fouet, eique tam
 instaurando quàm generando mate-
 riam subministrat. Nec aliunde noua
 excrementi collectio repeti debet
 quàm ex alimenti appulsu, quod vbi
 debilitas subest, vel ἐμπύρεσμα partis
 suscipientis, maiore sui portione cor-
 rumpitur, fitque exacerbationum at-
 que accessionum causa continens:
 Ita vt distincta febrium interualla
 respondeant certis nutritiarum par-
 tium ceu focorum temporibus in eo
 attrahendo, retinendo, coquendo at-
 que expellendo. Venter tanquàm
 in vestibulo corporis collocatus, pri-
 mus horis ferè septem eiusmodi mu-

nia absoluit: Hepar præter obiectā
superioris visceris moram, ob angu-
stos viarum recessus, tempus multò
longius explet: omnium remotissi-
mus lien, quasi *νότον ἢ πρ*, illud adhuc
protrahit, tantò magis quantò fluen-
tis illuc humoris pigritia maior.
Prius spatium cum subsiciuā *ἡ ἀμ-
φικελευσ* quiete numero congruit.
In tertianis atque quartanis escarum
ad portas & lienem traiectionem ca-
rūque confectionem, adeoque ex-
crementi generationem ac collectio-
nem, aliquandiu excedit febricitan-
di intercapedo, propter maiorem
vtriusque bilis ad putrescendum ine-
ptitudinem, paucioresque fauillæ re-
liquias. Humoris putredini accedit
motus, cui opponitur alter naturæ
sefe aduersus hostem colligentis, ac
primò calorem cum vniuerso spiri-
tuum exercitu intrò reuocantis: vn-
de extremarum partium frigus; atq;

etiam, si humor partes sensiles acrius
ferit, totius corporis rigor; sin remis-
sius, horror: quæ sunt indiuidua ha-
rum febrium numquam lethali-
um signa, & Hippocratis ætate, propria.
Deinde vincente calore & quasi è
carcere prorumpente, micant arte-
ria febre, æstuâtque totum corpus,
donec absumptâ vel excretâ materiâ
ardor remittatur, desinâtque in *ἀπυ-
ρεσία*. Quod si nulla in parte & foco
remanferit labes, morbus cedit: aliàs
excrementi copia qualitasve expul-
tricem sollicitabit, eo planè circuitu,
quo ipsum generatur.

V.

Porro accessionum inæqualitas
cōtingit pro diuersa excremen-
torum multitudine & conditione.
Plura, frigidiora, crassiora, longio-
res committunt paroxysmos, atque
ad impuriorem integritatem desi-
nantes: pauciora, calidiora, tenuio-

ra, vehementiores sed breuiiores, conducente ad id non parum totius corporis constitutione, viriumque robore. Nonnumquam informes fiunt & erraticæ febres ob humoris focique permutationem, aut victus errorem: Sæpè tamen implexio circulationum ipsis etiam medicis imponit. Ex antecedentibus & consequentibus vniuscuiusque typus dignoscendus: ex typo focus, ad quem præcipua curatio est dirigenda, aurigantibus non Zodiaci sed morbi signis, ut ipse suo tandem indicio pereat. Insanit cum Democrito* quisquis quartanam Saturni filiam aliquo piaculari flagitio profligandam credit: Sacrum nihil habet febris quercera, nisi quod ignorantia miratur, ad cuius asylum nimis multi confugiunt. Εὐπεθὲν χρέατον ἢ ἀνεξόρπετον. Alij specie recti decipiuntur: Errat ille ipse qui vitandorum errorum methodum propo-

* Ex Hadriano Iu. cap. 1 l. 3. obseruat.

Vide infra
Resumpt.
12.

proponit: præcordia in alimenti cō-
 meatu sibi succedunt, non in cordis
 viciniâ, à quo certè lien non magis
 diffitusest quàm ventriculus. Gra-
 uiùs peccant qui humorum idiotro-
 piæ vel proportioni proximam pe-
 riodicorum circuituum causam im-
 putant. Scopū attigit qui ad focum
 attendit, ac subinde viarum ab ore
 ventriculi interstitia ad amussim a-
 natomicam distinxit: Galeno sub-
 scribit quisquis febrilium periodo-
 rum rationem hinc repetit. ὅσα μὲν ἐν
 αἵματι ποτὶ προξυνέται νοσήματα, μείων
 ἐπιγίνεται διαλέσεων, ἢ τοι πεμπόντων, ἢ
 δεχμένων, ἢ λυνόντων, ἢ ἐλκόντων αἵματων.
 ὅσα δὲ ἀπὸ αἵματος, ὅσα δὲ ἐκ τού-
 των ὁ πεπονθὼς ἐστὶ τόπος εἰς αἵματος.

Ergo à focorum situ februm periodi.

Proponebat Lutetiæ VICTOR PAL-
 LV Turonēsis, An. R. S. H. M. DC. XXX.

N

RESVMPTA VII.

*Laudatur Langlaus Baccalaureus ad-
uersus quem tamen Arabum Me-
dicina exploditur.*

VOCIS non minùs miranda est
quàm frequens percussio,
quæ instar vndæ reciprocantis & in
procursu allisæ, confectum remeti-
tur iter, & obicis obiectu in se quasi
redit ac resilit. Et licet fortasse nullus
non reflectatur sonus solidioris oc-
cursu corporis, non tamen semper
percipitur aut vocalis est Echo, nisi
corporis cōcaui ad certum spatium
oppositio collectam vocem sistat,
quàmque non admittit, remittat.
Non aliter (Erudite L.) nunc ego
tibi oppositus, voces quas nouissi-
mè in meis laudibus consumpsisti,
reddo ac refero. Cùm enim illæ locū
in me nullum inuenerint, meritò in

te eadem resultant atque redūdant. Sed quemadmodum Echo imperfe-
ctas tantum sententias recantat, &
verba vltima quasi balbutiens aut
blæsa reportat, vnde & ἀτυπος ab
Aristophane appellatur; sic ego bal-
butiente linguâ concisè ea reponam
quæ tu facunda oratione in me pro-
fudisti. Nihil igitur mihi debes
(docte L.) sed eloquentiæ tuæ ipsi-
que veritati, quòd ego vnum te præ
cæteris ingenij & doctrinæ laude
præstantem extra ordinem præ-
dicem, adeoque disertissimum o-
ratorem anteuertam, qui prope-
diem tua encomia pleno ore enarra-
bit. Tu enim is es qui maiorum tuo-
rum imitatione, & magnarum rerum
meditatione, præclara antiquorum
studia æmularis, & in primo adhuc
ætatis flore ad idem gloriæ fastigium
contendis. Non vana loquor, & ad
blandiendū excogitata ei præsertim.

N ij

Cui male si palpare, recalcitrat vndique tutus.

Vidit te gestienti similis tua hæc
Lutetia publicè docentem id ipsum
implere, quod olim Socrates domi,
Plato in Academia, Aristoteles in
Lycæo, Theophrast. in hortis, Zeno
in porticu, præstitisse dicuntur. Te-
stis est hæc venerandæ antiquitatis
schola, nullum ex subselliis Bacca-
laureum post illam natam, aut do-
ctiùs proposuisse, aut distinctiùs sol-
uisse, aut præsentius quæstionem
quamlibet enodasse. Neque verò,
κατάπερ μία χελιδὼν ἕαρ ὃ ποιεῖ ὃ δὲ μία
ἡμέρα, sic te vna actio præstantem
facit & commendat: ita enim in om-
nibus æqualis est tibi que constas, vt
numquam à te, nisi in meliùs recedas;
ita similis, vt nulli alteri possis com-
parari. Hinc meritò inter nos audis
Polycleti canõ, ad quẽ qui propiùs
accesserit, tantò maiori laude dignus

cenſetur. Et ſane etiamſi quotidianis
iſtis experimētis careremus, genium
tamen tam raræ ſcēlicitatis ſatis ar-
guerent, oris ingenium totiūſque
corporis lineamenta & habitus, vt
verè ex illis ſis

*Quēis meliore luto finxit præcordia
Titan.*

Nam vt cætera præteream, quis
non ex vultu, in quo totus homo eſt, vt
ait Apul. & cuius vim Græci norūt, no-
men omnino non habent, inquit Cic. i.
de leg. te emendatiſſimum artificis
naturæ opus, ad maxima natum eſſe * Χαειτο-
Γλέθαρος
intelligat: in illo porrecta frons & a- philoso-
phus a-
perta moderatè protuberat: Li- pud La-
ert. aie-
nea Mercurij ſupercilia * distin- bat μὴ μω-
χρὸν εἶναι
guit, exinde ad malarum ſcri- μῆρας τὰς
οὐφῆας, ὁ δὲ λῶ
pturam ſenſim excurrentia: fuſci ροῦν ἐπί-
σκοτῶσαι
& arcano lumine micantes oculi διωαδαι
τῷ βίῳ.
à capite modicè extant: palpe-
bræ non conuiuent: æquabilis naſi
proiectura oculos & genas intercur-

N iij

rit: malarum tumor viuido colore
semper conspicitur. Quibus consen-
tiunt exquisita totius cutis raritas &
mollities, nec non pilorum ad ni-
gros accedentium tenuitas. Hinc in-
credibilis sensuum omnium vigor,
qui celeri obsequio menti prope di-
uinæ famulantur, eique expressam
rerum omnium imaginem velut ex
speculo lucidissimo referunt ac re-
præsentant. Atque illa quidem sunt
eximia Musarû, quas in cōsiliū na-
tura adhibuisse videtur, munera &
ornamēta: Neque verò sunt Gratia-
rum pauciora, quibus iamdudum ex
Platonis consilio litasti. Harum alia
vbi arridentem omnibus vultum
componit, genarum fossulas exca-
uat; alia sulculum duxisse gaudet in
medio superiore labro; alia osculum
effinxisse, quale tantum ad eloquen-
dum decet. Taceo cætera φίλτρα &
Veneris illecebras, ne Zopyri instar

deridear, dum tu animum ab eâ
 prorsus alienas. Tantas porro dotes
 indefessâ animi contentione & stu-
 dio sic auxisti ac locupletasti, vt cui
 plus debeas tibi an naturæ nesciam.
 Ita enim cum Platone familiariter
 colloqueris, cum Aristotele ambu-
 las, cum Galeno disputas, vt omnes
 omnino possidere videaris. Neque
 verò antiquâ Græcorum medicinâ
 expletus, etiam Arabum libros euol-
 uis, & diuitias exhauris. Hinc tua
 thesis, quasi Palladis Ægis in cuius
 aspectu obstupescimus, fulget auro
 & aurichalco, scintillat ardentibus
 sapphiris, nitet margaritis, splendet
 viridi smaragdorum luce: illa demû
 vndique emicat ebore, cornubus, &
 fragmentis pretiosis tessellata, in cu-
 ius vmbone velut emblemata inclu-
 sum eminet *omnem fidem euentu sem-*
per felici superans lapis Bezoar: Ibi de-
 nique nihil nisi operosum & con-

quisitum. Vereor tamen ne quid sit
nimium & præter Sapientis monitū.
Equidem dicam liberè quod sentio,
neque enim quicquam volo in te
meā dissimulatione committere.
Γαλήνῳ si non amas, securè nūquam
nauigabis. Nescio quis æstus te ex
Græciā in Barbariam abripuit. Hīc
certè cogor reclamare atque vela
obuertere, ne vterque cæco cursu in
ignotas qualitatū occultarum re-
giones feratur. Ne quicquam bezo-
ardica cornua exerit & opponit tuus
κεράτης, quæ profectò plus habere o-
stentationis arbitror quàm virtutis,
quæque non magis esse medica ex-
perimento comprobantur, quàm
γεωργικῶν boum. Neque cætera com-
mendatà à te ἀγένηται maioris pen-
do, quæ tātò ægris peiora sunt quā-
tò preciosiora, ac proinde meritò
proscripta abs consultissimo totò-
que orbe celeberrimo Parisiensium

Medicorum ordine tamquam vana
& irrita. Quò fit vt credam te ista
disputâdi magis causâ, quàm ex ani-
mi sententiâ aut in pharmacopolarû
gratiam proposuisse. Hîc tamen an-
ceps animus hæret, atque, vt inge-
nuè fatear, optarem non factum,
& nomini tuo atque existimationi
melius consultum putarem, si nobis
nihil noui ex Africâ attulisses. At, in-
quies, patrum maiorûmque nostro-
rum hæc fuit recepta medicina. Scio
profugas olim temporum fato Mu-
sas ex Europâ in Africam transfre-
tasse, ibique à Mahumetanis, qui tum
Græciam fere occupauerant, depor-
tatas, ac subinde Barbarorum hospi-
tiis exceptas, thesauros omnemque
supellectilem secum ex Græciâ ad-
uectam deposuisse; ita quidem vt ali-
quot deinde seculis abstrusam Græ-
corum doctrinam, & præ ceteris me-
dicinæ scientiam, non nisi ab Arabi-

Hanc hi-
storiâ ac-
curatè re-
fert, vt so-
let cætera,
Gabriel
Naudæus
cap. 6. lib.
nuper à se
hoc titulo
editi, Ad-
ditamentû
ad historiâ
Ludouici
XI.

busetiamnum in Hispaniâ docentibus, interpolatam, ne dicam corruptam, habuerint maiores nostri, & cum non liceret ex fontibus, è lacunis hauserunt: donec noui Argonautæ Theodorus Gaza, Lascaris, Trapezontius, Bessario, Argyropilus, & ex nostris Budæus, multique his deinde succenturiati, absentes dudum Musas in has terras reduxerint, ac veluti iure postliminij reuocarint. Hinc multa illis temporibus locum & laudem inuenerunt, quæ à nobis hodie in mediâ literarum lucenatis meritò exploduntur, etenim

Frugibus inuentis quis vellet glandibus uti?

Quàm porro barbara fuerint ac inficeta semiprisca illa secula, norunt omnes qui illorum monimenta cum recentioribus conferunt. Vt subinde mirari non desinam, quî fiat ut tu tam acri & solerti ingenio præditus,

hæc præ illis contemnas, & Arabum deliria Græcorum sapientiæ anteponas. Illi quidem Græcorum plagiarij multa præclara scripserunt, sed tot falsis & futilibus aucta, vt hic maximè liceat Plinij in re simili verba vsurpare. *Mirū esset profectò hucusque prouectam credulitatem antiquorum, saluberrimis ortaminibus, si in vlla re modum humana ingenia nouissent, atque non hanc ipsam medicinam ab Asclepiade repertā, suo loco probaturi essemus euectam ultra magos etiam. Sed hæc est in omni re animorum conditio, vt à necessarijs orsa primò, cuncta peruenerint ad nimium.* Non tamen dubito quin quemadmodum olim Virgilius *aureum Ennij de stercore legit*, Sic tu ex illorum monumentis veritatem. At vero quātò compédiosior via est illam synceram ex Hippocrate & Galeno adipisci, & ad seuerum examen castigatam accipere, quàm adulteratam

Natural.
hist. Lib.
26. c. 4.

& igni atque incudi denuo reddendam. Apage igitur Arabum commēta, nec deinceps hanc labem tuę glorię asperge. Auicennam iacet Sepplariariorum turba, Galenum nostra, quem ut pręceptorem perpetuum reuerenter habere debemus ac colere. Et hæc quidem officij mei ratio tibi obijcere coegit, ne, pręter scholę consuetudinē, omni ex parte tibi assentiri viderer, cū alioqui sciam te non egere monitore. Quare ut hæc æqui bonique consulas, obnixè rogo atque obtestor.

RESVMPTA VIII.

An Insania ab amore αρχωται?

NÆtu mihi (docte Puylon) Lethęo illi Amori videris hac tua verē diuinā thesi litasse, cui velut αἰ-

τέρων vota olim faciebant aduersus
Cupidinis faces, amorisque παυδής
Tyrannidem : ille siquidem somni
nomine & numine inducitur ab O-
uidio 2. de remedio amoris his ver-
sibus.

(portam,
Est prope Collinam templum venerabile
Imposuit templo nomina celsus Erix.
Est illic Lethæus Amor, qui pectora
sanat,
Inque suas gelidam lampadas addit
aquam.

Illic & iuuenes votis obliuia poscunt,
Et si qua est duro capta puella viro.
Is mihi sic dixit: dubito, verusne Cupido,
An somnus fuerit, sed puto somnus
erat.

Hinc (inquam) tu, ni fallor, reli-
cto figmenti inuolucro, insanix ab
amore ὑπνώτις præscribis, quippe
quæ & animo ὀδυμίας & corpori
temperiem concilient. Dum tamen
non tantum ὑπνώτις, sed & νάρκωτις.

laudas, & pro amore stuporem inducis, vereor ne ex amante amentem facias, hoc est, ne depravatam rationis usum in abolitum aut diminutum pervertas: idque non sine probabili ratione, quam breuiter sic expono, si prius dicendi copiam fecerit prudentiss. huius actus moderator Duvalius regius philosophiæ professor, medicus ἀρχιτεκτονικός, πεπαιδευμένος, ἰσότητος: fauerintque, &c.

Galenus lib. 1. de symptomatum causis cap. ultimo hypnotica medicamenta à narcoticis differre docet, quòd illa somnum naturalem inducant, hæc veternosum & præternaturam, ac proinde illa propriè somnifera dicta duntaxat humida; hæc verò soporifera potius & stupefacientia, frigida maximè. vnde tandè concludit his verbis. *Igitur ea quæ duntaxat humectant non abs re somnifera nominantur; quæ verò refrigerant ea ne-*

que somnum conciliare neque indolentiã
inducere rectè dicentur. sed pro somno ve-
ternum grauẽmque soporem; pro indo-
lencia autem vel abolitionem vel diffi-
cultatem sensationis efficient, idque ob re-
frigerationis excessum. Ex quibus pa-
tet narcotica furori amatorio nullo
modo competere, vt quæ nec animo
^{dispositus} nec corpori quietem conci-
liare possint, sed potiùs torporem ac
stuporem. Quasi verò deprauatio a-
ctionis eiusdem abolitione sit corri-
genda, & hallucinanti mentis oculo
lux adimenda. Imò sane optandum
magis vt lethargicus fiat pugil; & ve-
ternosus amator delirus, hoc saltem
beatus quod sensum non exuerit.
Apage igitur tua Narcotica quæ mi-
serum amatorem infra belluas de-
primunt eique sensum omnem adi-
munt. At dices sensus postea redit
vegetior, & amor superest lãguidior.
Ego contra ex Galeno contendo

eiufmodi soporem & somnum præter naturam nihil ad spirituum & virium instaurationem conferre, imò verò cum amoris incendio calorem vitalem extinguere. neque enim narcotica ex Galeno aliter agunt & stupefaciunt, quàm extinguendo vel repellendo spiritus partiúmque nativum calorem. Vnde ea non nisi magna cum cautione, doloris alioquin implacabilis obtundendi potius quàm somni prouocandi gratia, vrsurpant prudentiores medici. In amore autem etiam infano nullus est tantus dolor vt stupefaciendum sit corpus & mens tenebris offundenda. Macerant quidem amantem vigiliæ, & animi ægritudo atque impotentia corpus ac vires exhaurit: verùm cum illæ sopore veternofo neutiquàm reficiantur (vt probatum est) narcoticis omnino abstinere debuisti, & solis humectantibus hypnoticis, cæteris

teris non neglectis Sulmonensis
Poetæ remedijs, morbum demulce-
re atque emendare; si quidem inte-
grâ non. Cadmeâ victoriâ de pro-
phano illo numine velis trium-
phare.

Huc etiâ
pertinet
præclara
de amore
admoni-
tio, quæ
est apud
Lucret.
sub finem
l. 4. de
nat. res.

RESVMPTA IX.

*An Galenus per proprietatē totius sub-
stantiæ quid manifestum intellexerit?*

MIRARER equidem tuâ the-
sim (Erudite Mantel) nisi illa
omnem admirationis causam tolle-
ret. Dum enim ignorantiaæ asylum
euertis, nihilq; in medicina tam abs-
trusum atque reconditum asseris, ad
quod mentis humanæ acies non va-
leat penetrare; nobis omnem admi-
randi occasionem præripis, præter-
quam tui ipsius, cuius curiosum in-

O

genium hæcenus ignorata naturæ
arcana totque annorum secreta re-
uelat & aperit. Antea in morbis &
medicamentis θεῖον π nobisque im-
peruium admittebamus subinde in-
culturantes illud Poëtæ ,

*Multa tegit sacro inuolueno natura:
neque vllis*

*Fas est scire quidem mortalibus om-
nia: multa*

Admirare modo, nec non venerare.

Hodie per te turpe est ignorantiam
fateri, sic vt nemo iam humanæ na-
turæ imbecillitate, aut humilitatem
suam aut ignauiam excuset. Nuper
medicamentorum pretium in pretio
ponebamus, & maximè id placebat
quod occultum putabatur: nunc vel
laudatissima hoc nomine tecum
damnare cogimur. Quid ita? Bacca-
laurei sumus, hoc est,

Neruis alienis mobile lignum.

Tu ais, ille negat; vterque fortassis

parum verè: vbiq̃ue ad occultas qualitates recurrere, ignauia est; omnia ad manifestas referre, temeritas, ne cum Scaligero dicam, impudentia. Sic sane:

*Incidis in Scyllam, cupiens vitare
Charybdim.*

Media via regia est, Galenica omniumque securissima, à quâ qui deflectit, aberrat. Galenus proprietates totius substantiæ in morbis, in medicamentis & in alimētis, toties inculcat, vt nemo magis. Tu ne Galeni desertor palam videaris, illas quidem admittis, occultas tamen negas. Maximè vellem vt definiuisses quid per occultam qualitatem intelligis, quidque per proprietatem totius substantiæ, vt inter nos de rei controuersiâ constaret. Age tamen rem expendamus, quidque de eâ senserit Galenus, ab eodem discamus. Primò quidem ipse aliàs totam sub-

O ij

stantiam, aliàs geniti formam, aliàs summam rei perfectionem, aliàs essentiam nullo nominum delectu appellare consuevit: Quæ sane à temperamento ipsiusque qualitatibus semper ita distinxit, ut non nisi illarum remotione totius substantiæ proprietatem definiisse ac explicasse videatur. Ego id ipsum ex pluribus locis probare possem; sed vnus erit instar omnium ex proœmio lib. 5. de simpl. med. facult. ostensum est (inquit) *medicamentum natum esse alterare aut vnâ qualitate, scil. vel calefaciendo, vel refrigerando, vel siccando, vel humectando; aut dictorum coniugatione quapiam: aut denique totâ suâ substantiâ, sicuti complura lethalium pharmacorum, nec pauca alexiteriorum seu amuletorum, tum purgantia omnia ac pleraque eorum quæ attrahentia nuncupant. Ex quibus intelligimus totam substantiam nihil eorum esse quæ manifestè*

in nos agunt; vnde ipsemet eandem
nullâ methodo, sed solâ experienciâ
comprehendi posse asserit libro se-
quente, sermone de abrotano, his
verbis, *ad hunc itaque modum non tantû
de abrotano, sed de alijs quoque omnibus
scribendum nobis est, has quidem qualita-
tes quæ sunt in calefaciendo, frigefacien-
do, humectando, siccandôque, iis quas sæ-
penuerò memorauimus methodis, repe-
rientibus: ὅσα δὲ καὶ πλεὺς ιδιότητε τῆς ὅλης
ὑσίας ἀποτελοῦνται, τῇ πείρᾳ μόνῃ. Et pau-
lò inferius de alyssō verba faciens
idem repetit, τῶν μὲν ἑκ τῆς καθ' ὅλην
ὑσίαν ὁμοιότητος διώχεται, ἔλελεται παρ-
θεν ὡς ἡ τριχὺ διώχεται ἑκ πείρας τε μό-
νης λαμβάνεται ἔκ παντὶ πασιν ἀμεθοδὸς
ἔστιν. Nec est quod horum librorum,
qui pro genuinis ab omnib. recepti
sunt, auctoritatem eleues, cū con-
stans ea sit passim Galeni doctrina,
vt lib. i. de composit. med. secundū
genera ca. 16. δέδεικται γ' (ait) ἡ μὲν ὅλη*

τῇ τῆς ὁσίας ιδιότητι, τὰ τοιαῦτα φάρμακα
 τῷ ἐνέργειαν ἔχοντα, ἔλατ' τῶν τῇ πείρῃ
 μόνῃ κρινόμενα. Item cap. 6. lib. 13. meth.
 med. vbi idipsum pluribus verbis
 exponit, quæ quia sunt sole illustrio-
 ra, non grauabor ea in tui gratiam
 referre, atque etiam paulò altius re-
 petere vt auctoris sensum apertius
 capias. ὅταν δὲ ὅτι θηρίων ὕξαντί πως καὶ δά-
 κνοντι τῷ ὀδυμῷ γίνεσθαι συμβαίνει, δίπλος
 τῆς ἀνωδινίας ὁ σκεπτός· ἢ κενῶσθαι τ' ἰόν, ἢ ἀλ-
 λαιῶσθαι ὅτι τῷ ὀδυμῷ ἐργαζόμενον· κενῶσθαι
 μὲν οὖν ἀπὸ τῶν σφοδρῶς ἐλκόντων φαρμά-
 κων· ἀλλοιῶσθαι δὲ ἀπὸ τῶν ἐναντίων, ἥτις καὶ
 τὰς ποιότητας, ἢ καὶ ὅλῳ τῷ ὁσίαν. ἐδείχθη
 γὰρ ἐν τοῖς πρὶν φαρμάκων ἕναι μὲν ὅλας τῆς
 ὁσίας ἀλλήλοις ἐναντία· ἵνα δὲ τῆς ποιότητος
 μόναις. ἐδείχθη δὲ καὶ ὡς ὅτι μὲν καὶ τῶν ἐναντίων
 καὶ ποιότητα, μεθόδος ὡς ἔστιν· ὅτι δὲ τῶν καὶ
 τῷ ὁσίαν, ὅσα ἔστιν, ἀλλὰ ἐκ πείρας βέβαιον
 παρῶν. καὶ σὺ τοίνυν ὅσα μὲν ἐκ μεθόδου θεω-
 ρητικῆς, ἐντεῖθεν μάθανε· τὰ δὲ ἐκ μόνης
 πείρας ἐγνωσμένα, καὶ τὰς πρὶν φαρμάκων

παραματείας ἔχεις ἢ θροισμένα· ἐν αἷς ὅπτι-
δὲ δεικταί μοι, ἵνα μὲν ἐκ μόνης τῆς πείρας
ὕρνηται φάρμακα, ἵνα ᾗ ἐκ μόνος τοῦ λόγου,
ἵνα ᾗ ἔξ ἀμφοτέρων. Vides vt expressè
doctrinam confirmat, quam libris
de medicamentorum facultatibus
tradiderat. Hîc equidem libenter au-
direm quomodo Galenum tibi con-
cilies, adeóque optarem vt non mu-
ta sed mutua foret nostra discepta-
tio, tibi que nunc darentur tuæ res-
pondendi vices : neque enim quic-
quam suspicari possum quod cum
probabili ratione possis reponere;
siquidem id ipsum omnino occultū
esse puto, quod neque ratione, ne-
que sensu, sed solâ experientiâ com-
prehendi potest, quæ ni. docet quod
sit, non quæ nec vnde sit huius vel
illius substantiæ proprietas. Nec est
quod dicas ex cognitione morbi, iu-
uantium eiusmodi medicamentorū
naturam explorari atque cognosci:

O iij

* De his
vide supra
Resumpt.
4.

Nam præterquam quòd occulti etiã
plerumque sunt morbi * quibus illa
prosūt, hoc vel maximè obest quòd
omnibus intemperaturis conueniãt
ea quæ totius substantiæ suæ pro-
prietate commoditatem de se exhi-
bent, vt demonstrat idem semper si-
bi consentiens Galenus cap. 8. lib.
8. de comp. medic. κτ' ῥ' ποιεῖς, vbi de
quibusdam hepaticis differens in vi-
no dulci & protropo exhibitis, hæc
ait, βύμβυξ γάρ ἐστιν ἔρι (sup. οἶνοι) ὥ-
στε ἀλάγγω πρέφειν αὐτὸ δυνάμει, καὶ μέσση
τῇ κτ' ὁ ψυχρόν τε ἔχει θερμὸν ἀντιτίθει, καὶ διὰ
τῶν παλαιῶν φάρμακα πάσης ἀρμότῃ
φαίνεται πᾶσι δυσκρασίαις, ὥς αὖ τῇ τε τῆς ὀ-
σίας ιδιότητι τὴν ὠφέλειαν παρέχοντα, καὶ ὥ-
στε μήτε τῆς θερμότητος, μήτε τῆς ψυχρότης δυσκρα-
σίας βλάττῃ. His certè cedendum, si
quid apud te ponderis habet Gale-
nus, qui ne dubitandi quidem occa-
sionem reliquisse videtur, quomi-
nùs putaretur qualitates occultas in

medicinâ admisisse, vnde vnde tan-
 dem illę proficiscantur siue à formâ,
 siue ab idiosyncrasiâ, quæ ἀρρητος & ἀ-
 κατέλητος pariter cęsetur ab eodem
 pluribus locis, vt i. ad Glauconem
 statim initio, 3. meth. med. & passim
 alibi. Cùm enim indiuidua differant
 secundum indiuisibile punctum
 proprii temperamenti, fit profectò
 vt hæc dissimilitudo innumerabilis
 quemadmodum indiuidua, nequeat
 ratione comprehendì aut arte. Sed
 dicet aliquis non possunt esse infini-
 tæ qualitatū gradibus suis finitarū
 συζυγίαι: Respondeo infinitas fieri
 syncategorematicè, vt vulgò in
 scholis loquuntur, secundum infini-
 tas ipsorum graduum partes pro-
 portionales. Quod si rem penitiùs
 inspicimus, sanè multæ sunt mix-
 torum proprietates quę nullo pacto
 illi idiosyncrasiæ, sed tantùm for-
 mæ tribui possunt: si quidem omnis

Nora, licet omnes mixti qualitates ab eiusdem formâ determinentur ad agendum, non tamē omnes illius formæ auspiciis agere seu ab eadem formâ pendere, sed alias à formâ elementi alias à formâ mixti, quæ ideo dicuntur proprietates formæ.

qualitas actiua quæ animaduertitur in mixto, pendeat oportet vel ab elementorum formis, quæ locum materiæ in eo obtinent, vel à formâ mixti: at multæ dantur qualitates actiuæ in mixtis quæ ad elementares non possunt reduci. Quomodo enim, amabo, ex elementorum qualitatibus deducetur vis magnetis, pæoniæ, rhabarbari cū delectu bilētrahentis, & similiū? cū calefactio sit actus adæquatus caloris, refrigeratio frigoris, & sic de cæteris. An putas aliquid posse supra vim suorum principiorum agere? quasi dicas aquam supra suum fontem emicare. Hic equidem aut rerum omnium proprietates, sympathiæ & antipathiæ, licet exploratissimæ, tibi sunt gnauiter negandæ: aut, quod te video libenter facere, à medicinæ usu prorsus ablegandæ. Attamen Galenus c. i. l. 5. de med. fac. eam scientiam propriè me-

dicinam nuncupari scribit, quæ in illis cæterisque medicamentorum facultatibus peruestigandis occupatur. Sic tu mihi plane videris Asclepiadem potiùs quàm Galenum sectari atque imitari, cuius ea præcipua scientia & cura fuit vt omnia antiquorum remedia abdicaret, referente Plinio c. 3. l. 26. Iam finiero postquam eius historiam ibi expositam recitauero. *Durabat tamen antiquitas firma* (scilicet post Herophilum qui primus Hippocraticam medicinæ docendæ & faciendæ rationem neglexerat) *magnasque confesse rei vindicabat reliquias, donec Asclepiades ætate Magni Pompei orandi magister, nec satis in arte eâ quæstuosus, vt ad alia sagacis ingenij, huc se repente conuertit: atque* (vt necesse erat homini qui nec id egisset, nec remedia nosset, oculis vsuque percipienda) *torrenti ac meditatâ quotidie cratione blandiens omnia abdicauit:*

totamque medicinam ad causam reuocando, coniecturam fecit, quinque res maxime communium auxiliorum professus, abstinentioniam cibi, alias vini, fricationem corporis, ambulationem, gestationes: quæ cum unusquisque semetipsum sibi præstare posse intelligeret, fauentibus cunctis ut essent vera quæ facillima erant, vniuersum prope humanum genus circumegit in se, non alio modo, quam si calo emissus aduenisset.

RESVMPTA X.

An in Phrenitide cathartica quantumuis leuia, deleteria?

SOLIVS sapientis est stultitiam nouisse, & delirantis animi pathemata distinxisse: Mens recta sui & obliqui mensura est, ut meritò ad se omnia velut ad amussim exigat;

peruerſa & fallit & fallitur. Ita quippe à natura comparatum eſt vt animus temperatus ſolus omnes mentis exceſſus percipiat. Hinc fit vt tu (erudite Bicquet) cùm in cæteris, tũ in hac theſi mihi plurimũ ſapere videaris, in quã tam accuratam animorum picturam omnium oculis, ſubiicis, & deliriorum genus omne ſapientiffimè exponis: Inter quæ cũ phrenitis feritate & periculo primas ſibi vendicet, mirum videri non debet ſi de ipſius cauſis & remediis potiffimũ fueris ſollicitus, eique ſtrenuum & ἡγεμονικὸν præſidium oppoſueris, & πλεονεξίαν intelligo, quã vt hĩc ad probem facilè adducor: Quod verò cathartica etiam leuiſſima reieceris, tamquam deleteria vix aſſentior: quaſi verò tam ferus hoſtis pluribus armis non ſit oppugnandus. Multa certè me ab iſtã tuã ſententiã reuocant quæ nunc com-

Clariss.
vir D. A-
kakia in-
telligitur,
qui nuper
dum egre-
giam Regi
Christia-
niss. operā
navaret
in expedi-
tione Al-
lobrogicā
vitā defsi-
ctus defi-
deratur.

pendiariò proponam, si priùs veniā
dederit prudentiss. huius actus mo-
derator & re & nomine medicus *Με-
ξίκακος, & πολλὰν αὐτὰξιος ἀνδρῶν*: faue-
rintque cæteri, &c.

Phrenitis cū sit affectus acutis-
simus & grauissimis stipatus sym-
ptomatis, celerem postulat curatio-
nem quæ consistit in causæ tam an-
tecedentis quàm coniunctæ demo-
litione, intemperiei calidæ altera-
tione, & symptomatum correctio-
ne. Quæ omnia cum vnico præsidio
vix præstari possint, necessariò plu-
ribus vsus est. Quid enim v. g. pro-
fuerit phrenitidis causam cōtinen-
tem deriuatione aut *ἀφρορήσει* mi-
nuere, si non inhibeatur nouæ mate-
riæ affluxus, eiúsque motus *ἀνὰ ῥρόπον*,
fiat per reuulsionem *κατὰ ῥρόπον*. Pri-
mus itaque scopus ad causam ante-
cedentem debet referri, quæ sui tum
euacuationem tum reuulsionem in-

dicat: hæc autem duo commodissi-
mè præstat catharsis, vbi & cacochy-
mia est, & humorum orgasmus. At
in phrenitide cacochymia est bilio-
sa, cuiusque humoris motus ad supe-
riora fluentis, vt constat ex deiectioni-
bus albis & vrinis tincturæ exper-
tibus. Non inficior phlebotomiam,
hîc multùm conducere: verùm cùm
immineat periculum ne tota illa ef-
frænis materia sese in partem labo-
rantem effundat, apostema perficiat,
atque vires prosternat, statim medi-
cari conuenit, vel ex hipp. præcepto
aph. 22. sect. 1. vt eum etiam fecisse
videmus 2. Acut. part. 10. vbi fluen-
tem humorem ad pleuram statim
ab initio medicamento purgante
subducit: At, inquires, idem ipse part.
22. lib. 4. acutorum inter initia mor-
borum *φάρμακον* omnino vetat,
vbi partes inflammatione obsiden-
tur, ne videl. medicamento pur-

gante inflammatio augeatur. Quæ
sanè obiectio hîc locum habere
non potest. Hippocrates enim ibi
de deriuatione non de reuulsione
loquitur, & in iis tantû partium in-
flammationibus initio purgandum
esse prohibet, in quibus materia est
impacta eiûsque coctio expectan-
da, vt ex eius verbis facile est intelli-
gere, *quicumque (ait) ea quæ inflam-*
mantur statim morborum inter initia
medicamento soluere conantur, ij non so-
lùm ab intentâ inflammataque parte ni-
hil adimunt, cùm non cedat obsequatúr-
que quæ adhuc cruda est affectio: Verùm
quoque & quæ morbo aduersa & sana
sunt, absumunt contabesciuntque. Quâ
sententiam Galenus notat in com.
se explicasse ad aph. 22. sect. 1. vbi ta-
men absolutè & citra exceptionem
initio purgandum esse concludit
turgente materia, aliàs semper expe-
ctandum esse pepasimum, ne incom-
moda

moda quę hîc adducit Hippocrat. subsequantur. Ille igitur non in omni inflammatione purgandum esse prohibet, qui initio notæ pleuritidis veratrum nigrum & peplium præscribit loco supra laudato, sed tantum in eâ in quâ materia non turget aut reuulsio locum non habet: at verò in phrenitide ut plurimum & humoris reuellendi adesse orgasmum, nec eiusdem expectandum esse pepasum, imò impediendam esse, quantum fieri potest, ἐμπύησιν ut maximè calamitosam; & ex superioribus, & ex tua thesi satis constare arbitror. Quare nihil causæ esse video cur cathartica etiam leuissima in phrenitide omni proscribas tamquam deleteria. Nam ut vehementiora & inflammationem augeant & delirium, certè mitiora hac labe carent, nec cerebrum feriunt aut percellunt, ut pote cui tantum

P

succurrant ex accidenti, quatenus
ni. materiam illuc fluentem sensim
reuocant & euacuant. Hic tamen
assensum suspendo quem spero re-
sponsum tuarum ponderibus in
tuas partes vtrò inclinaturum.

RESVMPTA XI.

An pueri insomnijs terreamur?

¶ Cōment.
de abditis
rerū caus.
cap. penul-
timo, vbi
de fascino
disputat,
de quo
thesis tum
proposita
est.

NERVVS sapientiæ est nihil
temerè credere; nullum enim
tam impudens mēdacium est quod
teste careat, inquit Doctiss. Riola-
nus*. Et sanè si testibus certandum
esset, citò causā caderes (erudite
Pratæ) dum superstitionem tot an-
norum persuasionem ex hominum
mentibus conaris euellere. De in-
cantationibus, de fascinatione, de
dæmonum maleficiis & præstigijs,

tam multi multa tradunt & affirmant, vt inter tot mendacia veritas facile obruatur nisi acerrimum inuenerit assertorem. Quò fit vt illa multum tibi debere videatur qui hodie eius partes tam strenuè suscipis, & fanaticarum mentium deliramenta sapienter despicias. Liceat quantumlibet poëtis ad vulgi sensum sese accommodantibus, fascinoantes inuidorum oculos aut susurros auersari; nos certè tuo iam beneficio parum metuimus,

Ne medico noceat mala lingua futuro.

Antiqui fascinum fascino opponabant, eratque illis fascinus *medicus inuidiæ*; Tu ridiculum eiusmodi medicum mulierculis relinquis & ab hac grauissimæ censuræ scholâ vt parest, eiicis; Animorum verò fascinationi singulare amuletum proponis, thesim (inquam) tuam,

P ij

cuius bona verba præceptam de fascinatione opinionem facile auertēt. Illa quippe tota dogmatica est, consilij & sapientiæ plena, Empiricorum technas atque secreta meritò ridet. Nihil arcanum habet veritas aperta, & summum artis secretū est nullum esse secretū, hoc est, nihil esse quod citra rationem, aut multorum annorum experientiam, in ea locum obtineat, cuiusmodi peritum artificem nihil latet: cætera ignorare præstat, quàm cū periculo scire. Hic equidē ego pluribus applauderē tuis doctissimis positionibus, tēque ideo in os laudare non vererer, nisi nunc meum esset

In vetitum niti, tantūque negata probare.

Iam itaque tibi minutam dubitantiunculam oppono, &, quando tempus instat, paucis controuersiam de puerorum insomniis aperio, si tamē

balburies nostra arriserit consultif-
simo prudentissimóque huius actus
moderatori Braierio doctissimi filii
doctissimo Patri, nec non cæteris,
&c.

Primo tuo corollario inter puero-
rum lactentium morbos & sympto-
mata recensens insomnia quibus illi
terreantur agitentúrque, cōtra sen-
tentiam Aristotelis li. 4. de hist. ani-
mal. cap. 10. his verbis, ἐνυπνιάζει δὲ τῶν
ζώων μάλιστα αἰθέρων. καὶ νέοις μὲν ὅσι καὶ
παιδίοις ἐπὶ πάντων δὲ γίνεται ἐνύπνιον,
ἀλλ' ἀρχεται τοῖς πλείστοις πρὸς τὰ τέτταρα
ἐτὴ ἢ πέντε ἤδη γεγυνοῖεν. Quod repetit
lib. de insomniis cap. ultimo. Ac ne
putes sublesta esse hac in parte eius
auctoritatem, quasi ex vulgi persua-
sione hoc scripserit, ibidem ille ra-
tionem subiungit non contemnen-
dam, his fere verbis latinis à Vata-
blo factis. Porro existimare oportet,
haud aliter motionem quamq; in ijs fieri,

quàm paruas illas vertigines per summa
amniū decurrentes, quæ interim similes
evadunt, interim quod aquæ aliò retor-
queantur, in alias subinde formas sol-
vuntur diuellunturque. Quamobrem sta-
tim à cibo non somniant animalia, neque
cū edita nuperrime in lucem sunt, ut
infantes: nam multa tum agitatio mo-
tioque est propter alimentarium calorem.
Quare quemadmodum humore vehe-
menter commoto quandoque nulla reddi-
tur effigies; quandoque redditur quidem
aliqua, sed distorta penitus, adeò ut alia
videatur esse quàm sit: quiescente verò
semper aliqua redditur, quæ etiam nulla
ex parte affecta est, sed pura & expressa:
Ita & inter dormiendum interim visa
& motiones, quæ per sensus haustæ su-
persunt, præ maiore illo motu qui dictus
est in infantibus, prorsus obliterantur
exolescuntque; interim præpostera &
monstruosa visiones apparent & ingrata
somnia, qualia melancholicis, vinolentis.

& febrientibus accidunt. Simul autem
 acresedit & discretus sanguis est in ijs.
 quæ sanguinem obtinēt, incolumes sensa-
 torum motiones quæ à singulis sensibus
 transmittuntur, grata somnia faciunt
 & consentanea, cuiusmodi, ni fallor,
 vocat Hippocrates *chapm*. Ex qui- Lib de in-
somnia.
 bus vides vt Aristoteles eleganti si-
 militudine appositâ, rationem red-
 dit cur pueruli non somnient. Cui
 & ego hanc subnectam ni. quòd
 pauca rerum, quas tū phantasiâ cō-
 prehendant, imagines, in cerebro
 molli admodum & pene diffuente
 à vaporibus facilè oblitterentur.
 Quin tu nedum somnia, sed ea etiâ
 turbulenta lactentibus pueris tri-
 buisti: quæ tamen victus intempe-
 rici, varietati, aut alimentorum cru-
 ditati, & singulari quorundam cō-
 ditioni, vt fabarum similiūque,
 præsertim adscribit ex Aristot. Plu-
 tarchus lib. 8. sympos. probl. 10. vbi

quærit cur Autūno minūſ vera ſint
& conſentanea ſomnia, cuius rei
cauſam in primis refert in eſum fru-
ctuum qui tum plurimi abundant.
Quæ certè omnia cū à pueris ab-
ſint ſolo lacte veſcentibus, non eſt
quod illos ampliūſ inſomniis tur-
bari credas, imò ne iis quidem vti
iucundiſſimis, propter rationes ſu-
prà expoſitas. Quare quod de ho-
minibus in Atlantide inſulâ degen-
tibus aliqui perhibent, eos videl.
nūquam ſomniare, id ipſum de pue-
ris anniculis aut bimulis veriſſimū
eſſe puto. Neque mihi nutricum vi-
gilantia id diſſuadet, quæ ſuos puel-
lulos ſuctu per quietem ſeipſos imi-
tari & ridere aliquando animadu-
tunt: Namque tum fortāſſis verè nō
dormiunt illi, ſed vigilantes (vt ita
dicam) ſomniant: *ſieri enim poteſt* (ait
ibid. Ariſt. *vt ſi horum alterum, vigila-
re & dormire, non ſimpliciter adeſt, al-*

rerum quodammodo adsit, in quorum
 nullo somnium vocari debet: si quidem
 ibi somnium non est, ubi simpliciter non
 est somnus. Et hoc quidem cum
 ὁρίτω τελέω concludo pueros insom-
 niis vix turbari ante quartum ætatis
 annum.

RESVMPTA XII.

*An locus seu focus periodicos febrium
 motus efficiat?*

Hanc quæstionem paulò fusiùs agi-
 tauì quàm tempus videretur postulare,
 quin etiam adductis & solutis difficulta-
 tibus nunc auxi, vt theseos à me postre-
 mò propositæ consilium omne aperirem
 & rationes exponerem.

Porro præfationis huiusce occasio na-
 ta est ex inductâ in propositâ thesi allego-
 riâ pene perpetuâ libidinantis materiæ
 primæ & congregientium elementorum,
 ex quorum diuortio non nisi spurî par-

tus oriantur, putâ corruptiones, morbi, ac
subinde febres, de quibus ex professo
agebatur, cùm quæreretur, an febrium
medela refrigeratio?

TANDEM aliquando (Erudite
Fradæ) exhaustis totius bien-
nij laboribus, & emensis viæ sale-
brofæ sentibúsque obsitæ ambagi-
bus, finem attigimus, in quo nedum
irriguos ad refrigerium fontes &
ante tempus rosas, sed & luxurian-
tis naturæ delicias cernimus, atque
coeuntium elementorum nuptias
te paranymphe & auspice celebra-
mus,

*O Hymenæe vocatus ades & pro-
nuba Iuno.*

*| I. Cæsar
epit., Do-
mitianus
pene anti-
quatam
reuocauit,
vterque
mæchus
Iuuenal.
Satyr. 2.

Valeat pro Zelotypis quantum
potest lex Iulia, iam dudum ab ipsis
legislatoribus violata; * hîc certè na-
turalis vincit, quippe quâ multis
vnius sinus sufficit, & obuiis quibus-

que substernitur vna eadēq; materia prima, cuius appetitus velut alterius Messalinæ numquam satiat: Illa scilicet formam appetit vt fœmina marem ex sententia Aristotelis: quemadmodum enim fœmina apud eundem in patiendi sortem tantum nata est, quæ proinde marem velut actum suum auidè expetit; sic & materia formam. Cui sane ita connata est ista ἐφεσις seu libido, vt nullus meminerit illam fuisse virginem, aut viduam viderit; Cùmque pluribus simul frui non possit, continuo nouitatis amore impotētiam solatur, & multiplici formarum successionē nobilitatur. Eadem lege apud quasdam gentes, quas noster fastus barbaras vocat, pluris æstimantur puellæ quæ plures admiserint, ita quidem vt eis dos sit maxima muliebris patientia. O quàm inani persuasione mores nostri na-

De Messalina
idem Satyr. 6.

Cap. ult.
1. Physic.

De his vidēdus Michael Mōtius cap. de consuetudine.

turam, quàm illæ ducem sequuntur,
corrigunt! Quàm infœlici euentu!
Heu quoties arcani virginû ignes,
tabescentes macerant, & dum timi-
dis votis sponsus expectatur, confi-
ciunt? Quoties tyrannicus ille pu-
dor pro rubore pallorem fœdôsque
colores inducit, & roseum faciei co-
lorem vertit in plumbeum & cada-
uerosum? Quoties tacitâ libidine in-
candescens iecur & exæstuentes lû-
bi obstinatas in furorem agunt; aut
strâgulatus vterus incautas conuel-
lit & exanimat? *ἐκστατικός*, vocet qui
voluerit: certe vuluæ raptus est non
animæ; cui tædæ funebres apparâdæ
si conjugales differâtur. Ita sane ca-
stus nostri frustra naturâ expellunt
semper recurrentem. At ego quò tã-
dem excurro? aut cur à ianuâ aber-
ro? Ludo quasi otiosus, cùm tamen
fatius sit motum rerum omnium ad
centrum nos hîc imitari, quippe

qui vires acquirens eundo in fine maximus est, minimèque languidus. Quare mecum hoc age, docte Baccal. túque Præses sapientiss. serio iam dicentem patienter audi, & ad finem contendentem singulari tuâ beneuolentiâ fac alacriorem.

Habes 4. coroll. locum periodicos febrium motus minimè facere. Quam propositionem vel falsam esse vel absurdam sic ostendo. Vel enim negas locum hos motus efficere simpliciter, vel etiam secundum quid. Prius absurdum est, siquidem ea thesis in quæstionem reuocari non debet, quæ dubio caret, quæque pœna magis aut sensu quàm ratione indiget, ex Arist. cap. ii. lib. i. Topic. Sed nullus, opinor, qui vel philosophiam à limine salutarit, ne suspicabitur quidem focum seu locum in quo materia febrilis generatur aut colligitur ac demum incen-

ditur, febrium circuitus simpliciter
efficere: Quis enim ignorat locum,
cū sit quantitas seu superficies
intima corporis ambientis, posse
nihil agere? frustra igitur est thesis
quæ locum hos motus simpliciter
efficere negat. Posterius verò falsum
est ni. quod locus non sit causa
cur talis fiat motus seu hoc ordine
fiat. Quod etsi abundè confirmare
possem dissidentium opinionum ac
præsertim tuæ infirmatione, præstat
tamen directa demonstratione rem
conficere. Pono cum Galeno in fe-
bribus periodicis nouum fieri afflu-
xum materiæ quæ nouum paroxys-
mum reducat febrēque interpo-
let, neque enim febris filet nisi ab-
sūpto pabulo, repetitue ni aliud de-
nuo suggeratur quod illam accen-
dat. Quare in primis attēdendū vn-
denam fiat nouus eiusmodi materiæ
appulsus. Mirum profecto est in

quæstione tot seculis sudatâ tam
 paucos huc aduertisse. Obuia præ-
 tercunt plerique vt cælum accusent
 & remotissima quæque causentur:
 Alij veluti desperatione impulsî
 ignorantiam fatentur & magno co-
 natu nihil dicunt: alij denique hu-
 moris quantitatem, alij qualitatem,
 alij motum adducentes, difficultatē,
 magis inuoluunt quàm euoluunt,
 vel certè intricatam non extricant.
 Primus & postremus Franciscus
 Perrellus abstrusæ atque reconditæ
 eruditionis Medicus Hippocratem
 & Galenum duces sequutus rem acu
 vel potius stylo tetigit tanta fœlici-
 tate vt peruersi sit aut maleuoli iu-
 dicij qui illi non applaudat. Is igitur
 in aureo libello quem de febribus
 intermittētibus inscripsit & edidit,
 iuxta catholicum diuini senis theo-
 rema * τὰ μὴ κατὰ τὴν σωματίων, ὀχέουσις πρὸς
 αὐτὴν ὁρμήτης, μάλλον βλάψις, ab alimen-

F. Perrel-
 lus propo-
 sitæ sen-
 tentiæ pro
 auctor.

* Apho. 10.
 sect. 2. idē
 repetit a-
 phor. 65.
 sect. 7. vt
 & lib. de
 prisca me-
 dicina,
 τῇ μὲν ἰσχυ-
 ρότητι πρὸς
 αὐξήσεις,
 τῇ δὲ σπι-
 ματι φθί-
 νος, ὁρμήτης
 ὑπερβολὴ

to quod quotidie ingeritur excrementum hoc, confessam febrilium recursuum causam, repetit & arcessit, quod pro varia *dispositione & situ* partium alimentum excipientium, hoc vel illo circuitu generatur, colligitur, putret & mouetur. Galenus quidem solius dispositionis meminit cap. 17. lib. 2. de different. feb. ad quam pertinent ἀσθένεια, καὶ τὰ ἐγκαταλελειμμένα τῷ μολίῳ σηπεδονώδει πρὸς τὴν ματα, vnde fit vt alimentum illuc appellens faceßat in excrementū partis vitio & naturæ respondens. Perrellus præterea situm meritò addidit, atque, vt certam talis recursus causam, obseruauit successionem partium in alimento excipiendo, ac præsertim ventriculi, hepatis, & lienis, qui sunt proprij periodicarum febrium foci, attestante Galeno primo ad Glauc. cap. 5. vbi expressis verbis ait τὴν ἀμφοτέρωθεν, ὅδε χωρὶς τῆς

Ἰσχύος τῆς γαστρὸς πεπονθέναι, σπινθίσασθαι,
καθ' ὅσον τοὺς τεταρτάτους πρὸς σπινθίσασθαι καὶ
πρὸς γαστρί, τοὺς δὲ πειταίους πρὸς ἡπατι.

Ex quibus tandem veram & proxi-
ximam periodicorum in febribus
circuituum causam non minùs ac-
curatè quàm doctè deducit, quam
& Hippocrates & Galenus veluti
digito indicarunt, ille 4. de morbis,
hic lib. 2. de diff. feb. capitibus po-
stremis: Cui consentit & subductus
horarum intercalarium calculus. Au-
di Hippocratem de alternis febrium
cōuersionibus differentē lib. lauda-
to: μέγιστόν τὸ πῦρ ἐν τῇσι πρὸς σπινθίσασθαι καὶ τὸ
δὲ, ὅτι ἐν τῇσιν ὅσοις τῇσι ἡμερέων ἔλκει
τὸ σῶμα ἀπὸ τῆς κοιλίης, ἐν δὲ τῇσι πρὸς σπινθίσασθαι
ἀφίει, ἢ δὲ κοιλίην διηδέει ἔξω ὅσον ὑγίει, κατ'
ἀνάγκην τοῖσι δὲ αἱ νοῦσοι κρίνονται ἐν τῇσι
πρὸς σπινθίσασθαι τῇσι ἡμερέων. Quasi diceret,
eorum quæ sunt in morbis omniū
ratio, formæque aliqua pendet sem-
per ab eo, quod certo in sanis nun-

Q

quam non fit ordine, puta alimenti alteratione & distributione, cuius statuta tempora ibid. explicat & definit. Audi & Galenum præceptoris subscribentem cap. 14. lib. allegati, ubi plurimis mirabilem periodorum causam in genere sic aperit. *Quemadmodum igitur si quis videret quantum quotidie excernitur, ignoraret autem causam egestionis, (vid. ingestione) miraretur ordinem. Pari modo & qui ignorat quæ partes excrementum iecinori transmittant, miratur proportionem excitatarum ex iecore febrium, &c.* Postea verò cap. 16. exponit quomodo excrementum illud generetur ex alimento. *Subijciatur, inquit, facultas partis robusta, tempore verò interveniente eisdem in partibus, quæ prius transmiserant, collecta esse excrementa paria quantitate & qualitate ijs quæ initio transmiserāt: hoc verò accidit in ijs in quibus dispositio mittentium, & attra-*

Eti ad ipsas alimenti quantitas & qualitas eadem permanet. Necesse enim est æquale ac simile quod ab eadē alteratur facultate, æqualia ac similia facere excrementa. Quin etiam tempus collectionis eorum necessario æquale erit. Partes enim quæ aluntur quoad similem habuerint constitutionem, ab eodem nutritæ alimento, æqualia quantitate & similia qualitate, atque eodem temporis tractu, κατὰ τὸ αὐτὸν τὸ χρόνον ἀπορρίπτει, colligent excrementa. Quin etiam eadem circuitione incitabuntur ad expellenda ea atque mittenda debilioribus. Hactenus Galenus, qui cū prius egisset de dispositione partium fluxiones recipientium, hīc transit ad mittentes quæ statis periodis excrementa suppeditant ex alimento appellente. Ex cuius mente obseruamus locum intelligi vel de parte generante & mittente excremen-

Q ij

tum, vel de recipiente: Et ratione mittentis febrium typos inter se potissimum distinguere, licet sæpius contingat ut eadem quæ mittit, recipiat, vel certè partes huic circumfusæ: Sic ventriculus in quotidiana pituitam, quam multam generat, inhibi aut in partem quampiam vicinam ceu mineram deponit, ubi illa fermentatur, mouetur, atque tandem accenditur. Hæc enim necessario sese consequuntur generatio, collectio, putredo, motus, quo potissimum hæc febres distinguuntur à symptomaticis, in quibus materia impacta & immota phlegmonem systrophicam ac subinde febrem excitat. Iam verò quod maximè est demonstrandum intermissionis tempus in unaquaque typicam febrem exactam, si conferatur cum tempore quo partes publicæ alimentum excipiunt ac conficiunt, mirum quantum inter v-

trumque conuenit, ita quidē vt præcipua causa interrupti in eiusmodi febribus ordinis & ἀταξίας, sit error in victu, vt passim docet Gal. præfertim com. 3. in part. 7. lib. 1. Epid. Atque ne quis de hac veritate dubitet, sigillatim temporum rationem ponam. Quotidiana exacta ferias statiuas habet (quamquam non omnino ἀπυρέτους) septem octoue horarum æquinoctialium, quo temporis interuallo ventriculus, propria istius febris sedes, sumptum cibum alterat & subigit, atque tandem inuistâ labe inficit. Tertianæ purior ἀπυρέξια triplo diuturnior est, ac quartanæ quadruplo, propter longos viarum anfractus, quibus fit vt tardè & non nisi postero die alimentum hepatis cauis succedat, quod liquidò patebit ijs qui laudatam suprâ Hippocratis librum consulent; ac subinde tardiùs adhuc ad

Q iij

lienem remotissimū appellat. Quod si cui tamen longior harum febriū intermissio præscriptum digestionis alimenti & alterationis tempus videatur excedere: attendat succenturiatum humorem in iis quàm in quotidianâ lentiùs putrescere, tum ratione sui ipsius, tum ratione foci in quo pauciores supersunt antecedentis incendij reliquæ: Ita tamen vt absolutè negemus humorem qui febrem committit, periodi quoque esse causam. Ille quidem causa est existentiae febris, non essentiae specificæ: ni. quòd talis sit febris vel quotidiana, vel tertiana, vel quartana, hoc non tam ab humore pendet, qui vnicuique typo proprius est, quàm à parte humorem generante, pura ventriculo pituitam, iecinore bilem flauam, liene nigrâ, quomodo iam declarauimus. Hinc igitur accessionum typus cer-

iii 9

tò repetendus. Earumdem verò durationem longiorem vel breuiorem, vehementiam intensiorem aut remissiorem, & anticipationem aut postpositionem, soli humoris copiae & conditioni cum Galeno tribuimus. Sed vt ad typos redeam, illi qui in continuis febribus per ratas exacerbationes pariter obseruantur, hinc etiam facile intelligentur, si perspexerimus qua in re differant continuæ seu *συνεχέαις* ab intermit- tentibus. Fernelius, de quo ambigo Gallicusne sit Galenus potius an Romanus dicendus, præ cæteris appositè discrimen apposuit, ni. quòd illarum sedes sit in vasis maioribus, seu vt ipse loquitur, in secunda corporis regione, harum verò in prima & extra vasa maiora: ac proinde in illis nullus præcedat rigor, nullus horror, quæ harum signa sunt inseparabilia & *ἰσχυροτάται* propriæ.

Q. iij

Quæ distinctio intermittentium à continuis penes locum omnino intelligenda est ratione recipientis, cum alioquin mittentium in vtrisque eadem sit ratio. Namque si vasa maiora hunc vel illum humorem excandescentem & velut orgasmo quodam illuc irrupentem recipient, fit continua, tertiana quidem hepate malè affecto & mittente, quartana liene, quotidiana ventriculo; ita ut harum remissio & exacerbatio respondeat aliarum intermissione atque accessioni.

Atque hanc esse germanam periodicorum paroxysmorum causam, ego eruditis Perrelli patris scriptis, & familiari consultissimi filij voce doctus atque institutus, cumulatè probasse videor & demonstrasse. Quæ sanè opinio doctis & in arte medica consummatis viris clariss. huius scholæ Medicis sic arrisit, publicâ à

nobis de ea nuper propositâ thesi & in hisce subsellijs ipsiusmet Perrelli filij auspicijs agitatâ, vt nunc satis mirari non possim quo consilio tu eandem tam præcipiti censurâ exploseris. Mouit te fortasse Sanctorii medici ac philosophi celeberrimi auctoritas, qui lib. 5. *methodi vitandorum errorum* cap. 5. istam sententiam ex parte damnat. Ille tamen eandem vt ad veritatem propius accedentem laudat, & quam emendat, commendat. Sed si liceat à malè consulto Philippo ad meliùs consultum prouocare; Sanctorius, opinor, quo est animi candore Perrellum mutato iudicio impositi erroris absoluet. Distantiam viscerum nutritiorum à corde constituit causam periodicationis, vt loquitur, nos ab ore ventriculi, neque tamen inde sequitur febrem esse affectum oris ventriculi, vt obijcit; Distantia enim

viscerū vnde vnde mensuretur nihil
facit ad febrem, sed tātūm ad circui-
tum cuius causam inuestigamus. Ne-
que verò dicimus febrem originem
ducere ab ore ventriculi, sed potius
intermissionis tempus ab eo aestima-
ri: neque supponimus non fieri v.g.
tertianam nisi humor peccans sit in
ipso iecore vt opponit, cuius con-
trarium ex suprā dictis satis patet.
Porro non est credibile febres pro-
pter interpositum focorum à corde
spatium tamdiu otari: neque sic ne
probabilis quidem diuersorum cir-
cuituum ratio reddi potest, si quidē
ventriculi, hepatis, & lienis, pene æ-
quale est à corde diuortium, nisi for-
san ventriculi minus. Quæ omnia
Sanctorij præiudicium arguunt, nec
satis æquā lance ab eo examinatam
Perrelli causam. Quare ego (Erud.
R.) ne tibi mihiq̃ hac in parte de-
essem, paulò prolixiori sermone sum

vsus, si tempus & locum spectes; quamquam compendioſo, si rem & quæſtionem. Sed rursus age, quando ſupremum hoc reſtat viæ iter, neque nos iterũ reſtituet ſimul dies craſtina, diutius iſtheſc lubet immorari. Nolo diſſimulare quæ hac in ſententia occurrunt incommoda, quæ tamen illa præ cæteris pauciſſima habet, quæque facili negotio occupari poſſunt & remoueri.

Primum eſt continuum & quotidianum videri alimenti ad hepar & lienem affluxum, quia ſaltem ſemel in die cibus ingeritur: quod ſi fit, non valet ratio allata, cur tertianâ & quartanâ tentati quotidie non febri- citent. Nam ſi heſternus cibus v.g. cauſa eſt craſtini paroxyſmi, certè hodiernus cauſa erit alterius in per- endinum diem futuri, & ſic deinceps quotidie recurret tertiana. Idẽ de quartana dici poſteſt. Reſpon-

deco, etiamsi in sanis continuus videatur eiusmodi alimenti ad hepar appulsus, rem tamen in ægris necessarium aliter se habere, si quidem ἐν τοῖσι πρὸξυσμοῖσιν ὑποτέλλεσθαι χρεὶ· τὸ παρσιθέναι γὰρ βλάβη. καὶ οὐκ οὐσα καὶ παρσιθέναι πρὸξυσμῶν, ἐν τοῖσι πρὸξυσμοῖσιν ὑποτέλλεσθαι χρεὶ. Deinde verò in ipsis paroxysmis totum id quod est in via quòdque nondum focus successisse potuit, tum febris incendio dissipatur, tum vomitionibus, alui deiectionibus & sudoribus, foras amandatur, cuiusmodi in accessionum principijs & sine frequentes contingunt vacuationes. Vnde exhaustæ ab unoquoque paroxysmo partes & primæ regionis viæ remanent, quæ denuo ab assumpto alimento implentur ea successione quam exposui. Sed ex hac solutione sequitur aliud incommodum, n. quòd sic eiusmodi febres solo Thessalorum ἀγτεῖται profli-

garentur & præscriptâ tantùm incendiâ certò curarentur. Quod tamen experientiæ repugnat. Respondeo non sequi, primò quia denegato omnino alimèto vires prosternerentur, in quibus præcipua sanitatis recuperandæ ratio posita est. Secundò quia sic partium empyreuma & intemperies augeretur, quibus potissimum prospiciendum est. Quia denique tum partes vnde vnde attrahentes malum malo cumularent. Certum tamen est exactam diætam in istis maximè ad curationem conferre, càmque neglectam aut confusam esse diuturnitatis & ἀταξίας causam. Tertium incommodum etiam ex solutione primi resultat, ni. quomodo sic fieri possit aut intelligi ὁπιπλοκή harum febrium quæ implicantur inter sese siue eiusdem speciei siue diuersæ, puta tertiana cum quotidiana, aut tertiana cum tertiana. Nam si

in vnaquaque accessione vacuatur
& consumitur omnis materia etiam
que nondū partis vitio inquinata ad-
huc affluit; quo modo, inquā, serua-
to eodem tēporis tractu fiet duplex
febris v.g. tertiana, ita vt primus pa-
roxysmus respondeat tertio, secun-
dus quarto, tertius quinto, & sic de-
inceps? Respondeo ideò has febres
geminari quòd accedens ad multi-
plicem focum materia, in vnoquo-
que paroxysmo tota non exhausta-
tur, sed ea tantū quæ parata est &
incendio proxima: quod inde ac-
cidit, quia in his febribus imbecil-
lior natura remotiorem adhuc hu-
morem nequit excutere. Est enim in
iis intemperies partium maior, qua-
rum non vna est in vitio sed plures,
mittentes quidem, vbi sunt diuersæ
speciei febres implicitæ, vt in tertia-
nâ quotidianæ permixtâ ac confusâ,
ventriculus & hepar: vbi verò eiuf-

dem sunt speciei v.g. duplex terti-
na, deriuata ab eodem fonte mate-
ria, puta hepate tum pessimè affecto,
in duplici foco alternatim excipi-
tur: sic vt hesternus v.g. cibus ab he-
pate alteratus ad hunc vel illum fo-
cum appellens causa sit crastini pa-
roxyismi, & hodiernus ab eodem he-
pate confectus & infectus, in alium,
non tamen longè remotum focum,
expulsus vel attractus, causa sit po-
stridiani, & sic deinceps.

Sed iam tempus est optato fine
frui, & ad amœnos tuæ theseos fon-
tes tandem acquiescere: hîc ego su-
dorem abstergere, puluerem excu-
tere, & de via lassus respirare quid
cesso? vos etiam

*Claudite iam riuos socij, sat prata bi-
berunt.*

Finis partis secundæ.

PRÆMONVI in epistolâ ad medicinæ Cādidatum, in singulis quodlibetariis actibus Baccalaureorum vnumquēque, postquam subscripti in thesi Doctores tribus aut quatuor horis aduersus propugnantem Baccalaureum disputarunt, debere de propositâ qualibet quæstione ad thesim quoquo modo pertinente ex tempore respondere, expositamque sententiam pariter propugnare: Ita vt tot fuerint eiusmodi difficultates superandę, quot sunt Resumptę dictę. Harum vnā aut alteram hīc subiicere libuit, non tam ad rei ostentationem quā ad exemplum: quamquam & hoc meritissimō gloriari possumus non vulgare illud esse artis tyrocinium, toties ad quamlibet propositam quæstionem paratissimē respondisse. Hīc certē Abelardus ipse metuisset, & forsan obmutuisset ad plurima quę *dicēda* in subfelliis quotidie proponuntur. Optarem vt experiretur quisquis leue censeret onus. Sed ne lectorem meum pluribus mōrer, id ipsum, vt fieri consuevit, apposis exemplis nunc intelligat. Esto itaque disputantium Doctorum aliquis qui me, pro more, sic interroget.

DICES

DICES DOMINE

BACCALAVREE:

Quinam sint Chaldaeorum Climacterici, & an sint metuendi?

QUÆRIT à me sapientissimus præceptor, *quinam sint Chaldaeorum climacterici, & an sint metuendi?*

Varia ij anni fortiti sunt nomina; dicuntur enim climacterici, hebdomatici, genethiliaci, natalitij, critici, &c. A. Gellius cap. 10. lib. 3. noct. Atticar. arbitratur hos annos dici climactericos, propter pericula quæ Chaldæi *climacteras* appellāt, & septimo quoque anno hominibus imminent. Alij à nomine Græco κλίμαξ deducunt, quasi scalares & gradarij; quam etymologiam ref.

R

spiciens Plinius cap. 49. lib. 7. *homines scansili annorum lege occiduos dixit.* Sed unde unde dicantur, ij intelliguntur in quibus insignis contingit ætatis temperamentique mutatio, cuiusmodi notantur omnes septenarii à Censorino lib. *de die natali*, ipsoque Hippocrate qui non vno loco ait vitam hominis septenariis moderari: propriè tamen ii putantur climacterici qui à 49. anno numerantur, quòd tum sensibilis fiat virium imminutio & inclinatio, ad eò vt Autumnus vitæ humanæ merito videatur. Horum veritatem multorum clades attestatur. Sed de causa non constat. Astrologi eandem dicunt esse rationem hominis in vtero latentis, & in lucem editi: ex quo probant quòd quemadmodum foetus in vtero regitur à septem planetis qui septem primis gestationis mensibus præfunt; ita & post or-

tum ab iisdem regatur, non quidem per mensium septenarios, sed annorum: verum ista sententia omnia ponit, nulla probat. Alij ex comparatione dierum criticorum cum annis climactericis, & Lunę cum Saturno, eorum causam astruunt, dicuntque ex Ptolemæo Saturnum in generalibus annorum decretis idem momentum habere, quod Luna in diebus, cum ille non minus fere spatiū proprio motu vno anno conficiat, quantum hæc vno die: quemadmodum igitur ipsa septimo quoque die in locis quadratis posita dies criticos efficit, ita & ille septimo quoque anno annos climactericos. Quæ sane ratio aliqua esse potest, si stet Galeni doctrina de diebus decretoriis. Sed cum

*Nil agat exemplum quod litem litem
resolvit:*

Nobis aliud iaciendum est funda-

R ij

mentum, & cum philosophis ac medicis statuendum in primis naturam sapientissimam, quæ Dei veluti manus est, nec casu nec temerè, sed certo ordine suas edere functiones, cuius vires in agendo & resistendo, certis terminis contineantur & mensurentur. Ita Aristot. lib. 3. de generat. animal. cap. 10. vbi ait, *quod secundum naturam est, ordinem semper habet.* Et 8. Physic. text. 15. *natura est causa ordinis, nihil enim inordinatum est eorum quæ naturâ & secundum naturam fiunt.* Ita etiam Galenus passim, maximè cap. 2. lib. 2. de diebus critic. his luculentissimis verbis. *Quanta est natura prouidentia, quantus ordo & ornatus in motionibus suis, animalium generationes, ortus & incrementa indicant si quidem cuiusque animantis conceptui suum statutum est tempus, naturâ scil. semper ordinatos motus seruante. Post ortum etiam animantia singula cre-*

scunt, perficiuntur, atque declinant, id-
 que præfinitis temporibus. Est enim na-
 tura in nobis quædam res ordinata, quæ
 quidem ubi superauit materiam, propor-
 tionibus quibusdam certis ordinatisque
 periodis suas motiones perficit. Hæte-
 nus ille, Igitur natura principium est
 & causa ordinis quem constantissi-
 mē seruat, non Saturnus, non Luna,
 aut quælibet alia causa externa: ne-
 que verò quicquam agit numerus,
 sed per numerum natura si non im-
 pediatur. Quod autem illa septena-
 rium potius sibi delegerit ad suos
 motus definiendos, cumque ut om-
 nium perfectissimum sibi præscri-
 pserit, docet Hipp. lib. de septime-
 stri partu & de principijs*; Galenus
 de diebus decret. alijque quotquot
 sunt elegantiores physiologi, adeo-
 que ipsa omnium magistra experiē-
 tia. Atque ut ad rem veniamus, cum
 vita hominis septem sit ætatum, ο δὲ αἰών

* Eiusdem
 perit liber
 de septima-
 nis cuius
 mentio-
 nem facit
 Gal. com.
 s. in text. s.
 lib. 6. epid.

R iij

ἐστὶ τὸ αἰ. Ἰππώπου ἐπὶ τῇ ἀνέμερσι, vt exponit
 eruditiss. Talentonius cap. 2. lib. 4.
reconditarum rerum, qui ἡμέραν ex Bu-
 dæo ætatem seu ætatis tempus inter-
 pretatur: cūmque natura per anno-
 rum septenarios, in quibus maximè
 mouet, ipsas etiam ætates determi-
 net, ex Iulio Polluce cap. 1. lib. 2.
 Philone Hebræo in libro *de mundi*
opificio, & suprà laudato Censorino:
 quid mirum si tūm maximè pericli-
 tetur homo? si quidem ætas nihil a-
 liud est quàm insignis atque (vt lo-
 quitur Arist.) in contrarium sponte
 facta temperamenti mutatio: quòd
 si natura externas ægrè ferat, quan-
 tò magis internas? præsertim vbi ille
 priorum ætatum vigor iam remis-
 sus est. Omnium verò periculosissi-
 mus est annus 63. quòd ille finis sit
 crudæ viridisque senectæ, & princi-
 pium effcetæ. Deinde cūm ex Arist.
 lib. de respir. in genere tres sint vitæ

partes ni. augmentum, consistentia
 in quâ videl. nulla sit sensibilis mu-
 ratio, & decrementum; cûmque au-
 gmentum tribus primis annorum
 septimanis finiatur, consistens ætas
 tribus sequentibus, decrementum
 postremis: hinc fit vt 63. annus de-
 crementi terminus sit respondens
 incrementi principio, ac proinde
 maximè metuendus. vnde non abs-
 re D. Augustus apud Agellium cap.
 7. lib. 15. ad Caium nepotem suum
 scribens sibi gratulari cupit quòd
 eum annum euaserit, eius verba hæc
 sunt melle suauiora, *Aue mi Cai,*
meus ocellus iucundissimus, quem sem-
per medius fidius desidero, cûm à me
abes: sed præcipuè diebus talibus qualis
est hodiernus, oculi mei requirunt meum
Caium; quem vbicumque hoc die fui-
sti, spero latum & beneualentem cele-
brasse quartum & sexagesimum nata-
lem meum: nam vt vides κλιμακτηρεα

*communem seniorum omnium, tertium
& sexagesimum annum euasimus. Et
hæc, vt opinor, satis pro temporis
angustiis ostendunt quinam sint cli-
maacterici, vtque nō vana sit eorum
persuasio & anilis metus, quorum
quippe periculum imminet ab in-
trinsecâ eâque necessariâ tempera-
menti mutatione: Ita tamen vt non
omnes eadem calamitas vrgeat, sed
alij facilius alij ægrius eiusmodi mu-
tationes ferant, prout varia est sin-
gulorum natura.*

DICES DOMINE
BACCALAVREE.

*An mulier sit solum animal menstruale,
Lunare, & cur?*

QUÆRIT à me sapientiss. præceptor, *an mulier sit solum animal menstruale, Lunare, & cur?*

Huic assertioni refragari videtur Arist. cap. 18. lib. 6. de hist. animal. Vel. 17. secundum Scalig. ubi de quadrupedibus viuiparis verba faciens ait, *menstruorum quoque purgationes eueniunt his animalibus, sed nulli æquè ac mulieri.* Et paulò post bobus & equabus menstrua tribuit. Verùm doctissimus æquè ac subtilissimus Cæsar Scaliger in eum locum rectè admonet dici *καταμύδια* æquiuocè: cùm nulli animalium eueniant tantæ & tales purgationes,

quantæ & quales mulieri: non tantæ quia si quid emittunt alia animalia, pauxillulum illud est: non tales *Ἀλλὰ τὸν χαλεπὸν ἐστὶ τὴν καὶ τοῦ αἵματος ἀειδίδοι;* nulli enim singulis mensibus ut mulieri profluunt, sed ex longioribus interuallis ut bobus & equabus septimâ quaque hebdomade: hinc Arist. ait, *equam bouemque concepisse deprehendunt, cum altero iam mense, aut quarto, aut sexto, menstrua deficere animadvertunt*: non verò dixit primo mense aut secundo, seu singulis mensibus, ut ibid. notat Scaliger. Vnde satis patet menstrua *ὁμοιόμορος* tantum ibi esse accipienda, ac proinde ea soli mulieri (non tamen omni) competere. Mulabus quidem, si periodum spectes, menstrua sunt; si humoris concretionem & exitum, non sunt: neque enim cruenta excernunt, sed urinam quãdam crassiorem. Quod autem Arist.

dicat initio cap. 2. lib. sequentis, paucis mulieribus euenire vt quot mensibus purgentur, sed tertio quoque plurimis; id meritò falsum notatur ab eodem numquam satis laudato Scaligero, nisi fortè Græcis mulieribus hoc contingat. Porro huius in mulieribus frequentioris & largioris fluxus causas adducit Arist. cap. 2. lib. eiusdem, ni. quòd eiusmodi materia in aliis animalibus absumatur, vel in corpus, vel in squammas, vel in pennas, vel in pilos, vel in vrinas quas crassas & copiosas profundunt: vel denique quòd maiore motu & corporis agitatione dissipetur. Omnes autem hæ causæ non sufficiunt Scaligero; neque enim rationem reddunt cur potius menstruetur fœmina quàm mas. Quare nos cum ipso dicimus menstruorum rationem à quantitate sanguinis omni-

no esse repetendam, adeoque mul-
lieri & frequētius & copiosius flue-
re, quia omnium homo est maximè
sanguineus: atque hanc esse ratio-
nem euentus menstruorum à for-
ma hominis quæ tantam materiam
exigit. Causa autem finalis distin-
xit mulierem à viro: quoniam vir
ijs opus non habebat, ad alendum
fœtum quem non esset gestaturus.
Itaque datus est viro à naturâ ca-
lor vegetior qui sanguinem perco-
queret, reducerétque in spiritus
plurimos ad intellectionem: fœ-
minis verò minor ac debilior non
conuertit tantum sanguinis in spi-
ritus, qui proinde redundans, in
menstrua abit alendo fœtui dicata:
vnde & intellectu minùs valent fœ-
minæ quàm viri; & cerebrum pau-
cius caputque angustius obtinent;
contractiorem denique thoracem

propter minorem in superioribus illis partibus caloris ἐκλαμψι: inferiores contra habent vastiores & crassiores præ copiâ crudioris sanguinis ima semper petentis. Et hæc, vt opinor, vera est causa cur fœminis tantum fluant menstrua, & cur largius ac frequentius hominibus quàm cæteris animalibus. Sed cur non quotidie fluunt quemadmodum alia excrementa? hîc iterum ad singularem naturæ providentiam, causamque finalem recurrendum est. Quod autem singulis potius mensibus quàm hebdomadis aut alio definito tempore id contingat, causam referimus in Lunam cum Arist. hîc & 2. ac 4. de generat. animal. nimirum quia Lunæ motu & lumine maxime mutatur aër, & humor hic inferior paret ei, vt longâ inductio-

Sic maria
cum intum-
escant
calore Lu-
næ in ple-
nilunijs,
eodem ces-
sante quasi
sponte de-
tumescent.

ne probari facile posset. Quare hu-
mor in muliere qui cum Lunâ cre-
uit, ubi à calore naturali euinci non
potest, post aliquot dierum pu-
gnam, videl. decresciente Lunâ, ex-
pellitur; neque tum Luna defecta
lumine potest fouere quam aluit
humoris copiam. Idcirco ultimâ
Lunæ quadrâ ex sua natura redit
fluxus muliebris, nisi aliunde im-
pediatur. Cur autem mulieres fre-
quentiùs aberrant; in causa sunt,
præter alia impedimenta, tempo-
ra partuum: Namque si contin-
git ut puerpera in plenilunio pur-
gari desierit, altero plenilunio re-
petet fluxus præter consuetum na-
turæ ordinem, qui ideò ex viduis
potissimum spectandus est, quas
constat decresciente Lunâ plerum-
que purgari. Ex quibus patet
quâ ratione Luna mulierum men-

ANNVS ALTER. 271

strua promoueat singulis mensi-
bus, quámque rectè mulier dica-
tur solum animal menstruale, Lu-
nare, & cur.

HI S alterius anni quodlibetarijs
actibus successerunt reliqui Car-
dinalitij à Cincralibus ad festum Pas-
chatis celebrati.

[Faint, illegible handwritten text]

Emenso

E Menso superioris biennij studio, tandem ex subsellijs emerſimus, nosque ſtitimus in ſcholis ſuperioribus coram Doct̃oribus à Dom. Decano ſpeciatim ideò conuocatis, à quibus petijmus vt ad examen particulare admitteremur. Illi itaque communibus ſuffragijs nos ad hoc poſtremum de praxi medendique methodo examen admiſerunt, quod deinde in priuatis ſingulorum Doct̃orum ædibus pro more ſubiuiſus.

Conuocatis iterum Doct̃oribus poſtquã examẽ illud particulare ſubiuiſus, communibus eorũdem ſuffragiis admiſſi ſumus ad Licentiarum gradum; ac ſubinde interiectis aliquot diebus, ductore & quaſi fideiuſſore digniſſimo Scholæ Decano, apud ampliſſimum Vniuerſitatis Cancellarium nos ſtitimus, vt eos ipſe recognoſceret, quos ad hunc grãdum eſſet promoturus ſuãque benediçtione fœlicitaturus. Ille igitur habitã graui oratione de artis dignitate quam profiteri vellemus, nobiſque pro exantlatis laboribus gratulatus, Paranymp̃um promiſit miſſurum ſeſe ad nos propediem, qui & me-

S

ritis laudibus ac elogiis emeritos Baccalaureos condecoraret, & diem denunciaret quo tandem Licentię gradum suo beneficio atque munere susciperemus. Neque certę promissis defuit. Disertissimū enim Oratorē designavit qui utrūque paulò post cumulatę præstitit. Interim nos ad hanc Paranymp̃hi solennitatem pro more decuriatim inuitauimus supremum Senatum, cæterósque amplissimos Urbis Ordines; & cū plures essemus, hæc officia inter nos diuisimus. Vnde ego duas tantū habui eiusmodi orationes inuitatorias, vnā apud supremos rerum capitalium Iudices, quorum decuria vulgò *Turricula* vocatur, in quā tum infultus Pręses sedebat Illustrissimus vir D. *Le Baillet* qui nos pari oris maiestate & humanitate excepit: Alterā apud Basilicanos alterius decurię Recuperatores, quę *secunda Requestarum* appellari solet, cuius primus Pręses amplissimus vir D. *Vialar* nos pariter humanissimē admisit. Vtrasque hīc typis mandare non dubitavi publicęque luci tradere, quę tantam essent iam expertæ.



ORATIVNCVLA PRO
inuitatione Paranympbi
Medici.

Apud supremos rerum capitalium Iudices in Parisiensi Senatu dicta die 25. mensis Maij anno Domini 1630, qui est tertius nostri stadij.



EREO R equidem (Præfides sanctissimi, Senatores integerrimi) ne sese nimium exerentis audaciæ videatur interpellare curas vestras publicis rebus intentas & pro salute communi excubantes. Cuius enim oris putabitur ex supremo hoc tribunali in quo armata sedet Themis, & Dei vice mortalium crimina vindicatis, ad infima scholarum subsellia euocare? Nam vt ad Di-

S ij

uos religiosè, sic ad principes viros
timidè decet accedere, ne improbè
rogare potiùs, quàm piè colere vi-
dearis. Sed dum cogito quantâ bene-
uolentiâ consultissimum Parisien-
sium Medicorum ordinem fouea-
tis, quantoque studio illius alum-
nos promoueatis, impositum mihi
hoc officij potiùs quàm temerita-
tis onus putavi, &, arduum licet ac
insuetum, paulò confidentiùs sus-
cepi: vtinam sustineam atque pos-
sim illorum votis respondere qui
nihil antiquius habent quàm vt ve-
stram Amplitudinem religioso ob-
sequio colant ac venerentur. En
igitur delecta emeritorum Bacca-
laureorum iuuentus quæ post va-
rios studiorum gradus tandem si-
stitur ante vestrum Senatum, vt non
nisi consentientibus Dijs eximium
medicinæ hîc & vbique terrarum
factitandæ ius consequatur, & le-

gitimum saluberrimæ vestræ facultatis Paris. partum agnoscatis. Facite, quæso, ne frustrà sit hoc nobis concessum tantæ facultatis privilegium, citra quod nemini liceat in vestro orbe præstantissimã artem exercere. Neque enim publicæ salutis & incolumitatis, cuius cura potissimum vos tãgit, parùm interest, eorum qui ad medicinam faciendam accedunt delectum habuisse & industriam probasse. Quod tamen cum in cæteris minoris momenti artibus huc vsque inuiolatum permanferit, vix hodie, non sine magnâ multorum clade, in Medecinâ locum habet. Nûc quippe ferè sufficit ad Medici famam montes aureos ex theatro polliceri, aut malo Semini exotico magna nomina tribuere : & quò quis impudentior est, dum modò inconditè loquatur ac idioma peregrinum

sonet, eò maiorem apud populum,
 atque etiam apud Magistratus ple-
 rosque, fidem & gratiam inuenit.
 Sic verissimum illud Antigoni Re-
 gis apophthegma experimur τὰ μέ-
 γαλα καλὰ, ἀντὶ μεγάλων κακῶν εἶναι
 εἶ) : Quæ in hominum salutem in-
 uenta est Medicina, hodie imperi-
 torum audaciâ vertitur in perni-
 ciem. Vos (iudices æquissimi) quo-
 rum est putida Reip. membra re-
 secare, ne finite hanc gangrænam
 latius serpere. Hîc vbi celeberrî-
 mum est Medicinæ emporium, Em-
 piricorum theatra in publico eri-
 guntur, Chymistarum fumi ven-
 duntur, & tartarei pulueres ægris
 ingeruntur; denique deplorando
 temporum fato cum diuino Hip-
 pocrate & admirando Galeno te-
 mulentus Paracelsus comparatur:
 & quamquam profanæ illius ac im-
 piæ doctrinæ promulgatores non

ita pridem de vestro cœlo percuss-
 eritis, perpetuóque exilio damna-
 ueritis; etiamnum tamen docent,
 impunè grassantur, & suo stibio at-
 que Mercurio, cuius numen maxi-
 mè colunt, ceu occultis naturæ mi-
 raculis, morborû omnium remedia
 sese tenere iactant: ex Hippocra-
 tis censurâ venefici potius quàm
 medici, qui proinde apud vos ma-
 ximè deferendi videntur. Sed aliàs
 dabitur magis opportunum de his
 exostulandi tempus. Nunc, vt ad
 nos redeam, ego communi omniû
 nomine purpuram vestram adoro,
 & hisce templis emensi biennis cur-
 riculi trophæa appendo, hoc solùm
 pretiosa quòd vobis sint dicata. Ni-
 hil triumphos moramur quos non
 decreueritis atque conspectu ve-
 stro decoraueritis. Magnum sanè est
 coram laudatis viris laudari, at ma-
 ximum coram iis penes quos est

S iij

summum actionum humanarum
arbitrium. Verum id optandum
potius quam petendum, imò me-
tuendum ne ad tantæ æquitatis tru-
tinam exacti, inconsultæ petitionis
atque temeritatis pœnas luamus. Et-
si hîc se explicet vestra, quæ singu-
laris est humanitas: Quis tandem
ad tantum lumen non conuiuebit?
Quæ Aquilæ tot syderum splendo-
rem sustinebunt? Ignoscite mihi
(Iudices grauiissimi) non tam no-
bis vos præsentes opto oroque, quàm
disertissimo Encomiastæ qui totus
gemmeus eloquentiæ suæ opes tunc
explicabit, in maximâ luce tantò
magis emicaturas. Illæ tamen cum
in nos exundare debeant ac diffun-
di, quid mirum si in hoc laudum
nostrarum apparatu, vestri Senatus
Solem atque splendorem querimus?
Qui terrori malis esse solet & sce-
lestis, ille idem præcipuò nobis erit

fauori si quidem vos exorari permiseritis. Quare adeste (summi sacrae Themidis vindices) ac votis nostris quamuis audacibus indulge. Erimus in cœlo si de vestro ad nos descēderitis, nostramque panegyrim die crastini in scholis Medicorum celebrandam, vestrâ præsentiâ ornare illustrioremque reddere non fueritis dedignati.

POST QVAM dixi, amplissimus Præses Dom. Le Bailleul sublimi ingenio & πολυμαθεία æquè ac dignitate eminentissimus, non minùs eleganti atque accuratâ quàm graui oratione, nos ad rectam & Dogmaticâ medicinæ faciendæ rationem hortatus est, qualem deceret Medicum Facultatis Paris. à cuius saluberrimâ doctrinâ ne vîquam discederemus præcipuè iniunxit: Cæteroquin charitatem coleremus & pauperes atque egenos nostrâ operâ nostrisque consiliis humaniter iuuaremus. Hinc indignatus ipse aduersus pseudomedicos & doctores cir-

cumforaneos, studia nostra & subsellia
laudauit, pollicitus se vniuersosque am-
plissimi Ordinis Patres Conscriptos no-
bis numquam defuturos.

ALTERA INVITATIO,

*Apud Libellares ad Basilicam Recupe-
ratores in Parisiensi Senatu
eodem die dicta.*

EA est rerum viuientium natura
atque conditio (Præsides am-
pliss. Senatores æquiss.) vt quæ per-
fectissima & in longum ætatis tem-
pus duratura oriuntur, tarda ha-
beant generationis principia & in-
crementa, nec nisi lento progres-
su perficiantur absoluanturque; ce-
teroquin præcipitata diuturna esse
non possint. Sic inter fructus qui
horarij & præcoces primâ æstate
maturescunt, omnes sunt fugaces.

Autumnales contra & ferotini, ad reponendum idonei atque conditioni hyemem integri sustinent. Sic animantium viuaciorum foetura non paucorum est mensium, imò aliquot annorum in quibusdam si Plinio * credimus: Et Heroes apud Homerum non nisi confecto aut saltem affecto * anno nascuntur. Ita fanè in omnibus tantò diutius suum opus meditari & adornare videtur natura, quantò maius molitur. Hoc sapientissimæ naturæ instituto Parisiensis Medicinæ Facultas Saluberrima, non abortiuos partus & trimestres, vt cæteræ solèt, sed biennes in publicam hanc lucem edit & emittit. Diù antea in eius gremio & sinu latentibus vberimum alimentum & vires optima parens suffecit, vt deinde foeliciùs ex matris claustris & vmbraculis erumperemus. Iaceremus tamen effœti

* Cap. 10.
lib. 8. vbi
de Elephā-
tis agit.

* Vide A-
gell. cap.
16. lib. 3.

miniméque vitales nisi nos vestra
humanitas, velut olim Leuana
Dea exciperet, recrearet, refice-
ret. Quàm faustus & fortu-
natus nobis verè natalis hic dies
affulget, in quo tantus benignio-
rum syderum concursus consentit
& conspirat! Respicite modò nas-
centes, diuino afflatu beate, vestro-
que conspectu tantisper frui finite:
vel certè hanc gratiam Matri con-
cedite, vestræ (inquam) Saluberri-
mæ Facultati, quæ nouâ prole aucta,
& lætum festūque diem crastinū ce-
lebratura, vestra numina inuocat,
simul & publicâ istâ acroasi se suos-
que alumnos vobis & Reip. vouet
ac consecrat. Illa vos nunc liberta-
tis suæ vindices appellat, quos op-
tat & agnoscit iudices. Vestram af-
ferite in sua iura, & interim dum nos
ex refertissimis Græcorum, Latino-
rum, Arabumque fauis, syncerum

mel cruimus, *ignavum fucos pecus* ab
hâc Ciuitate arcete. Neque verò hîc
laborum metam ponimus, imò po-
tius triumphus noster, cuius vos spe-
ctatores optamus, futurorû crit au-
toramentum; quos disertissimus
Encomiastes, vaticinantis modo,
tamquam præteritos vsurpabit præ-
dicabrique. Quod si affueritis ve-
strâque præsentîâ pompam auxeri-
tis, illâ eâdem nos non parùm ad an-
ticipatas laudes aliquando pròme-
rendas obligari sentiemus. Sed ô
fœlicem necessitatem quæ ad melio-
ra coget! Vos igitur (Iudices grauif-
simi) qui libellorum supplicum Re-
cuperatores ex supremo hoc tribu-
nali sedetis, supplicibus annuite, ad-
este crastinæ celebritati, vel si non
ore ac linguis, saltem animis fa-
uete.

Hic amplissimus Præses Dom. Vialar de Musis & Apolline æquè ac de sacrâ Themide optimè meritus, præclarâ effatus de artis quam coleremus dignitate ac difficultate, nos quoque ut eius studio sedulò incumberemus, cohortatus est, atque ne quid Medico Parisiensi indignum committeremus. Cæteroquin sibi totique Curia acceptissimum fuisse officij nostri obsequium humanissimis verbis fauorémque testantibus significauit.

Dicto igitur die, rebus omnibus ad pōpam cōpositis, ad nos ab Academia Cancellario accessit eloquētissimus omniq; laude cumulatus Orator D. Richerius coccinatus * ostroque fulgēs, laro-clauo * pelliculato spectabilis, & acceptā ab ipso D. Cancellario infulā sericeā funiculoque aureo circūdatam sinistra manu gestans: Qui *os humerosque Deo similis*, factō frequenti auditorum cōcursu, modos fecit, cecinit & utrāque linguā dixit; primū quidem de gem-

* Vulgo cappatus diceretur.

* Ita laro-clauū interpretatur Acro. in Horat.

mis in genere multa, præclara & recon-
dita; deinde verò λόγος quasi de Λογίῳ
summi olim Sacerdotis, singulariter de
tredecim omnium pretiosissimis, quas
nobis sigillatim attribuit, enarratis & de-
cantatis, singularibus oratiunculis, vniuf-
cuiusque laudibus.

Mihi profectò nominis potius quàm
meritorum ratione Opalum dedit an-
nuli coniugalis vmbone inclusum, ve-
rum Paranymp̃hi munus implens nup-
tiarum auspex, quas, medicinâ mihi de-
sponsâ, veluti per confarreationem fan-
ciuit. Post nuptias, vota & munera, sche-
dulam (vt cæteris solebat) per Bidellũ seu
Scholarum apparitorem misit, in quâ
hæcerant scripta, *Compareas Magister Vi-
ctor Pallu die crastinâ vigesimâ septimâ Maij
in aulâ Illustriss. & Reuerendiss. D. D. Ar-
chiepiscopi Parisiensis, horâ decimâ matuti-
nâ, gradum Licentie in Medicinæ Facultate
per Dei gratiam suscepturus.*

Ex mandato Domini Cancellarij.

Quibus à me publicè lectis, incepti.

GRATIARVM ACTIO.

*Ad disertissimum laudum Enarratorem
& Praconem Petrum Richerium in
scholis Medicorum habita die 26.
Maij ann. Domini 1630.*

ACCEPTA & perlecta hæc sche-
dula (clariss. consultissimique
Medici, Auditores ornatiss.) dubiū
admonet me eum esse quem diser-
tissimus Orator in isto frequentissi-
mo celeberrimoque confessu ma-
gnificis encomiis iam iam celebra-
rit. Neque profectò me ipsum a-
gnouissem, cum à me tantum dis-
similis effectus, nihil meum præter
solum nomen inueniam. Ita enim,
exigua ne frænaret materia impetum,
eandem splendidæ orationis copia
auxit, naturamque ars superauit:

Ita

Ita (inquam) stylo potius quàm veritati indulgens alienos vultus induxit eximius dicendi Apelles; ut certè totum me penitus ignorem.

Appositè quidem omnia ut soles (mi Richeri) & affabrè elaborasti, sed ex opere tantùm æstimanda.

Tua quippe tam diues est facundia & accurata eloquentia, ut quicquid tetigeris numquam non polire & consummare videaris. Ignosce, quæso, si ego hac in parte fidem tuam appello: non meæ sunt istæ virtutis laudes; non mea tot facinorū encomia; * non in me ista acroa-

mata; non voces cadunt, accipio in vota, quæ utinam ventura ætas impleat: Durum tamen onus viribusque impar mihi impositum pe-
ne accuso: verùm habuisti rationem dignitatis non personæ, & omnia debeo humanitati tuæ quæ me talem præstitit qualem esse decet.

* ἐπινοῖαι & ἱστορίαι
ut differāt,
vide apud
Arist. lib. 1.
Rhet. cap.
9 & lib. 1.
Ethic. Ni-
com. cap.
12. Item
apud Cæ-
lium cap.
5. lib. 7.
lect. antiq.

T

Religiosum Hygiæ cultorem velut
supparem sponsum laudasti & so-
lenni verborum pompâ extulisti, ut
non tam facti quàm debiti officij
merita exponeres, méque ad spem
tantarum laudum hoc quasi incen-
tiuo prouocares. Sic in Cyro Xe-
nophon optimi principis & præ-
stantissimi regis numeros omnes
absoluit: Sic Romanæ eloquentiæ
parens inducto Crassi exemplo O-
ratorem consummauit, cuius tamen
personam nemo post hominum me-
moriæ cumulatè sustinuit: nisi tu
hodierno die ille ipse Crassus existis
qui omnium plausus excipis, nōs-
que quales lubet, formas & fingis.
Verum enim vero ne solis verbis no-
uum & peregrinum amatorem in-
uitares, muneribus præterea cumu-
lasti, quibus cum fœlix mei nominis
omen coniunxisti, dato in coniu-
gale fœdus *Opalo palâ incluso*. Quin

etiam nuptias celebraſti Panegyri-
cas, in quibus, vt nihil ad veritatem
deſſe videretur, omnes collegiſti
dicendi Veneres & Cupidines; elo-
quentiæ flores odoréſque ſparſiſti,
& faces prætulſti, illa (inquam) in-
ſignia orationis lumina quibus tor-
pentes animos inſtigas atque ad glo-
riam accendis. O fœlix Baccalau-
rei cum Medicinâ connubium te
Paranympho & auſpice! Quid ceſ-
ſo mihi gratulari? qui talem laudum
præconem inuenerim, vel hac parte
Homero maiorem, quòd ſis locu-
pletiffimus ſine Achille encomia-
ſtes: Ita ſanè quod Plinius alicubi de
naturæ maiestate, dicam ego de tuâ
ſingulari facundiâ, quippe quæ nuf-
quam magis tota quàm in minimis
apparet. Iamque mihi videor altio-
res è cœlo ſpiritus ducere; iam nihil
abiectum aut humile meditor; iam
denique

Visum spirant præcordia Phæbum.

Suidas eius
meminit.

Historiarum monimentis celebra-
tur clarissimus tibicen Timotheus
Milesius, cuius sono excitatus Ale-
xander Magnus à mensâ ad arma
profiliebat: Tuus longè suauissimus
cantus me à mensis ad Musas, & ab
humanis studiis rapit ad heroica.
Ecquis tandem non trahatur aureis
sermonis tui catenulis? Quis non
capiatur illecebris? Mihi profectò
præ illius puritate & nitore adamas
fodet; præ suauitate mel amare-
scit; præ modulatis & cadentibus in
numerum periodis, musicorum om-
nium melos raucescit: sic sunt

Iouis omnia plena.

At tandē (disertissime Encomiastes)
tibi quas agam grates, nescio: suffi-
ciat meminisse quòd nullis meis pro-
uocatus meritis, me verbis adeò ho-
norificis & exquisitis titulis, in hac
selectiorum hominū luce & frequē.

tiâ, nunc decorâris. Erit vtique præcepta isthæc & afficta gloria parænesis ad verâ, quam si aliquando cōsequutus fuero, omnē tibi acceptâ referam, vt reddam beneficiū quod remunerari non potest. Taceo addita quasi parerga cætera quæ commendas bona, nam si quæ sunt, fortunæ sunt, non mea. Hoc vnum minimè prætereundum est mihi in maximis ducendum, quod Medicinæ nomen meum dederim in hac potissimum facultate quæ Galeno-Hippocraticæ, hoc est, veræ atque dogmaticæ disciplinæ vindex, tantum inter alias caput extulit,

*Quantum lenta solent inter viburna
Cupressi.*

Hæc quippe est scholarum metropolis cui cæteræ assurgunt, & in quâ ius ciuitatis tantæ est æstimationis, vt non nisi eximiâ virtute

T iij

multoque sudore ac puluere emi possit & comparari. Neque sane vna vertigo Quiritem facit. Totius biennij certamina sustinenda sunt & examina subeunda, quibus certè nemo nisi probatissimus admittitur. Toties in hoc cāpo (cuius vel pulvis eruditus est) propugnandū & oppugnandū: toties in arenā consiliū capiendū est, & animus præsens ostendendus: vt non nisi per arduos experimentorū gradus ad hoc honoris fastigiū fas sit ascendere, ad quod ambitus aut fauor nullos euexit, sed maturum cōsummatūque studium & parata meritis gratia. Ecquis miretur tam seuerā lege, ex hac scholā, velut ex Chironis antro, tot illustres viros prodiisse atque in dies prodire? qui ingenij atque doctrinae laude præstantes, orbi salutem, sibi immortalitatem pepererunt. Arduum profectò esse oportet nec

omnibus accessum ad hanc Corinthum iter, quæ non nisi HomERICA exempla suppeditet, nulla Cherileæ. Non est operæpretium eos citare testes quos præsentibus alloquor & video, nisi me suo lumine occæcant tot primæ magnitudinis salutare stellæ, quarum splendor vniuersum Medicinæ cælum illustrat, nebulosum Chymistarum Mercurium & caliginosum Solem obscurat ac offundit, atque tenebricosos eiusmodi ciniflonum fumos dispellit & dissipat; quas illi proinde vt canes Lunam allatrant. Sed vereor ne tam fœda malè feriatorum hominum mentio hodiernæ diei lætitiâ polluat, in quâ optatam longi curriculi metam attingimus, & honorificum confectæ militiæ auctoramentum recipimus. Atque, vt de me loquar, quàm mihi gloriosum est in his cultiorum Musarum

T iij

castris meruisse! Quàm me laborum
non pœnitet quos tâta merces fœli-
citer excipit! Iam ego in amplissimũ
vestrum ordinẽ ascribendus sagum
depono, vt purpuram & latum cla-
uum induam. Præclarum per Deum
immortalem ornamentum & opu-
lentum præmium! vincit me & pe-
ne ingratum facit muneris magni-
tudo, cui quod opponam, nihil ha-
beo, non si totius Tarraconensis
rex forem: neque si ipse Tullius sug-
gereret, verba suppeterent quæ tan-
tis beneficiis respondeant. Hîc co-
gor (Præceptores mihi æternũm
obseruantiss.) animi sensa silentij
velo inuoluere, atque Timantem
imitari in cuius operibus plus intel-
ligebatur quàm pingebatur (vt ait
Plinius;) nam quicquid dixero, mi-
nus erit. Vtinam mihi centum fo-
rent ora totidẽmque linguæ quibus

debitas singulis vestrûm gratias
possem habere ; in primis dignissi-
mo huius scholæ Decano Petræo
quo gubernatore in puppi seden-
te clauûmque tenente cursum con-
fecimus, Syrtes & scopulos supera-
uimus, Ac tandem in portu naui-
gamus. Tu nobis, vir Clariss. ceu
Castor & Pollux benignis radiis
continuò affulsisti, tu suborientes
tempestates serenasti, & fluctuan-
tes ita direxisti, vt meritò votiua
hanc grati animi tabulam nunc
tibi reddam ac persoluam. Sed
quid cursum appello vbi tamdiu
stetimus, tamque constanter pu-
gnauimus ? Dij præsides affuere.
Hic ego galeatam vidi Palladem
vel potiùs Apollineum Martem,
Guenaldum, inquam, qui me, vt
Venus Æneam inter medios ho-
stes seruauit.

--- Quo chore tibi nunc diue litabo?

Tu triumphali lauro recens coronatus primus Tyrunculum me sub tuis auspiciis recepisti, tantâ cum humanitate, vt dubitem potiorne in te sit Musarum an Gratiarum cultus. Istâ tuâ singulari comitate simul & doctrinâ conatus meos sic adiuuisti, vt quæ ardua viribûsque maiora antea videbantur, tuo ductu tandem superarim. Primus congressus animos addidit ad secundum. Quare si quid in iis foeliciter cessit, id totum tibi acceptum refero, neque vmquam apud me peribit tanti beneficij memoria. Tene præteream, docte Boujonneri? qui me in medio puluere prope deficientem non vulgari bencuolentiâ excepisti, recreasti, fouisti. Tuo præsidio ceu Aiakis clypeo tutus nouû conflictum sustinui: tuâ virtute euasi. Præfuiisti progressui qui in duro illo quatruidui examine affueras ingressui.* Te vb

* Is quippe
tū electus
examina-
tor fuit.

que præsens numen inueni: Cui proinde æternum cultus & obsequij sacramentum hoc solenni die spondeo & voueo. Tandem ad te venio (Perrelle non minùs tuâ quàm parentum virtute clarissime) qui tot me benefactis cumulasti vt plura super sint quàm possim recensere, adeò satiùs fuerit omnia tacere, quàm aliquorum enumeratione cetera obliterare. Ne, quæso, vestrùm aliquis putet auribus dari quod tribuitur veritati. Quod filius patri, hoc ego tibi, Perrelle, debeo, vt non iniuriâ possis quicquid meum fuerit, tibi vendicare:

Facit parentes bonitas non necessitas.

Tuus est quem tanto studio excoluisti, instituisti, & si non formasti, saltem iis informasti quæ ad scelicitatem viam muniunt. Nihil denique prætermisum voluisti quod me

Phædrus
in fabella
canis ad
agnum.

quoquo modo iuaret, aut studia mea promoueret. Quid plura? si domi aliquam literis operam impendi, tuam coniunxisti; si in hoc Apollinari campo certavi, Colophonem addidisti. Pro quibus summum quod habeo pretium persoluo tibi. Accipe igitur obstrictam deuoti animi fidem, hisque fructu votis, *Vine felix, atque tibi, quos alijs prorogas, Deus addat annos.* Hic me (Præceptores sapientiss. mihi quoque summopere colendi) lex duodecim tabularum à cæteris reuocat cogitque subsistere, quâ confessi æris ac debiti iudicatus, creditoribus addicebatur, ita quidem ut, si plures essent, omnium ex æquo seruus foret; nisi mallent, pro ratione crediti, corpus addicti sibi hominis secare & partiri: Eadem enim lege nunc ego vester sum quem tot nominibus obligatum & deuinctum omnes te-

Hinc illud, qui non in ære luat in cute. De hac lege vide A. Gell. cap. 7. lib. 20.

netis. Iam itaque, vt vestrum debi-
torem singulis diuidendum nolitis,
vniuersis mancipatum habete, ser-
uate. Dixi.

Postero igitur die, postquam ex Do-
ctorum suffragijs à dicto D. Can-
cellario collectis, Licentiandorum ordo
descriptus est; vocatis eo ordine singu-
lis, Licentiæ gradum adepti sumus pro-
cumbentes in genua, his à D. Cancel-
lario, auctoritate quâ fungitur, conceptis
verbis, *Impertio vobis Licentiam & Facul-
tatem legendi, interpretandi, & faciendi Me-
dicinam hîc & ubique terrarum, in nomine
Patris & Filij, & Spiritus Sancti.*

Hinc paucis paulò post diebus Dom. Bazinus primum inter Licentiatos locū suo merito adeptus, supplicauit Facultati pro Vesperiiis & Doctoratu. Quibus celebratis, ego deinde itidem feci. Cū autem hoc vesperiarum mearum & inaugurationis munus incidisset in D. de Pois, qui tū in primarium Reginae Maioris Britanniae Medicum delegatus aberat; ipso consentiente hanc prouinciam D. Perrellus lubens extra ordinem, ut est ad beneficentiam procliuus, recepit: à quo etiamnum impetraui ut doctissimè ab ipso tū propositae quæstiones, nec non elegantissimæ simul ac grauissimæ orationes habitæ, cum nostris hîc permiscerentur, ad earum perpetuam memoriam & commendationem.

PRO VESPERIIS
M. VICTORIS PALLV
IN SCHOLIS MEDICORVM.

DIE MERCVRII VII.
Augusti Anno Domini 1630.

An Balneum { *Ante Cibus*
 { *In Profluente* } *Salubre?*

IN hoc programme duæ, vt fieri so-
let, quæstiones proponuntur dissol-
uendæ antequam Vesperiarum oratio ha-
beat. Primam itaque D. Perrellus Vef-
periarum Præses adductis in vtramque
partem rationibus proposuit erudito Me-
dicinæ Candidatò Caponio, qui subinde
appositè & eleganter problema dissoluit:
Alteram verò mihi Vir clariss. Dom. Le
Comte qui in inferiore cathedrâ ex ordi-
ne designatus sedebat.

QVÆSTIO A D. PERRELLO
vesperiarum moderatore
proposita.

*An balneum ante cibum
salubre?*

TANTA fuit olim balneorum
utilitas, ut quidam existima-
uerint Romanos non aliam ob cau-
sam sexcentos vixisse annos sine me-
dicis & medicamentis, quàm quòd
balneis frequenter vterentur. Et
sanè quantum eistribuerit Galenus,
ex eo coniicere licet, quòd dixerit
Antiochum medicum octoginta
annos vixisse, & Telephum Gram-
maticum fere centum, non inter-
missâ lauandiratione; Primigenem
verò philosophum ex sectâ Peripa-
teticâ, quâ die non lauasset, feбри-
citasse.

citasse. Nec immeritò, cùm ante
 eum celeberrimi quique medici,
 Cornelius Celsus, Antonius Musa,
 Andromachus, Ruffus, Erasistratus,
 inter præcipua remedia balneum
 habuerint. Quod idem multò an-
 te senserat Hippocrates, qui mor-
 bis etiam acutis esse vtile scriptum
 reliquit. Verùm quia saluberrima
 quæque abusu ipso noxia fiunt, ni-
 hil mirum si ex balneis intempesti-
 uè vsurpatis, innumera oboriantur
 incommoda, de quibus medici quo-
 tidie consuluntur. Hinc factum est
 vt hodie in animo sit ex te inqui-
 rere, (ingenue Candidate) quodnam
 balneo commodum tempus existi-
 mes. Vilis fortasse quæstio videbi-
 tur atque humilis, sed eo maximè
 nomine inquisitione digna, si qui-
 dem ex Hippocrate libro de flatu-
 bus τῆς ἰατρικῆς τὰ φλαῦρα χαλεπὸν
 γινῆναι, καὶ τοῖσιν ἐν ἑσθῇσι μωύοισιν εἶναι εἰ-

δ'ε'ναι, *Ea quæ vilia putantur in arte medicâ difficile sit cognoscere, idque solis medicis licere.* Ne autem in ambiguo verferis, balneum hîc non accipio pro decima gymnasiôrû antiquorû parte à Galeno in quatuor cellulas, solia, seu, vt loquitur Cicero, balnearia, distinctâ : à Mercuriali verò exactissimo rerum gymnasticarum inquisitore in quinque ; lauatiônē videlicet frigidâ, in quâ frigidæ aquæ lauacra & præsertim piscina, à Plinio Iuniore *baptisterium* dicta, ad natationes posita erant ; frigidariû, in quo statim post egressum tepidarij aut caldarij, frigidus aëre frui licebat ; Tepidarium in quo aëris vel aquæ vel vtriusque teporem excipiebant ; Caldariû seu laconicû in quo aëris calore sicco sudorem eliciebant, vnde à nonnullis *calida sudatio*, à Celso verò *assa* nuncupatur ; Calidam denique lauatiônem

quæ Archigeni ζεαθόν, à Galeno ve-
 ρὸ λῆπτον appellatur, quamquam λῆ-
 πτον Vitruuio frigida sit lauatio :
 quod nemini dissonum videri de-
 bet, vtraque enim eodem nomine
 designari potest cùm in ambabus
 homines lauarétur. Non sic (inquã)
 balneũ generatim vsurpo, sed nudè
 & simpliciter pro lauacro in aqua
 simplici naturali, non tamen ege-
 lidâ frigorisque nimij quàm ὕδωρ
 ἀτρεμμον vocant, sed tepente seu
 εἰλητερῇ καὶ χλιαρὸν θερμασίαν habente :
 Cuiusmodi æstare frequens est ἡ κα-
 θαριότητος ἐνεκα, ἡ ἀγέας, ἡ ὑγείας, ἡ τὸ
 τελευταῖον ἡδονῆς; aut ad corpora mū-
 danda, aut ad tepefacienda, aut ad
 sanitatem, aut denique ad volupta-
 tem; quæ sunt quatuor omnino
 causæ à Clemente Alexandrino cō-
 memoratæ, ob quas in vsum reuo-
 catum fuerit balneum. Tepidam
 autem cùm dico, temperatam no-

lim intelligas; si quidem temperata non amplius frigida est, sed iam calida; Tepida vero licet Solis seu ignis vim passa, frigida tamen adhuc remanet, ut videre est apud Gal. lib. 3. de medicam. simpl. facult. ubi modum docet quo *εὐκρατον* seu temperatam, & quo *χλιαρόν* seu tepidam facere possimus.

Estne igitur aquæ tepentis balneum æstate ante cibum salubre? Non videtur. Enimvero commendatur eo maximè ante cibum, ut corporis habitus excrementis tertiæ concoctionis expurgetur, quo deinde aptius sit corpus ad alimentum excipiendum: At tantum abest ut id præstet ante cibum, ut potius frigore aquæ incuneentur atque in crassentur excrementa illa, cutis dēsetur, pori occludantur, indeque perspiratio præpediatur, quod maximè cauendum scripsit Galenus

passim libris de sanit. tuenda. Salubre verò esse à cibo hinc patet, quod calore ob causas commemoratas ad viscera refluyente & sese veluti colligente, coctio ventriculi non minimùm promoueatur, eoque magis quod præterea aquæ humiditate placidus somnus concilietur, quem ad concoctiones in visceribus multum conducere nemo nescit. Quod solitum se facere refert apud Oribasium, Agathinus vir non vulgaris in medicina eruditionis, quoties à cœnâ ægrè in somnum delaberetur propter æstum, idque miro successu. Contrarium tamen suadet in hodiernum vsque diem recepta consuetudo, & medicorum omnium consensus, qui pro veritate esse debet. Nolo commemorare symptomatum iliadas, quæ à cibo lotis superuenire solent. Illud tamen non prætermittendum quod

Galenus notat lib. de tremore, indefactum fuisse ut rigor sine febre veteribus incognitus, suâ ætate frequens fuerit. Vnde non abs re Iuuenalis hanc sui temporis consuetudinem morte subitâ mulctari scribit fatyr. i. his verbis,

*Pœna tamen præsens, cùm tu depō-
nis amictum*

*Turgidus; & crudum pavonem in
balnea portas:*

*Hinc subitæ mortes atque intestata
senectus.*

Tu tandem (docte Candid.)
quid sentias super motâ hinc inde
difficultate palam, si placet, aperies.

ENODATIO QVÆSTIONIS
mihi à clariss. viro Dom. Le
Comte pariter propositæ.

*An balneum in profluente
salubre ?*

MAximè vellem (viri Apolli-
nares) vt de balneis dicturus
labra fonte proluissem Caballino, & fa-
cris Castalidum aquis lautas manus
inundassem; aut de profluente actu-
rus largo eloquentiæ flumine de-
curreret oratio : Nunc vtique mu-
nus veniâ dignum non deprecarer,
aut certè susceptum timidâ præfa-
tione apud vos excusare non coge-
rer; dum meditor oraculum expo-
nere ambiguo sensu ab Apolline
datum, conclusionem (inquam)
paribus rationum momentis quasi

V iiij

* Eius
historiam
narrat Iu-
stinus lib.
xj.

nodis ita absconditam, vt soli Ale-
xandro conueniat iugum hoc Gor-
dium * dissoluendum, quod non
Asiæ sed Medicinæ regnum por-
tendit. Audacem tamen facit ea
quæ in me est indulgentiæ vestræ
& beneuolentiæ confidentia, quâ
fretus, nihil non tentandum nihil-
que desperandum puto, si modò
qualem hætenus expertus sum, eâ-
dem nunc pro singulari vestrâ hu-
manitate roganti impertiatis.

Duo potissimum de balneo quæ-
ri possunt, quando videl. vsurpari
debeat, & quo modo. De priori
iam ab erudito Candidato abundè
dictum est & determinatum. Po-
sterioris verò cùm multæ sint par-
tes eam impræsentiarum examinan-
dam selegisti (inclyte Musarum Co-
mes) quæ huc vsque pene intacta,
nec à quopiam satis perpensa, cer-
ti & acris tui iudicii censuram po-

stularet: De ea tamen nostram pro-
more sententiam exquiris, vt sit hoc
supremum futuro propediem col-
legæ artis tyrocinium. Quæris ita-
que an balneum in profluente salu-
bre? Hoc constantissimè negaret
Magnus ille Persarum domitor,
quem cum Cydnus amnis, non spa-
cio aquarum sed liquore memora-
bilis, inuitasset vt calidum mediâ
æstate corpus ablueret, pene cum
sensu vitâ caruisse scribit Q. Cur-
tius, * ita vt non tam ille flumine
mersus quàm fulmine ictus videre-
tur: Et sane amnis ope vicerat Da-
rius ni Philippus egregiæ in regem
fidei Medicus salutari poculo Im-
peratorem triumphanti exercitui
intra paucos dies reddidisset. Ve-
rùm cum saluberrima quæque te-
merè vsurpata etiam plurimum no-
ceant, & adiacentia seu (vt vulgò
loquuntur) circumstantiæ factum

* Lib. 3.

mutent, ratione potiùs quàm exemplis expendere placet balnei eiusmodi commoda & incommoda, ut deinde quæstio certiori conclusione decidi possit. Balneum, seu ut strictiùs dicam lauacrum, quod fit ex aquis dulcibus & nullâ peregrinâ qualitate medicatis, vel est calidum vel frigidum: Illud vel tantùm tepidum, vel paulò calidius existit: Galenus hoc appellat temperatum, quod non nisi ignis beneficio tale fieri possit: Tepidum verò quod igne vel diuturno insolatu θερμασίῳ eiusmodi εὐλθερῇ καὶ χλιαρὸν indipisci potest ex aquis apricis: Num etiam ex profluentibus? Non videtur: ut enim agitur aër licet naturâ suâ calidus, calorem tamen externum vix suscipit, sic & continuo motu veluti ventilata aqua vix ac ne vix quidem tepescet, cùm præterea noctis spatio

pariter refrigeretur. Hinc fluminum liquor quamuis non omnino à *τέρας* æstiuis ardoribus persistat, nihilominus frigidiusculum semper offert balneum, & infra temperati tepidique limites positum: Ita quidem vt contrarij sint huius & illius effectus. Nam temperatum cum actu calfaciat, alimenti anadosim promouet, sanguinem ad partes allicit, ac proinde extenuatos implet; idem meatus aperit, partes siccas emollit, laxat; laxas siccat dum si quid putre & fuliginosum intus hæret, educit, & per halitum digerit: corpus denique vniuersum reddit fluxile & perspirabile, vnde & ex euentu refrigerat, ex Gal. cap. 4. lib. 3. de sanit. tuend. Quæ omnia secus accidunt à balneo aquæ frigidæ & profluentis: Cum enim actu & per se refrigeret, per accidens calefacit, represso intus cal-

re, constrictis poris & euaporatione impeditâ : Cæteroquin corpus durat, obfirmat, explicat, calorem natium auget, & animo securitatem addit. Quibus nominibus maximè commendabatur ab antiquis, vnde Horatius ode 8. lib. 1. carm. de amatore quodam indignabundus quærit. *Cur timet flauum Tiberim tangere?* Contrà ode 7. lib. 3. Enipeum laudat quòd

----*Non alius flectere equum sciens.
Æquè conspicitur gramine Martio:
Nec quisquam citus æquè
Thusco denatat alueo.*

Sic apud Tibullum lib. 1. Eleg. 4.

*Hic placet adductis quod equum com-
pescit habenis;
Hic placidam niueo pectore pellis
aquam.*

Lib. 1. de
re militari.
cap. 10.

Quâ ratione Romani veteres (vt scribit Vegetius) quos tot bella & continua pericula militarem disciplinam do-

cuerant, campum Martium Tiberi vicinum delegerunt, in quorum altero armorum exercitationes inirent, in altero sudorem pulueremque diluerent, ac simul natare perdiscerent. Ex quibus colligo balneum in profluente præter lauationem & ὑποδαρτίαν, cōplecti & exercitationem ad militiam utilem, nec non ad sanitatem vt postea videbimus. Mulierum quippe est sedere in solio, virorum natare in alueo, vbi & fortiores inter aquarum pericula euadant, & paratiores ad obeunda. Apud Celtas olim mos inualuerat vt infantes recens natos in flumen aut mare mersarent, barbarâ quidem sed non vanâ ratione, vt sentit Philosophus 7. politic. cap. 17. nimirum vt sic à pueritia obfirmatum corpus ad quascumque aëris iniurias occaleret. Id ipsum procul dubio innuit Achillis fabula, quem Thetis

Vt etiam
apud Germanos
auctore
Galeno.

mater statim à partu mari immer-
sum, telis impenetrabilem eduxit,
eâ solùm parte exceptâ quæ aquam
non attigerat. Sic apud Virgil.
Rutuli

9. Æneid.

*Natos ad flumina primùm
Deferimus, sæuòque gelu duramus
& vndis.*

Durum equidem vixque Scythis fe-
rendum βαρβαριον, quod ideo Gale-
nus. i. de regimine sanitatis meritò
damnavit. Sed dum gens humani-
tatis persuasione nimium sibi in-
dulgēs, istam barbariem vitat, mor-
talium fato *vitia in contraria currit.*

Tanta enim fuit in lauandis sub te-
cto corporibus Romanorum mol-
lities, postquam defuit iuuentus per-
fusus oleo palæstrico artus virgine
aquâ tingere, quemadmodum so-
lebat apud Ouidium; vt Plutarchus

Eleg. 12.

lib. 3. Trist.

de aquâ

virgine vi-

sympos. lib. 8. probl. 9. eam non po-
tuerit non increpare, & operolum

illum balnearum sui temporis apparatus non accusare, quibus veluti recoquerentur in hypocaustis assi, * elixi in labris, in deterloriis pumicati & quasi malaxati: atque hoc esse seminarium vnde tanta inauditorum morborum seges in dies pullularet, palam asserit. Et sanè quātò iucundius est atque etiam (si rem bene æstimemus) salubrius, æstate mediâ, sudore ac sordibus squalens corpus in liquidis & parabilibus profluentium amnium vndis ablueret? nec non fatiscentia syderum æstu præcordia liberiori spiritu recreare, frigidiorique téperare? Hoc certè maximum mihi videtur balnei huiusce frigidiusculi beneficiū, quòd substantiæ nostræ fluorem, qui tunc immodicus est, reprimat, sicque calorem natium qui ideo exolescebat, refocillet, & ascititium moderetur atque obtundat. Idem

de Plin.
cap. 3. lib.
31.

* Hinc
assa sudatio
apud
Cic. &
Celsum.

tempestiuè vsurpatum capitis dolores sedat ex Celso, potissimùmque valet ad somnum inducendum ex Trebatio apud Flaccum,

Satyr. 1.
lib. 2.

*Transnanto Tiberim somno quibus
est opus alto.*

Namque præter exercitationem somni conciliatricem, caput æstiuis ardoribus fatigatum benignis vaporibus implet eiusmodi balneum, & amicâ anathymias tenebras sensibus offundens, animum ad quietem componit. Præterea dum calorem intus auget, coctionem æstate tardiores promouet, exuberantes humores dissipat, & refrigeratas partes intimas calefacit: unde iure ipsum in arthriticis laudauit Aurelianus, eadem ratione motus quâ Hippocrates frigidam tetano affectis iuuenibus largè affusam remedium esse dixit, sicut & Celsus regio morbo laborantibus, vt notat

tat doctiss. Mercurial. lib. 6. artis
 gymnasticæ. Quin & obmitten-
 dum non est quod Plinius scribit ^{Cap. 6.}
Luxata hominum corpora & quadru- ^{lib. 31.}
pedum natando facillimè in artus redi-
re. Ante omnia autem norit quis-
 que naturam sui corporis; neque
 enim idem omnibus æquè condu-
 cit. Ab hoc frigidaæ profluentis bal- ^{Cautiones}
 neo caueant graciles, extenuati, ^{in hoc bal-}
 exangues, cacochymi, infirmi, den- ^{neo ser-}
 sâ cute præditi: solos iuuat sanos, ^{uandæ.}
 robustos & εὐσώφροεις; ac quidem ie-
 iunos, non tamè famelicos, nec fa-
 tigatos, nec sudore diffuentes, sed
 remissos, paulò ante solem ortum
 vel statim post occasum, & sudo
 serenóque cœlo. In eo præstat ali-
 quantisper moueri quàm quiesce-
 re, non tantùm voluptatis ergo, sed
 etiam vt aqua minùs suo frigore
 poros constipet partésque faciliùs
 subeat, humectet, refrigeret &

De ratione
victus in
acutis.

eluat. Quod autem Hippocrat. lib.
à te laudato ne dum tectum ac quie-
tum, sed & taciturnum iubeat cum
esse qui lauatur, patet ex ipsius ver-
bis ibi solum de agris sermonem
haberi, & balnei calidi aut tepen-
tis cautiones præscribi. Quare me
ipsius auctoritas, quæ alioquin ma-
ximi esset ponderis, non morabi-
tur, quominus concludam balneum
sub dio & in profluente, seruatis
omnibus superius appositis condi-
tionibus, siue vt pertinet ad gym-
nasticen siue vt ad ἀποθεραπείαν, esse
perutile atque adeo salubre.

Oratio pro Vesperiiis M. Victoris
Pallu à clariss. Perrello in scho-
lis Medic. die & anno præ-
scriptis habita.

Quid illud est, mi Pallude,
quod tu quem nuper admo-
dum gestientem, purpurâ coruscan-
tem & erectum hoc in loco omnes
conspiciebant, mutatâ nunc sorte
depositisque insignibus & ornamē-
tis in subselliis hisce imis sed eas?
Quid sibi hic vestitus quærit? An
tibi tantopere Baccalaurei condi-
tio placuit, vt vel contempto Py-
thagorâ iubente μή ὀπίσσω εἰσελθεῖν
ὀπί τοις ὀρεῖς ἔλθοντα, regredi quàm
progredi malis, atque iterum lu-
beat *antiquo te includere ludo?* Non
equidem opinor. Grauis enim &
molesta nimis res est Baccalaurea-

Hic enim
depositâ
paranym-
phi purpu-
râ, Bacca-
laurei ha-
bitus po-
stremum
induitur.

X ij

tus, quàm vt illum denuo quispiã
 expetat, nisi qui Solis ἀγαμάτων la-
 bores imitari, aut quid etiam am-
 plius exequi posse temerè sibi con-
 fidat. An eo id à te potiùs confi-
 lio factum est, vt nauigationis me-
 dicæ naufragio ereptus, tabulam
 votiuam atque vuida vestimenta
 potenti huius scholæ genio tandem
 suspenderes? Non puto. Enimue-
 ro tam opportunè primùm littore
 soluisti; tam accuratè atque vt de-
 cet optimum gubernatorem ven-
 tos mari in medio explorasti om-
 nes; auribus aëra captasti; sydera
 cuncta tacito labentia cœlo oculis
 notasti; *Arcturum, pluuiásque Hy-
 das, geminósque Triones, armatúmque
 auro circúmspexisti Orióna*, vt inuito
 licet aspectu infido & maleuolo
 nebulosorum syderum, immensum
 tibi æquor arandú permensus, por-
 tum tandem non minùs celeri cur-

su quàm felici successu optatum
attigeris. An igitur ea mente ac-
cedis vt in trophæum & victoriæ
potiùs quàm naufragij monimen-
tum, armamenta hæc tua bellique
iatrici instrumenta Victor erigas?
Non existimo. Nam præterquam
quod fastu & pompis minùs te de-
lectari scio, (poscit.

Non hoc ista sibi tempus spectacula
An contrà credam te in humili sel-
lâ hac sedentem tanquam reum
ex veteri Vesperiarum more fi-
ctis criminum probris obiici, in-
fecta tanquam facta auditurum?
Neque id facile mihi persuadere
possum, cùm encomiis potiùs quàm
obiurgationibus locus esse debeat
in tui gratiam, qui plaudentibus
non ita pridem Diis, vt ita dicam,
hominibùsque rude donatus fueris.

*Quod genus hoc hominum? quæue
hunc tam barbara morem*

*Permittit tellus, crimen pro laude
mereri?*

Quid igitur tibi velis nescio, nisi si
quod ultimum & verissimum con-
iicere licet:

*Has motus pietate arces, quibus al-
tus Apollo*

*Præsidet, horrendaque procul secre-
ta Sibyllæ*

*Antrum immane petis, magnam cui
mentem animûmque*

*Delius inspirat vates aperitque fu-
tura.*

*Vt supplex arâsque tenens iam posce-
re fata*

*Hic possis, meritis & non indebita
regna.*

Sed euge tibi: audiuit tua vota li-
cet tacito animo concepta Schola
hæc saluberrima, pietate non mi-
nùs quàm doctrinâ clara, quæ te
impræsentiarûm suis sacris iniciat &
per me, cui casu ne dicam an fato tri-

podì huic datum est insidere vares,
 nihil eorum quæ sui sunt iuris tibi
 denegaturam palam promittit; or-
 naturam te ex virtutibus tuis pro-
 pediem spondet, tibi que inaugura-
 tionem pollicetur & parat.

*Lauri iam pridem cinxit tua tempo-
 rabaccâ:*

*Mox & Apollineâ sperat te ornare
 coronâ.*

*His secum si optas pariter considerare
 regnis,*

*Si iungi hospitio properas sociûsque
 vocari:*

*Hoc tibi sponte offert, dabitur Pal-
 lude quod optas.*

Sed heus tu mox laureâ Doctorali
 donande : Caue, quæso, te medi-
 cum subito eximium putes; neque
 eo temeritatis deuenias, licet pro
 genuino Apollinis fœtu habearis,
 vt eius currum statim regere velis
 & audeas alter Phaëton maximo

tui & microcosmi dispendio. Magnū quidem est, fateor, ut maiori cum authoritate & sui fiduciā medicinam facere liceat, doctorum subiisse hominum iudicia, omnium suffragiis comprobatum esse, atque in eorum demum consortium admitti; sed totum illud quantum quantum est, designatum medicū, non factum; scientiæ tantū habitu instructum, non tamen peritum adhuc ostendit. Multis, crede mihi, præterea ad eam rem opus est, quæ nonnisi temporis diuturnitate atque improbo labore comparari possunt. Audin' Phœbi quid Cortina sonet?

*Terram nate Deā quam tu iam re-
re propinquam,*

*Longa procul longis via diuidit in-
ua terris.*

*Ante diu Coā tentandus remus in
vndā,*

*Pergameique salis lustrandum navi-
bus aquor:*

*Scire potestates herbarum vsumque
medendi,*

*Multa manu medicâ Phæbique po-
tentibus herbis*

*Tentare, & mutas agitare inglorius
artes,*

*Expedit, hâc potius quam tu consi-
dere terrâ.*

Ne mireris autem si Hippocratis
& Galeni mentionem tantum fa-
ciant Sibyllæ hæc folia. Etenim duo
hi summi Medicinæ principes tibi
instar omnium esse debent ad artis
mysteria capeffenda, frustra alibi
quæsituro quod non apud illos do-
ctius antea explicatiûsque dictum
propositumque fuerit: Gustandos
verò solum alios censeo, excitan-
di interdum palati causâ, nimia ci-
bi bonitate torpentis, ac tunc tem-
poris legendos cum ex Hippocra-

tis & Galeni assiduâ priûs lectio-
ne procreatus sanguis, corporis iam
medici partibus se pro alimento ad-
dere cœperit; neque amplius veren-
dum sit ne optima alimonix salu-
berrimæ copia in venas diffusa, di-
uersi generis succi paucitate vinca-
tur. Ego enim, vt dicâ quod sentio,
pro frugibus hos omniû nobis bo-
norum authores habuerim, ex quî-
bus similagineus ad plenû subactus
& sale suo fermentoque conditus
panis confici possit: adeò vt mira-
ri sæpe subeat eos qui nihil aliud
quàm suos Nicolos, Guainerios,
Herculanos, Gordonios, Foroli-
uienses, Valescos, Vgones, cæte-
rósque id genus Arabistas & bar-
baros prædicant; quos corrupto pa-
lato, ne dicam mente, ac distortâ
quadam appetendi facultate esse
oporteat, qui panem atrum ex iure
plerumque atro præferant simila;

gineo, imò zizaniâ & lolio, frugibus relictis, vesci malint. Totos porro Hippocratis & Galenilibros legendos esse ordine & pedetentim moneo, nec semel tantum sed iterum & tertio, imò

Nocturnâ hos versare manu, versare diurnâ

Conuenit, atque in his scrutandis immori oportet.

Sic enim ex iis omnibus quasi membris inter se concinnè dispositis atque admodum aptato corpore coagmentatis, exurgere totius medicinæ veluti idæa quædam possit. Alioquin si confuse nihil purum & syncerum inde generabitur; quandoquidem non minùs neglectus ordo corruptionem parere soleat, quàm promiscuus quorumcumque cibariorum vsus facere consueverit: si saltuatim & frustulatim, ex minimè cohærentibus rebus, pug-

nantibusque inter se, prauè intelligentium culpâ, sensis; nihil mirum si quemadmodum in monstrosis conceptibus, hippocentauri quidâ existant & inauspicato partu *pr ma leo, postrema draco, media ipsa chimæra*. Interea verò dum hos tibi aucthores familiares reddere studebis, exercitationi medicæ sedulò incumbendum erit. Caue tamen iterum, mi Pallude, ne velut laxis habenis statim irrumpens, ad opera medica factitanda te conferas, priusquam præeuntes in his aliquandiu seniores quosdam tanquam præceptores sequutus fueris, quorum ductu eademum facere atque exequi securè liceat, quæ inter legendum animaduuerteris. Quemadmodum enim non minimùm profecerit, si quis nauigandi rectè præceptis institutus, egregium aliquem nauis rectorem quomodo se in actu ipso gerat, ob-

seruet, cuius perito exemplo vela
facere, rudentes doctè trahere &
clauum flectere, sicuti res poscere
videbitur, in diuersa consuescat.
Sic sanè non minoris momenti erit
in medicinâ, quod crebrâ rationis
indagine obseruaueris, semel atque
iterum expertos idem aut non di-
uersum admodum magistros vidis-
se quos deinde sequaris optimos, vt
tutò tandem ipse per te, rerum quo-
que certâ experienciâ fretus, vtro-
que rationis scilicet atque experien-
tiæ pede integer progrediaris, quo-
rum alteruter si desit, aut distortus
imbecilliusue fuerit, claudicare pro-
culdubio oporteat. • Et certè qui
sic derepente ad ægros conuolant,
pullis auium non absimiles mihi vi-
dentur, qui volatu suo sibi ante tē-
pus nimium fidentes, neque matrem
sequuti, vbi alarum nisus eos desti-
tuit, in terram afflicti concidunt.

Sed ad quid hæc tibi quem suis fat
viribus diffidentem, atque Hippo-
craticæ Galenicæque lectioni & do-
ctrinæ maximè addictum noui? quò
viam iam tibi tritam magis ac ma-
gis hortor vt persequaris, arduam
quidem & molestant, verùm quæ ad
iucundissima & fructuosissima du-
cat. Suaues autem talis ac tantæ
artis fructus nihil mirum si discen-
di labor præcedere debeat, cum ne
musicen quidem, quâ postmodum
animus demulcetur, non nisi cum
labore & molestia liceat addiscere.
Atque hæc sunt præcipua quibus
medicinæ fastigium conscendere
possis: Sunt tamen pleraque alia
non negligenda insuper documen-
ta eruditioni velut pro condimen-
to adiungenda, quibus nisi instru-
ctus fuerit medicinam facturus, fa-
cilè aberraturus sit:

ANNVS TERTIVS. 335

*Pauca tibi è multis, quotutior hospi-
ta lustras*

*Æquora, & optato possis considerare
portu,*

*Expeditam dictis, tu condita mente
teneto.*

Primum vt ne erres, erroribus te obnoxium animo reputa; neque id te pudeat vmquam fateri exemplo magnorum virorum & Hippocratis præsertim. Hinc enim fiet vt & aliis errandi viam præcludas, & si in eundem aliumue errorem inciderint (cùm nihil ab illis humani vt nec à te sit alienum) satiùs ducas amicè atque ad aurè monere, quàm hostiliter & contumeliosè insultare. Et profectò quicumque licet sciens atque experiens, se exercitationis medicæ salo commisit, & negotiorum medicorum mare ingressus ad clauum assidet; hunc impossibile est quin aliquando vento-

rum vis aliqua ingruens, contrariis
 sæpe flatibus pugnans de statu de-
 turbet, opisque ac consilij inopem
 quandoque reddat, αὐτὰρ αἷψ' ἀγασθὸς
 τότε μὲν κακὸς ἀλλοτὲ εὐδαλός. Hinc etiā
 fiet vt minùs obstinatè tua sis de-
 fensurus, præsertim cùm plurium
 suffragiis improbatà videris. No-
 lim tamen te tam molli, remisso &
 diffidenti animo esse vt quod ratio
 dictauerit argumentis nixa solidis,
 id contra omnium receptissimam
 atque vsitatam opinionem profite-
 ri palam non audeas: Imò contra
 enitendum & quicquid vulgi tur-
 ba reclamauerit pro veritate ve-
 luti pro aris & focis dimicandum
 esse suadeo, vt fecit olim inter plu-
 rimos nostro seculo Brissotus Scho-
 læ huiusce lumen egregium, cuius
 animi magnitudini præsertim de-
 bemus, quòd ex venâ eiusdem late-
 ris καὶ ἔτι magnâ pleuriticorum
 utilitate

utilitate sanguinem mittamus iux-
ta summi Præceptoris doctrinā an-
tiquam. Secundum quod te præ ocu-
lis semper habere velim ut minū
sis erroribus obnoxius, Hippocra-
ticum illud est documentum *μεδεν*
ὑποροαεν, μηδενεικην, quo nihil temerē
neque nisi prius consultā studiosē
ratione faciendum, nihilque eorum
quæ aut ad opus medicum, aut ad
artis existimationem pertineant esse
omittendum moneris; ut etiam in-
terdum minutias quæ videri possint
κατα φλαυρα, Hippocrati cognitu
sæpius difficilia, persequaris. Enim-
vero ut in corio sic in corpore hu-
mano ludere non licet, in quo si
quid erratum fuerit non ita facile
resarciri poterit. Neque umquam
quisquam artifex magnum aliquod
opus perfecturus est, qui parva ne-
glexerit ex quibus constare id de-
bet, cuius gratiā reliqua molitur:

* Lib. 6.
Epid.

Y

Sic lapides ipsos magnos non facile sine paruis cohærere posse videmus; vsque adeò ad rerum semper maximarum summam conferre de suo parua solent. Apage igitur morem istum prauum Hippocratis & Galeni etiam tempore vsitatum, sed nostro heu nimis! quo ne non semper aliquid facere videantur quidã nomine tenus medici in officiosè industrij, noui perpetuò aliquid comminiscuntur quod ægris præscribât & obtrudant: Nam præterquã quòd naturam, quam solùm iuuare deberent, frustra fatigant & labefactant, tunc temporis fortasse cùm omnium optima medela sit nullã vti medicinã; in ægrotantium etiam res maximè peccant quas intempestiuè sic dissipant. Apage eos qui ex aduerso cùm magis oporteat, nihil agentes, omnia fortunæ & naturæ committunt, atque in discri-

mine constitutum ægrum, aut vehementiâ morbi perterriti relinquunt, aut ex vulgi rumusculis infamiam veriti; cùm potius generosum medicum deceat, vt Damocrates dicebat, artis suæ ratione & vsu confisum *συνεταλαίνει τοῖς νοσοῦντις εἰς τοὺς φόβους*, fatiùsque sit periclitari cum ægroto, Philippi exemplo Alexandri magni quondam medici, quàm in medio illum fallo inter procellas fluctuantem sine rectore deferere, & pro conclamato auersari. Quod utinam non ita frequenter hacce tempestate factitatum fuisset: Non, proh dolor! circunforanei nostri Menecratis imitatione Iouis cognomentum insolenter vsurparent, neque Iatronicen Thessali exemplo palam & publicè profiterentur, maximi' omnium artifices habiti quasi depositos in vitam reuocantes. An non socordiâ nostrâ

potius, vt liberè dicam, & trepido quodam commotæ frustra concussæque mentis nostræ terrore, quàm propriâ eorum virtute conspicuos factos esse, & nomen illud adeptos fatendum? Apage præterea eos qui non doctrinæ nomine & compositis moribus, sed importunis sine necessitate officiis benevolentiam aucupantur; qui remediorum exhibendorum occasionem non ex indicationibus, sed ex ægrotantis propensione adulatorio more expiscantur ex imperatoribus serui facti; qui-que sordido quæstu inhiantes ægros non rogati inuisunt, operam suam venditant quo accersantur, aut miserorum nautarum instar vectores vndique & hostiatim cogentium, lucelli exigui spe obuios quosque sollicitare non desinunt, quò sibi officium medicû præstari sinant artis eximiæ maximo dedecore. Ter-

tium tandem & postremum quod
 te monere cupiebam, est vt ab om-
 ni ostentatione & fuco sis alienus,
 ne, quod agyrtarum est proprium,
 elatè & magnificè nimis venditan-
 do te aut ἀρχοῦς μὲν ὡς τυχεῖς ποιη-
 τὴς, vt inquit Hippocrates, &
 inani quadam rerum expectatione
 turbam multam explendo, fiat quod
 ille idem ἐνχαυνοῦ appellat. No-
 li igitur paruos pro maximis mor-
 bos circumferre quò deinde te in
 his vendites, rumusculos falsò ma-
 léque coemptos apud vulgus cap-
 tes & ingentium malorum proffi-
 gator maximus habearis : inanis
 enim gloriæ cupidum minimè de-
 cet esse medicum virum bonum.
 Operum quidem successu qua-
 damtenus delectari licet, nósque
 in his aliquando intra nosmetipsos
 admirari; sed citra iactantiam &
 elatam foras ostentationem, Virgi-

In præ-
 ceptio-
 nibus.

Lib. de
 arte.

lianum lapim imitati veri medici
ideam, qui licet longâ rerum expe-
rientiâ fretus, cûm herbas non te-
merè quæsitâs, sed ab Apolline ipso
commendatas, vulneri Æneæ admo-
uisset, re tamen perfectâ gratias
Diis agit, eorûmque potestati be-
neficium adscribit:

*Non hæc humanis opibus, non arte
magistrâ*

*Proueniunt: neque te Ænea mea dex-
tera seruat:*

Maior agit Deus.

Plura non addam, cûm omnia ex
Hippocratis oraculis depromere ti-
bi sit facile, & quâ prudentiâ animi-
que solertiâ præditus es, temporis,
locorum, occasionis & personarum
habitâ ratione in vsum reuocare
possis. Cæterûm memineris ne vm-
quam

Inuidiam placare pares virtute relictâ.

Dixi.

PRO DOCTORATV
M. VICTORIS PALLV,
IN SCHOLIS MEDICORVM.

DIE MERCVRII XXVIII.
Augusti, anno Domini 1630.

An in acutis { *Risus*
 { *Lachrymæ* } *κακόν ?*

IN hoc programme duæ, vt suprà
in Vesperis, quæstiones proponun-
tur dissoluendæ: quarum primam pro-
posui clariss. viro D. Suart, postquam in-
auguratus fui Doctor Medicus, adeoque
Apollinari pileo donatus à clariss. Per-
rello, cuius grauissimam orationem ha-
bes hîc exscriptam & expressam, sicut &
alterius quæstionis propositionem quam
ipse deinde fecit clarissimo Domino Le
Comte.

Y iij.

344 STADII MEDICI

Postquam pulpitem ambo conscen-
dimus, ante omnia maior Scholarum Ap-
paritor publicè postulauit vt tria iura-
rem, *Primum quòd statuta & laudabiles*
consuetudines huius saluberrime Facultatis
semper obseruabo, ad quemcumque statum de-
uenerim: secundum quòd comparebo in Mis-
sâ pro defunctis in crastino Diui Lucae Euan-
geliste: tertium quòd totis viribus procedam
contra illicitè practiçantes cuius tandem gra-
dus vel vniuersitatis fuerint. Quæ vbi iu-
raui, me tandem Clariss. Perrellus to-
tius Facultatis nomine Doctorem inau-
gurauit, laureauit, coronauit, factò fre-
quenti clarissimorum Medicorum audi-
torumque concursu & confessu.

ORATIO PRO INAUGVRATIONE

M. Victoris Pallu à clariss. Perrello
in scholis Medicorum die & anno dictis habita.

QUod non ita pridem pollicita tibi per me fuerat saluber-
rima hæc Medicinæ Facultas, (in-
clyte Pallude) id ipsum ex pacto ho-
die perficiendum aggredior: seriùs
fortasse quàm tibi tuisque *συγγα-
διόδρῳ μοις* in votis fuisset; sed tem-
pori tamen, cùm sera dici non pos-
sit ea gratulatio, quæ nullâ negli-
gentiâ prætermissa est. Equidem
non sine causâ in hunc vsque diem
distuli laureâ tibi debitâ frontem
cingere: Nam præterquam quòd
cunctabar onus recipere quod hu-
meris impar esse sciebam, impen-

se præterea exoptabam, & tui meique gratiâ cupiebam vt à viro laudatissimo laudaréris, & ornatissimo ornaréris, cui ex ordine id muneris contigerat, clarissimum huiusce scholæ Doctorem intelligo D. Pisonem, cuius famæ insuper pro cumulo accessit, quòd principibus placuerit viris, & à Rege Christianissimo simul ac inuictissimo primarius Serenissimæ Reginae maioris Britanniae Medicus nuper fuerit designatus. At quando fata tibi hanc gloriam inuiderunt, eique pariter delatum tuæ inaugurationis munus eripuerunt, quod se maximè affectare sæpius significârat : Ecce tandem succenturiatus accedo lubens libensque, eâ potissimum in re tibi mihiq; congratulans, quòd liceat nunc dignum & par præmium laborum ei tribuere, qui meis olim auspiciis non infœliciter meruerit

atque militauerit. Sic fane, mi Pal-
lude, nedum tuæ virtutis testis ade-
ro & admirator, sed & remunera-
tor locupletissimus, qui *Βερεσσορ* il-
lud conferam quod amplissimum
esse omnes agnoscunt. Enimuero
etiamsi te iucundissimum Medici-
næ studium in primis ceperit at-
que pellexerit, ciúsque viridaria &
hortulos superbis Iurisprudentiæ,
alioquin tibi adbládientis, palatiis
lubés anteposueris, adeóque malue-
ris mutas nobiscum artes, non ta-
men inglorius, agitare, quàm vbi
eloquentiæ tuæ flumina ostentare
& magni locare posses, oratoriam
exercere : Nihilominus & suos dat
Galenus honores, nec spernenda
venit amictus huius Pœonium in
morem maiestas atque dignitas. Et-
enim vt de scientiæ artisque præ-
stantiâ nihil dicam, in quâ nulla po-
test esse perfectio sine illâ encyclo-

pædiâ quæ viam munit ad fœlicitatem; hic certè concessus ornatus totus regius est, imperatorius & sacrosanctus. Diuina equidem insignia ei arti suo iure debebantur, quæ humano generi supra cæteras salutaris est & benefica; vt nō immeritò antiqui Machaona, Podaliriū, Æsculapium, Hippocratem, cæterosque eximios Medicos in Deorum numerum retulerint, & diuinis honoribus coluerint, delubris etiā excitatis: Quod vt idololatricū & Paganicum licet improbemus nos qui veræ Christianæque religionis obseruatores medicinam omnem & salutem vni Deo Opt. Max. acceptam referimus, quique naturā causæ tantū secundæ & instrumenti vicem tenere, medicum verò vtriusque ministrum agnoscimus: Attramen rationes quibus moti id fecerint, neminem arbitror

qui non maximi ponderis & aucto-
ritatis esse ducat. Videtur quippe
Medicus Deū æmulari, dum quod
ipse formauit opus omnium elabo-
ratissimum pulcherrimūque, tuc-
tur & conseruat veluti continuatā
productione. Quod si medicamen-
ta Θεῶν ἁπλῆς sunt, certè Deus est aut
Deo proximus qui illis sapienter
vritur, qui naturæ motus obseruat,
eique pene à consiliis & arcanis per-
petuò adesse cernitur. Atque hinc
factum putauerim vt Angeli & Ar-
changelī aliquando medicinam fa-
cere nō fuerint dedignati; & *Chri-
stus* ipse gētium salus mortalis spe-
cie in terris degens solius medici
nomen sibi assumpserit, qui iam ab
initio & orbe condito medicinam
Altissimus crearat, medicūque re-
uerenter habendum postmodum
præceperat. Hac, opinor, diuinæ
legis commendatione non apud

* Plato
s. de Re-
pub.

* Vt ex
verbis cap.

3. Esaiæ
colligi po-
test. Vide

Plin. lib.

36. cap. 1.

Ægyptios * solùm, sed & Hebræos *
non nisi è Philosophis & Medi-
cis Sacerdotes, & è Sacerdotibus
Reges quondam electos legimus.
Quo minùs mirum videri debet, si
Regum ornamenta etiamnum reti-
nuisse videmur. Neque verò ideò
tantùm regia censerì debet medici-
na, quòd eam olim atque etiam non
ita dudum coluerint Reges plerique
& viri principes: sed & quòd ea Ar-
chitectonica subiectis artibus im-
peret ac dominetur, quarum ope
totam armat naturam aduersus in-
ternos & externos Reip. humanæ
hostes quibus sese opponit, Regis
optimi exemplo, prouidens ne quid
detrimenti capiat Resp. cuius nimi-
rùm suprema lex est salus publica.
Ne quis deinceps miretur, si nefarij
aliquando Imperatores qui orbem
perditum volebant, omnia susque
deque vertentes, Medicinam cum

Astræa longè relegauerint, exilio-
 que damnauerint: vnde vtraque in
 cœlum originis suæ locum egressa,
 vix potuit reuocari. Quamquam sa-
 tis scio numquam in Medicinam sed
 in medicos, qui, vt Sidonij Apolli-
 naris verbis vtar, Chironicâ magis Epist. 12.
lib. 2.
 instituti arte, hoc est, malâ & morti-
 ferâ, quàm Machaonicâ, hoc est, sa-
 lutari erant, latum fuisse hoc toties
 medicinæ immeritò & indignè ex-
 probratum proscriptionis edictum.
 Ecquid verò Imperator libidinum
 morborumque seruus in Illam Re-
 gum rectricem & imperatorum im-
 peratricem? Quid enim verebor
 Medicinæ tribuere quod Theodo-
 ricus Rex apud Cassiodorum me- Variarum
lib. vj. for-
mulâ 19.
 dico suo huius artis nomine con-
 cedere non dubitauit? *Indulgeto*, in-
 quit, *palatio nostro, fiduciâ habeto in-*
grediendi, quæ magnis solent pretiis
comparari: Nam licet alij subiecto in-

* Depra-
uati codi-
ces aliter
legunt.

*re seruiant, tu rerum Domino studio *
præstanti impera ; fas est tibi nos fati-
gare ieiuniis, fas est contra nostrum sen-
tire desiderium, & in loco beneficij di-
ctare quod nos ad gaudia salutis excru-
ciet. Non igitur temerè & præter
consilium regia purpura medicum
vestit, ornat, & à profano vulgo
distinguit. Enimuerò quâ gratiâ
apud Amaxobios in more positum
aliquando legimus, eos qui artis
aliquid repererant, aut aliunde ac-
ceptum excoluerant, & ad commu-
nem vtilitatem conuerterant, do-
natos fuisse veste honorariâ, cui im-
portatæ vel excultæ artis argumen-
tum intextum erat, insigne reman-
surum in familiam ad posteritatē:
Non aliâ procul dubio ratione
Medicis, quod salutarem vniuersis
artem inuenerint & auxerint, om-
nisque eorum cura & opera ad pu-
blicum pertineret, honorariam ro-
gam*

gam iure meritò oblatam fuisse,
 existimandum est, quæ deinde ad
 nepotes transierit in artis egregiæ
 præmium, dignitatem & auctorita-
 tem; concessus si quidem cultus ma-
 gnificus addit hominibus auctori-
 tatem, *ἐκ γὰρ τοι πύτων φάτις αἰδεσ-
 ποιεὶς ἀναβαίνει ἐαδλὴν*, inquit antiquis-
 simus Poëtarum Homerus. Maecte
 igitur virtute & honore (mi Pallu-
 de) iisque gaude splendidis orna-
 mentis quæ tot egregiis facinori-
 bus studiorumque experimentis me-
 ruiſti. Nuper tu coccinatus in hac
 arenâ, non coniugali, ut putabatur,
 sed equestri annulo plaudentibus
 vniuersis donatus es à disertissimo
 Encomiaſte; neque id sanè sine exē-
 plo, cū Augustus equestri digni-
 tate olim decorarit Antonium Mu-
 ſam * medicum suum, atque om-
 nes deinde medicinam professo-
 Nunc verò veluti gradibus ad ho-

* Hoc re-
 fert Cæ-
 lius Rho-
 dig. lect.
 lib. 6. c. 12.

Z

nones factis, latum clauum senatorium hodie recipis, apparent tibi lictores cum fascibus, & in supremâ hac orchestrâ tanquam in dignitatis apice & fastigio collocatus sedes, ex quâ iam possis legere, interpretari, docere, ac omnino de quacumque controuersia sententiam pronuntiare. At tandem ne laurea isti tuæ triumphali inaugurationi diutius deesse putetur, ecce illam, (Victor non minùs re quàm prænominè inclyte.) Quid? triumphinomine erubescis? pudorem istum probo: verùm si minorem laudem existimas te medicum communibus Doctorum, hoc est, sapientum suffragiis, in hac omnium celeberrimâ medicorum familiâ inaugurari, quàm aut Athenis Olympionicen fuisse, aut Romæ triumphantem, vehementer erras: illorum quippe gloria caduca erat & inanis quæ ex

solo populi fauore penderet, quo
 cum & ipsa euanescebat : Tu verò
 exacto grauissimorum virorum iu-
 dicio & æquo calculo comproba-
 tus, famam adeptus es sempiternam,
 cum arte quam honorificentissi-
 mam omnibûsque salutarem tibi
 peperisti : Sapientum approbatio
 etiam si paucorum, plebis ac multi-
 tudinis applausum longè, crede mi-
 hi, superat. Sed quid te pluribus mo-
 ror? aut quid gaudia tua differo, &
 pileum hunc Apollinarem capiti
 tuo imponere cesso? Quadratum
 vides, vt in omnibus constantem te
 & perfectum præstes, virtutum re-
 tragono insistentem, scientiarum-
 que quadriuo ornatum; quatuor
 veluti cornua, orbis imperiû porten-
 dunt quatuor plagis distinctum, &
 elementis quatuor conflatum; quin
 etiam quatuor medicinæ partes
 ostendunt, tibi per studiorum qua-

driennium comparatas. Imâ tamen parte rotundus idem est pileus, vt verticem instar coronæ cingat. En igitur tibi, post emensum foeliciter stadium, nomine totius Scholæ, coronam dono Delphicam, esculeâ, pineâ, gramineâ, myrtheâ, aliisque id genus, imò aureâ & argenteâ portio- rem: quippe quæ præter eximiû exantlatorum laborum insigne & studiorum præmium, significet tibi licere medicinam hîc & vbique terrarum docere & facere. Quod vt foelix fortunatûmque sit, accipe illam, mi Pallude, in nomine Patris & Filij & Spiritus sancti.

Pileus capi-
piti impo-
nitur, &
alapa leui-
ter impri-
mitur.

ACcepto pileo veluti tunc primûm Doctoris personam sustinens partesque gerens, quæstionem proposui clariss. viro D. Suart, quam ille postea fusissimè explanauit, & doctissimè definiuit. Quæstio autem talis fuit.

*An risus in acutis**κακός ?*

VT vultus sic sermo animi index, quem lingua licet bifida minimè tamen duplex vel inuita prodit. *mouet sua quemque voluptas.* Ita sanè me ea quam impensè sentio huius diei iucunditas, si non ridere impellit, at certè de risu sermonem habere, qui gaudium testatur intimum, tantum equidem vt etiam lachrymas exprimat : Neque enim hîc Democriti risum, aut Heracliti lachrymas ad ostentationem sapiëntiæ paratas proponimus : Noster risus non melancholiæ sed gaudij est impetus, qui etiamnum maior erumpit quòd te (amicissime Suart) hodiernæ fœlicitatis testem & participem nactus fuerim. Attamen ne

Z iij

grauissimum virum de rebus leuissimis ineptè percontari videar dum quæstionem de risu afferro, eandem vt ad morborum prognosim tātūm pertinentem nunc perstringam. Tu pro eā quā plurimūm vales ingenij solertiā & eruditione controuersiā dirimes atque compones. Esto igitur problema, an risus in acutis *re-*
ris? Pares sunt vtrimque dubitandi rationes, quas antequam expono, de naturā & causis risus paucis dicam: & quidem prius de eo qui est secundum naturam, quā de eo qui est contrā. Risus homini tam est naturalis, vt proprii exemplum Porphyrio fuerit; tamque proprius vt differentię locum pene teneat. Quid tamen sit, & à quibus causis profiscatur pauci attigerunt, paucissimi explicarunt; quæ inquisitio ideo ad te (docte Suart) tantō magis pertinere videtur. Sed interim dum

tu discendi auidos satiabis, ego gustum excitabo. Primùm itaque pono risum esse cordis diffusionem cum vibratione quâdam septi transversæ necnon musculorum thoracis & oris, atque hanc vibrationem significare aliquem animi motum: sed quem, quôque modo motus cordis musculos moueat, magnâ dissensione controuertitur & disputatur. Valeriola risum solius gaudij sobolem esse censet, & admirationem sustulit quam Fracastorius cap. 20. lib. de sympath. præterea addiderat: Illam rursus adducit Vallesius * qui potiore arbitrat

* Contro-
uers. lib.
5. cap. 9.

tur Fracastorij sententiam, hoc præsertim argumento quòd solus homo rideat, nempe quia solus admiratur; ac subinde fatuos & pueros sæpius & impensius ridere ait, quia plura admirantur. Neque tamen omnia mirabilia putat ridicula, sed

Z iiij

ea tantum quæ cum facilitate iucunditatem habent adiunctam: facilis quippe admiratio risum concitat, magna ecstasim: sic leues curæ loquuntur, ingentes stupent. Non igitur semper ridet qui miratur, sed quodam modo miretur oportet, qui ex animo ridet. Neque aliter ex titillatu seu tactu paritum acerrimo sensu præditarum, risum prouocari existimat; si quidem in eo voluptas repente & latenter accedens transfundit ad cor gaudium cum quadam specie nouitatis: unde fit ut nullus risum sibi excutiat, quantumvis seipsum titillet, quia nullius tactus potest sibi ipsi occultè occurrere; facit enim ad eiusmodi risum fraudulentus & clandestinus tactus; quod innuit Arist. dum probl. 6. sect. 35. scribit risum alienationem quandam esse & fraudem. Hinc etiam fortassis fit ut ti-

Hinc collige risum
ex titillatu
proprie
risum esse
contra quā
sentit Iu-
bertus li-
bello de
risu.

tillatio quæ est maxima in coitu,
risum tamen non excitet; nisi fortè
ingens tum voluptas, quemadmo-
dum suprà admiratio, ecstasin po-
tiùs facit quàm risum. Sed hæc
parerga sunt, & ad controuersiam
nihil attinentia: Ex quibus tamen
intelligimus admirationem alteram
esse risus naturalis causam. Et sane
quî fieri posset motus ille muscu-
lorum thoracis & oris, si nulla esset
in risu partis animalis passio? aut
quo modo risus voluntatis imperio
cohiberetur, si ex solo dilatati cor-
dis motu nasceretur? Attamen &
hoc maximè dubitari potest an ri-
sus voluntatis nutu contineri pos-
sit libérque sit motus, quo diffusis-
simo vel plerique expirarunt, vt
probatissimæ testantur historiæ: Sed
ne hîc diutius hæreat animus an-
ceps & dubius, ad alia transuolat.
Iam itaque venio ad risum sympto-

maticum. Is, vt opinor, eandem atque naturalis habet causas, verum deprauatas & absurdas: fit enim cum læsa & delirans phantasia, absurda quæque fingit, aut obiecta quælibet velut noua & iucunda apprehendit, rationique repræsentat, cuiusmodi admiratione pariant ac subinde risum, qui eo tantum nomine symptomaticus & contra naturam reputandus est, quod nascatur ab errore mentis absurda quæque admirantis. Alia tamen eius causa assignatur ab Arist. 3. de partib. animal. cap. 10. ni. excalfactum quauis de causa diaphragma, vt non possit facultas illud continere, quâ ratione crocum potu risum præter naturam facere suspicatur Vallesius: quamquam alij hunc potius Sardonio similem esse affirmant, qui nihil minus quam risus est, sed *σπασμὸς* musculorum

faciei, quomodo solent conuelli
 ab esu illius ranunculi * qui in Sar- * Aut apij.
 dinia frequentissimus est. Sic, opi-
 nor, læso diaphragmate conuulsi-
 uus eiusmodi risus cernitur, non
 verus, nisi fortè tum ex delirio mē-
 tis contingat. Quicquid sit verus
 risus in morbis, qualem hīc poni-
 mus, si quidem naturalis non est,
 duo omninò significat, putà vel
 mentis alienationem, vel excalfa-
 ctum septum transuersum, quam-
 quā de posteriori magis dubitatur.
 Estne igitur ille in acutis κακός, seu
 in malis signis ducendus? Hippo-
 crates Aph. 53. sect. 6. de eo sic cen-
 set, αἱ πρὸς αὐτοὺς αἱ μὲν μὲν ἡγώ-
 τος γινόμεναι, ἀσφαλέστεραι· αἱ δὲ μὲν ἀσπυ-
 δῆς, ὅπως ἀσφαλέστεραι. Deliria (inquit)
 quæ cum risu fiunt, securiora sunt.
 Delirant ægri, imaginibus quibus-
 dam sentientibus internis faculta-
 tibus oblati, quarum gratiâ quæ

non sunt, esse putantur. Has imagines mutant vapores humorum, unusquisque pro suâ naturâ; inter cæteros sanguis grata repræsentat, ac subinde risum commouet. Quare ludicra deliria & ridicula arguunt cerebrû sanguine solo occupatum, eoque non contaminato, sed tantum æstuante & qui facilè emendari potest. Verum-enimvero nedum acutorum, sed & omnium morborum mitissimi sunt quicumque à sanguine committuntur, vt inductione probari facilè posset, in quibus semper optimum est nullam subesse illius corruptelam. Vnde

Risus in
acutis bo-
nus est vt
signum.

sequitur risum in acutis optimum fore signum, eadem ratione quâ somnia grata & iucunda apud Hippoc. bona sunt & (cæteris consentientibus signis) salutaria: utrobi-que enim gratæ imagines phantasiæ offeruntur benigniorum purio-

rúmque humorum indices. Ex alia
 tamen parte risum in acutis malum
 esse, possumus inferre ex eodem di-
 uino Sene qui Aph. 33. sect. 2. hoc
 effatum protulit ; *In quouis morbo
 valere rationem, bonum : contrà verò
 se habere ; malum.* At verò intem-
 pestius risus si non semper, saltem
 vt plurimùm signum est rationis
 prauè & peruersè sentientis. Igitur
 cùm vbiq̃ue malus sit, maximè in
 acutis in quibus animi præsentia est
 opus. Quod si quis etiam putet il-
 lo diaphragmatis affectionem signi-
 ficari, tantò magis in acutis malus
 erit. Plura non addo, ne propo-
 nentis fines transilire videar. Prin-
 cipium omnis veritatis dubitatio
 est, quæ artis & naturæ diligentissi-
 mos sollicitos atque inquietos ha-
 bet, donec illam inuenerint: non ta-
 men cuiusuis est de rebus magnis
 maximèque arduis existimare ac de-

Malus vt
 sympto-
 ma.

cernere. Id ipsum tibi relinquo, Doctiss. Suart, à quo hanc gratiam expeto & expecto, vt hoc minimè ludicrum, licet de risu, propositum, pro tuo singulari, sincero & subtili iudicio, tandem definire non graueris.

QVÆSTIO A CLARISS.

viro D. Perrello proposita.

An lachrymæ in acutis malæ?

MIraberis fortasse, quamquam non rides; (Comes clariss.) cur solenni hocce die quo ridere omnia videtur, ipsique etiam Scholæ huius parietes gestire, orationem ad fletum deflectam, lætisque tristia miscēs, intempestiuīs lachrymis publicam istam lætitiā tur-

bare & corrumpere non dubitem.
 Verùm si attentius perpendas, rém-
 que penitiùs examines, humani ni-
 hil alienum cognosces. Enimuero
 si vera sunt quæ de Thracibus tra-
 duntur ab historicis, & de Cauca-
 sianis à Strabone, iis nempe *ῥόμιμον*
ἐλ) τὸν Φῶτα ὁπλῶν, in lege & more
 positum fuisse recens natum fletu
 excipere, lachrymisque in lucem pri-
 mùm venientem prosequi, quasi in
 fortunæ ludibrium, miseriarum ex-
 perimentum, & æumnas editum :
 Si Romæ seruus à tergo triumphan-
 tis tristitia in aurem insufurrabat :
 Quidni hodie idem mihi liceat fa-
 cere, nascente primùm & Phœbi
 lumine suauissimo fruente, simul ac
 triumphante Palludo nostro. Mise-
 ra est, fateor, hominis conditio, sed
 miserrima Medici, qui licet incul-
 patissimus, innumeris tamen calum-
 niis obiicitur, dum solus factorum

inuidiam sustinet, aut si quid à clinicis mulieribus, Chirurgis, Pharmacopæis, atque etiam ægris ipsis peccatum fuerit, omnium errores immeritus præstare cogitur. Hætenus nouo Doctori satis fuimus gratulati, nunc præstat Palludi natalem lugere, & Victoris triumphum lachrymis potius quàm risu excipere. Sic fiet hac gaudij & doloris misturâ animus temperatior & ad omnia paratior. Iam itaque à risu ad lachrymas venio; atque ne quis gaudij an doloris indices dubitet, Tu pro eo quo præditus es maturo prudentique iudicio, defines, sintne in acutis lachrymæ bonæ vel malæ?

Duplicis autem sunt omnino generis: Aut enim cum voluntate fluunt quas ἐκούσια δάκρυα, τῶν ἐκόντων καὶ κατὰ προαίρεσιν vocat Hippocrates; aut sine voluntate ἀεκούσια,

τῶν

καὶ μὴ ἐκόντων καὶ μὴ κατὰ προαίρεσιν: Il-
 las quidem spontaneas, has verò
 non spontaneas fere omnes inter-
 pretantur, idque malè meo quidem
 iudicio; cùm ex aduerso sponta-
 neæ dici debuissent quæ contra vo-
 luntatem fluunt: Quo sensu Vas-
 sæus exposuit sententiam octauam
 sect. 2. lib. 1. Epid. & Brassauolus
 Aphorismum 52. lib. 4: Quod &
 idem fecerunt viri non contem-
 nendi. Neque mihi satisfacit quod
 in medium proferunt quidam, spõ-
 te aut ad ægrum referri, aut ad mor-
 bum; & sic pro vario respectu con-
 traria significare posse, tum lachry-
 mas quæ sponte ægri, hoc est, vo-
 lente ipso, tum quæ sponte morbi
 (vt aiunt) seu nolente ægro, aut po-
 tiùs motu proprio humoris ponde-
 re suo ruentis fluunt. Nam præter-
 quam quod non tollit hæc distin-
 ctio confusionem, si alicubi vitan-

dam, maximè in medicina, quæ legentium animis inde suboriri potest, quòd illud sponte diuerso apud diuersos interpretes sensu positum reperiatur: Id præterea contra genuinam Hippocratis mentem directè pugnare videtur, apud quem αὐτόματον, seu spontaneum, id dicitur, quod à natura intrinseca sine voluntatis imperio fit. De prioribus non est hic sermo, quas ὁσδὲν αὐτοπὸν σημαίνει omnes ex Hippocrate & rei veritate fatentur, cùm à causis externis ἐξέλασμον puta ἢ τέρησιν τῶν φιλαῶν καὶ χρημάτων ex Philotheo & ex Oribasio à ficto dolore aut alio animi pathemate excitentur; quæ omnia nullam de morbo, deque eius exitu significationem præbere possunt, aut si aliquam fausti potiùs ominis ex Hippocrate sectione prima libri sexti epidemion: si quidem & mentem con-

stare, & lethalia ex oculis signa de-
sumpta, squallorem, concretionem
& immobilitatem abesse demon-
strent. De posterioribus igitur seu
inuitis quæstio tantum erit, quas
quidem lethales esse constat ex Hip-
pocrate locis citatis, & alibi passim:
ὅχθοισι ἐν τοῖσιν πυρετοῖσιν, ἢ ἐν τῇσιν ἀλλή-
σιν ἀρρώσθησι μὴ καὶ πρὸς αἵρεσιν δακρυόεσιν,
ἀτοπον: quia inquit denotant ἐχά-
ττω ἀσθενεῖαν τῆς κατεκλικῆς δυνάμεως,
quæ quod modicum etiam in ocu-
lis restat continere nequit; aut, ut
non malè Argenterius, valde igneū
calorem colliquantem propriam ce-
rebri & oculorum humiditatem in-
dicant. Alioquin si à debilitate id
fieret, morituris continuo fluere-
nt lachrymæ; contra quam quòd ex-
perientia docet, si quidem moritu-
ri vix flere possunt ob symptoma-
ta in oculis pessima iam comme-
morata. At contra malas non esse

plura suadere videntur. Cùm enim ἀπεραιρέτως fluere possint in acutis lachrymæ multis aliis de causis præter iam dictas, nimirum ἢ δι' ὀδυνῶν καὶ πολλῶν οἰνοποσίαν τὰς θερμαίνεσθαι τὰς ὕλας ἐν τῇ κεφαλῇ, ἢ διὰ φλεγμονῶν τῶν περιζωκότος ὑμῶος τῷ ὀφθαλμῷ ex Philotheo; aut præterea ob aliquam causam externam irritantem oculum, fenum nempe, aliamue id genus, quarum vnaquæque si expendatur nihil mali portendere videtur, vt omnibus in confesso est: Non video cur absolutè concludendum sit mali ominis esse inuoluntariè profluentes lachrymas. Dicam amplius ne quidem mihi videri funestas ex causis à Galeno & Argenterio supra recensitis. Enimvero cur ex oculi partis ad melius esse debilitate, liceat tantum sperare doloré? siquidē absque infausto exitu sæpe videamus, & ventriculi & he-

patis etiam partiũ ad vitam maxi-
 mē necessariarum ἀσθενείας. An non
 lachrymas fundere possunt acuto
 morbo laborantes, calore liquan-
 te solũ excrementitias cerebri hu-
 miditates? Nōne ebulliente in va-
 sis sanguine, anathymiasis multa
 cerebrum feriens natura frigidum
 & humidũ, velut circulatione qua-
 dam in aquam resolui potest, in-
 déque per oculos perinde atque
 alias subiectas partes depluere sine
 ægrotantis pernitie? Sed ne diu-
 tius te morer, ecce pro omni ma-
 chinâ Hippocratem in medium
 affero, qui disertissimis verbis lo-
 co citato sectionis secundæ lib. 1.
 Epid. docet boni esse iudiciij, tan-
 tum abest vt mali: οἷσιν, inquit, ἐν
 πυρετοῖσιν ὀξέσι, μᾶλλον ἢ καυσώδεσιν ἀε-
 χύσια δάκρυα ὑπερῖον τούτοις ἀπὸ ῥινῶν
 αἰμωρῶν γίαν πρὸς δέχεσθαι; quod idem
 repetit libris de Crisibus. Vides,

Aa iij

vir clarissime, dissentientes hinc inde summi Præceptoris sententias, rationibus non omnino negligendis confirmatas. Quid super eo dubio sit statuendum, quo polles ingenij acumine, si placet explicabis.

Post enodationem dubij propositi, tandem incepti.

IN SOLENNI INAVGV-
RATIONIS DIE,
GRATIARVM ACTIO.

ERgo me (Asclepiadarū proceres) suum agnoscit augustissima hæc Epidaurij Æsculapij cultrix Roma: Ergo iam licet proquirari *Civis Romanus sum*; non pallolatus sed togatus medicus, ac in principe Scholâ solenni ritu inau-

guratus : Et qui prius hospes eram
& extraneus, nunc quemadmodum
Prusias ille apud Appianum, * ego
Εἰμὰ τε Ρωμαϊκὸν ἀμπεχόμενος, ὃ κα-
λοῦσι τήβεννον, καὶ πλεὺς κεφαλῶν ὄξυρη-
μέρος, καὶ πύλον ὀπτικείμενος, me liber-
tum vestrum profiteor. Liberta-
tem dedistis qui ciuitatem, siqui-
dem iure ciuili merè liber nemo po-
test esse, qui non idem sit ciuis: Li-
bertas enim ciuilis, propriè ciuitas,
inquit Tullius. Et quidem cùm Ro-
mæ triplex esset Libertinitas, Ro-
mana, Latina & Dedititia, priori tā-
tū ius ciuitatis consequiebantur
Libertini, cæteris non item, quibus
veluti vinculo seruitutis adhuc ad-
tinebantur, ait Tacit. Illa ideò ple-
na dicebatur, iusta & perfecta li-
bertas, cuiusmodi maximè solennis
fuit donatio, quæ fiebat vindictâ
Prætoris in caput impositâ, circum-
uertente seruum Domino, eique a-

* Princi-
pio belli
Mithrida-
tici.

A a iiij

lapam incutiente: Tu mihi (Perrelle æternum colende) Prætor, tu Dominus & Patronus, qui me tot beneficiis emisti, ut solus quasi tuum vertere, mihi que iustæ libertatis aliam lapam simul & pileum dare potueris. Non equidem sorte ita res cecidit. Ego idipsum effusis votis optavi, & postquam clariss. Pisone frui non datum est, ab utroque impetraui, à te ut velles, ab illo ne negaret. Nō igitur fortunæ, sed utriusque summum est beneficium, quod hodie votorum compos fio fortè ad invidiam foeliciū: illam tamen non metuo quominus me ista purpura palam delectet, mihi que in hoc nouæ dignitatis fastigio primum collocato gratuler. Date hoc (viri Medici) tantī muneris magnitudini, quod laudis & gloriæ audissimum alioquin animum implet & satiat. Olim postulauit Alexan-

der Magnus ciuitate Romanâ donari : At iam ego vester sum ciuis, eius (inquam) ciuitatis municeps, cuius *Ciconiæ* Romanis Aquilis non sunt inferiores. Illæ, præterquam quod medicinam peculiari symbolo significant, crocitanes aduersus vestra decreta coruos singulari antipathiâ fugât; noctuis aut vespertilionibus clam insidias moliētibus admirādâ prorsus ~~vim~~ prouidētiâ^{rum} nocēdi eripiūt, pestiferos denique serpentum, quibus cum perpetua odia exercent, sibilos, morsus & afflatus reprimunt ac vindicant : Ita quidem vt aduersus imminentes huius Scholæ hostes & osores tutius propugnaculum opponi non potuerit, quàm scutum eiusmodi in quo ciconiæ tutelares conspiciūtur. Antiquis Hygiæa colebatur ciconiam dextrâ gerens & ostentans: hîc verò nō vna sed plures saluberrimi ordi-

nis concordia designantes vestra stēmata insigniunt, & monumenta ob-
signant. Hoc sanè crediderim *ἡ δὲ*
σημὸν perpetuum ver asserens, pri-
mario eoque florentissimo Medi-
corum Parisiensium collegio de cæ-
lo datum, velut Romanorum An-
cile aut Troianorum Palladium, de
cuius proinde origine nefas est an-
xiùs inquirere, & ætates tabularum
consulere. Nunc satius fuerit *ἀντι-*
πελαργεῖν, * hoc est, pro concessio ve-
strarum Ciconiarum præsidio exi-
mióque iure, gratiam redhostire, &
si nequeo paria reponere, saltem
pro beneficio officium rependere,
vobisque vniuersis præceptoribus
meis sapientiss. & nunc vestro mu-
nere collegis, quem debeo cultum
atque obseruantiam publicè profi-
teri. Hoc me, vel tacita admo-
net vestra pietaticultrix ales, quæ
educatoribus suis vicem reddens, &

* Recico-
niare ex
Scalig.

in hospites atque beneficos grata,
 egregiæ virtuti nomen dedit. * Est
 illa rationis expers gratitudinis exē-
 plum & pietatis, sed quam *animal*
mentis capacius *altæ* longè debet hac
 in parte superare. Profectò nihil à
 brutis dissidemus, si tantùm in ho-
 mines grati fuerimus: Nobis utiq;
 euolandum est supra cœlum, & vn-
 de fluxit ratio, illuc erigenda: Nos,
 inquam, qui in Dei ter Opt. Max.
 cognitionem soli cum Angelis af-
 surgimus, possumusne citra impie-
 tatis crimen tam munificentissimū
 bonorū omnium largitorem tacere?
Prius adhareat lingua faucibus meis, &
os meum obmutescat. Tibi igitur (sum-
 me Deus cuius numen est suprà om-
 ne nomen) quas potest humilis ani-
 mulus concipere, & vox exprimere
 gratias habebo sempiternas, quòd
 me de sinu potentiæ tuæ eductum
 homuncionem nudum non abiece-

* Ab illâ
 enim ἀν-
 παρόρροια
 gratitudo
 dicitur.

380 STADII MEDICI
ris, & densis ignorantiae tenebris
immersum non siueris, sed benefi-
ciis tuis cumulaueris, & singulari
tuâ indulgentiâ in istum vsque diem
seruatum, ad hunc scientiae, quan-
tulacumque est, gradum & honoris
apicem euexeris.

Horat.
Ode 3.
lib. 4.

*O mutis quoque piscibus
Donature cygni si libeat sonum,
Totum muneris hoc tui est,*

Quod placui, quod merui, quod ob-
tinui. Omnia à te habeo, imò non
meus sum, sed tuus: dedisti corpus,
dedisti mentem, dedisti totum. O
te bonorum omnium fontem in-
exhaustum, liceat mihi in isto sub-
selliorum excessu, Orphico hoc
carmine tandem venerari.

Pleraque
ex Scalig.
ad calcem
exercitat.

*Qui regnas vbique, sine loco: sine
tempore, semper.*

*Immobilis absque statu: pernix, si-
ne motu:*

ANNVS TERTIVS. 381

*Trinus sine numero: sine quantitate
magnus:*

*Bonus sine qualitate: sine partibus-
que totus.*

*Intra omnia; sed non tamen inclu-
sus in ipsis*

*Extra omnia; sed non tamen exclu-
sus ab illis.*

*Immutabilis etiam cum cetera mu-
tas.*

*Absque labore regens: sine dispen-
dio creator.*

*Sine nocte dies: Sol sine limite occi-
dents.*

*In quem penitus nulla potest neces-
sitas.*

*Sine principio principium: absque
fine finis.*

*Cui præteritum non abit; haud su-
bit futurum.*

*Ante omnia, post omnia, totus, vnus,
Ipse. **

Sed quid audeo immensum & infi-

* *Autē
Autē
Platoni
Deus dice-
batur quasi
prima in-
dearum
idea, & su-
pra omniū
excellentiā
posita.*

De Chari-
lao Plutar-
chus in
Lycurgo.

nitum ens sanctis adstringere nu-
meris? Age mens: adora, & tace.
Quin ad te sermonem & vota con-
uerto, *Mater Augusta*, etiam in cœlis
humana nobisque accessa, atque
apud filium potens & gratiosa, quæ
Θεοτόκος orbi Sotera, & verum Cha-
rilaum Virgo peperisti: Gratia ma-
gna tibi, quæ clienti opem implo-
ranti tuam numquam defuisti. Tu
mihi in hoc mundi Oceano flu-
ctuantî Cynosura, tu Helice, ad quâ
cursum omnem semper dirigam, si-
ue me æstus siue flatus egerit, cer-
tus non nisi fœlicem portum sic na-
uigantem posse capere. Vos etiam
patronos inuoco *Cælites* quotquot
estis beatissimi illius triumphantis
Reip. ciues, cuius præsens sine lap-
su, lætitia sine gestu, gaudium sine
risu: vbi denique ab vno omnia
sunt in omnibus. Quam hîc lubens
acquiescerem, & optatissimo fine

orationem absoluerem, nisi me gratia vestrorum beneficiorum memoria in terras reuocaret: pro quibus si non amplissimis verbis, ac certè sincero affectu maximas ago grates vobis vniuersis & singulis huius celeberrimæ Scholæ Medicis clarissimis; præsertim tibi Petræ Decane meritissime: tibi Boujoneri, tibi Guenalde, actuum meorum moderatores obseruantiss. quorum omnium proluxa in me studia & summa beneficia ne verbis quidem possum æquare. Tanta contulistis vt quicquid vobis reddidero, semper plurima debeam, & si per anatocismum crescit debitum, plusquam omnia; Quod in me est præstabo ne illa malè collocasse videamini, perpetuóque in vos obsequio efficiam, ne me aliquando vestris muneribus indignum iudicetis. Sic perpetua fiet amoris in me vestri,

& cultus in vos mei vicissitudo. Neque te præteribo, Moræ præstantissime, quem & inter studiorum meorum rectores atque *μουσαγωγῆς* in primis appellare licet, qui, quâ es in omnes philiatros humanitate, mihi semper singulari beneuolentiâ affuisti, & benignissimum sydus affulsisti. Meritò te sydus appello benignissimum, cuius lumen longè lateque sparsum & diffusum, totum in singulos diuiditur; quos dum illustras, beas. O me beatum, quem in familiaritatem receptum tuo consortio sæpius dignaris, ex quo nemo umquam nisi doctior recessit. Non equidem in Phocide, sed totus in te est cum Helicone Parnassus,
Nec quisquam locus est, quo plus se iactet Apollo.

Morus gentilitiū est Moræ-
 rum stem-
 ma, de qua Iam Morus laurum vincit: vel si laurea coronat, certè purpurea mora togam tingunt Apollinarem:
 hæc

hæc mihi nomen tuum vbique re- ipse suis in
 præsentabit, cuius charissimam me- scholam
 moriam nulla dies, nulla ætas obli- Salernita-
 terabit. Sed quid cesso te affari, nam ex-
 Perrelle *perrelle*? cuius meritis nul- quisitissi-
 la satis idonea occurrunt elogia. mis ani-
 Homo homini Deus, Tu mihi: maduer-
 Quidni igitur te post Deum exo- sionibus
 rui? Confusa turbatur oratio, cap. de
 amor ordinem nescit. Tu nunc moris.
 mihi perorandus, qui laboribus
 meis finem cumulatissimum im-
 posuisti: Idem dedisti principium,
 dedisti incrementum, quippe qui
 postquam rudem animum sapien-
 tissimis præceptis informasti,

Artificemque tuo duxi sub pollice Persius ad
vultum: Cornutum
 Præcepto-
 rem Satyr.

Meme paterno affectu ex musci
 umbraculis in iatricam palæstram
 & apricum puluerem eduxisti, at-
 que ad ardua quæque crexisti, ani-
 masti, nec non vtilissimis confi-

Bb

liis adiuuisti. Neque verò beneuolentiam his priuatis testimoniis, quamquam maximis, continuisti; sed etiam publicis auxisti. Hæc dum enumero, eadem videor remunerare, si quidem ingratus non est qui beneficium agnoscit. Iamque in extremo prope stadio deficiebam, atque, ut verè dicam, perieram, nisi me tuis auspiciis tuâque præsentia restituissem in nouissimo illo certamine, cuius tu arbiter fuisti: tuo deinde patrocinio runde donandum suscepisti, & Diuis licet repugnantibus, inter primos collocasti. Neque hîc conquieuit animus ad beneficentiam pene nimium pronus. Lubens grauem alioquin vespertiarum prouinciam extra ordinem recepisti, in quibus ita me amicè monuisti, ut tamen nihil omiseris quod faceret ad Scholæ dignitatem, aut ad officium

meum pertineret. Denique eodem affectu *Βεβατῆς* & Agonotheta hodiernam pompam orationis splendore illustrasti, byssinis verbis exornasti, & primùm in hanc orchestram euectum me magnificè inaugurasti, ac velut opus tuum coronasti. Sic sanè tuo plane munere Doctor, tibi doctrinam, si quæ in me est, tibi rogam, tibi pileum, tibi dignitatem debeo æternumque debebo.

Dixi.

FINIS.

Bb ij

VICTORI PALLV ME-
dico inaugurato.

ANte alias ars vana nimis, semper-
ne loqueris?

Nec facies vsquam que facienda do-
ces?

Vna doces morbi quanam ratione do-
mantur:

Vna doces quanam est arte fugan-
da febris.

Si qua tamen reuocanda salus; pauper-
cula semper

Vinceris, atque tuâ fortius arte ma-
lum est.

Victricem tu te morbi temeraria ia-
ctas:

Sed cùm vincendum, ars deserit ar-
tificem.

Sic proprios febris iactabat seuatrium-
phos:

Sic erecto ibat vertice morbus ouans.
Cui contra indignans medicæ mens vna
cateruæ,

Bile tumente animo, talia sic retulit.
Ite olim morbi victores, ite catharri;
Ite, ite ad Stygios, turba maligna, lac-
cus.

Nam palus Victor vobis iam se obij-
cit, ultra

Grassari vestram nec sinet illuuiem.
Et si nec data sunt incerto nomina casu,
Nec sensu careat vocula quæque suo:
En qui vos fausto deuincat & omine
VICTOR *,

Sitque agris, verso grammate, certa
SALVS.

LVDOVICVS FEYDEAV
gratulabatur.

COMMISSA, OMISSA;
animaduertenda, quorum plerá-
que operarum festinatione, non-
nulla meâ irreperunt, quæ hinc
beneuolus Lector supplebit.

*Omnia quæ corrigenda sunt vel adden-
da, h's vncis [] concluduntur; quæ
margini apponenda asterismo eiusmo-
di * præterea designantur: Reliqua
verò obiter & per occasionem dicta
sunt.*

P Ag. 4. ad hoc vocabulum ἀσύμμελ-
τοι, nota * [Trifariam res inuicem
comparari solēt, quorum modorum nul-
lo, si bene intelligantur, elementa cum
cælis sunt comparabilia. consule cap. 6.
lib. 2. de ortu.]

Pag. 17. ad hæc verba, fundum mulie-
ris arare & χῆτον incolere, nota * [fre-
quens est vtriusque exemplum, sed ap-
positum, si placet, videbis in illo suauissi-

mo poëmatio, quod docti quidam Apuleio tribuunt, hoc titulo, ἀνέχμενος ex Menandro.]

Pag. 20. quod enim est in ovo germen &c. * [Alij tamen aliter sentiunt: vide Talentonium cap. 21. lib. 1. reconditarum rerum.]

Pag. 21. mulieribus contra frequens inde ἐκποῖς &c. * [Id ipsum præclarè explicat Lucretius postremis versibus lib. 4. de naturâ rerum.] Quoniam verò maximè ad rem faciunt, non pigebit eos hîc obiter referre.

*Et quibus ipsa modis tractetur blanda
voluptas,*

Id quoque permagni refert: nam more ferarum

*Quadrupedùmque magis ritu, plerumque
putantur*

*Concipere uxores: quia sic loca sumere
possunt,*

Pectoribuspositis, sublati semina lumbis.

*Nec molles opus sunt motus uxoribus
hilum:*

*Nam mulier prohibet se concipere atque
repugnat,*

*Clunibus ipsa viri Venerem si lata re-
tractet:*

Bb iiij

*Atque exossato ciet omni pectore flu-
ctus.*

*Eicit enim sulci rectâ regione viâque
Vomerem, atque locis auertit seminis
ictum.*

*Idque suâ causâ consuêrunt scorta mo-
ueri;*

*Ne compleretur crebro, gruidaue ia-
cerent;*

*Et simul ipsa viris Venus ut concinnior
esset:*

*Coniugibus quod nil nostris opus esse vi-
detur.*

Pag. 26. lin. 17. corrige [sanguis venis
effusus.]

Ibid. lin. 20. corrige [concrefcit in gru-
mos.]

Pag. 36. ad hæc verba, laudat Asianos,
* [Idem sentit Aristot. cap. 7. lib. 7. po-
litic.] vbi addit, quod maximè huc spe-
ctat, Græcorum genus, quemadmodum
medium inter Europæos & Asianos lo-
cum obtinet, sic amborum affine & parti-
ceps esse, cùm sit & animosum & ingenio-
sum. Controuersiam istam discussimus
in primâ nostrâ thesi, cuius vide postre-
mum corollar. pag. 66. & sequentib.

Pag. 61. $\pi\iota\zeta\alpha$ δὲ αὐτῶν, &c. * [verba

funt Galeni lib. 1. de elementis cap. 3.]
Cætera huius corollarij sunt ex Aristot.
libris de animâ.

Pag. 63. Ad elementa quatuor reuo-
cantur, * [Ex Arist. lib. de sensu & sen-
sili.]

Ibid. quod animæ ratio, &c. * [vi-
de in hanc sententiam pulcherrimum A-
ristotelis probl. quod est 5. sect. 30. Item
Iul. Scalig. exercit. 256.] Cætera sunt ex
Gal. lib. de temper.

Pag. 64. ἐν μάλα κω sanum * [Prouer-
bij loco id vsurpatum à Fabio, vide Rho-
dig. lect. antiq. lib. 6. cap. 1.]

Ibid. hoc sensu cæteris præstat, * [Ita
Arist. cap. 15. lib. 1. de hist. animal. sub
finem. Vide Vallesium controuers. lib.
1. cap. 11.]

Pag. 66. fere est pro sale, * [sic sui ani-
mam pro sale datam dicit esse Chrysip-
pus apud Cic. lib. 2. de naturâ Deorum
sub finem.]

Ibid. in sibi uo & alieno nutricum lacte,
&c. * [Phauorinus apud Agell. multa
& præclara habet in hanc sententiam cap.
1. lib. 12. noct. Atticar.]

Pap. 110. lin. antepen. corrige [assignat
Thomas Aueiga, comment. in cap. 4. lib.

1. de different. feb. ex Arist. probl 5. sect.
10.] Vbi animaduerte hîc *μνημονικὸν* esse
ipsius Aueigæ *ἀμάρτημα*, nihil enim ta-
le in illo problemate legitur.

Pag. 112. nisi homini, &c. nota * [ex
probl. 6. sect. 2. & de partibus animal.
lib. 2. cap. 7.]

Pag. 123. non vitæ finis, * [Ita Arist.
cap. 2. lib. 2. Physic.] hîc obiter aduerte
vitæ terminum dupliciter spectari, ni. vel
vt est communis toti speciei, sicque esse
necessarium & certum, vel vt est particu-
laris singulis indiuiduis, & sic esse incer-
tum minimèque præfixum, licet alioquin
semper sit ineuitabilis.

Pag. 124. omnis doloris expers, * [ex
Arist. lib. de morte & vita, item de respi-
rat. Platone in Timæo, & in Dialogo de
natura: Idem asserit Galenus noster cap.
8. lib. 1. de different. feb.] Hoc genus
mortis vt mitissimum, ita & rarissimum:
ac forsan Sophocles vnus in tam raro
exemplo numeratur.

Ibid. ad hæc verba, οἱ νοσούντες, &c. *
[verba sunt Hipp. initio lib. de flatib.]

Ibid. ad hæc verba, quam plerique e-
tiam inscij, * [Id docet Hipp. lib. *πεὶ
τέχνης*] Qui ex eo artis medicæ præstan-

tiam arguit, quòd qui ne eam quidem esse
se existimant, eius tamen ope seruati
conspiciantur.

Pag. 125. ad hæc verba, prima dies ca-
lidissima, * [verba sunt Hipp. lib. de nat.
hominis sub finem: idem demonstrat Gal,
1. de sanit tuenda] hinc dicitur Senectus
via ad putredinem cap. 1. lib. 4. Meteor.
Arist. & 5. de generat. animal *μεγέλιον* qua-
si *γεγρόν π*, quid terreum, hoc est, frigi-
dum siccum.

Ibid. ad hæc verba, *μαέγων πν*, &c. * [vi-
de Arist. cap. 4. lib. de iuuent. & senect.]

Pag. 126. ad hæc verba, ambientis fur-
to, * [sententia est Vallesij comment. in
cap. 1. lib. 4. Meteor.]

Ibid. *χὲ τῇ φύσει, χὲ τῇ ἀνάγκῃ* * [vtrum-
que explicat Duretus in Coacam. 2. ap-
pendicis ad cap. 2. lib. 3.]

Pag. 129. intus melle, &c. * [referen-
te Cœlio lect. antiq. lib. 6. cap. 6. Plinius
quid simile Pollioni tribuit.]

Ibid. ex auro panes, * [Suetonius in
Caligula]

Pag. 130. *ὑπὸ τῆς περήσεως*, &c. * [A-
rist. cap. de oppositis.]

Ibid. *Μακροβιότης*, &c. * [hæc de-
sumpta sunt ex libello Arist. de longit. &

brevit. vitæ.]

Ibid. Hinc etiam homines in locis calidis degentes, &c. * [ex probl. 9. sect. 14. in quod vide doctiss. Septalium.]

Pag. 143. lin. penult. corrige [mores tuos participarem, & heroicos, &c.] hoc emēdauimus in plerisque exemplaribus.

Pag. 144. lactis sinus paucas atramenti, &c. * [τὸ γὰρ λευκὸν τῆς ἀγαθοῦ φύσεως· τὸ δὲ μέλαι τῆ κακῆς. Pythag. apud Lactertium.]

Pag. 148. lin. 14. corrige [in corpus tamen intemperatum nihil, &c.]

Ibid. lin. 18. corrige [quod *contrariorum eadem sit ratio, quodque ea sese mutuò,* &c.]

Ibid. lin. ult. corrige [contrarium.]

Pag. 154. lin. 14. corrige [ἀρχονται.]

Pag. 185. ipsius tum passione, tum actione, * [hoc docet Thomas Aueiga comment. in 4. cap. lib. 1. de diff. feb.]

Pag. 186. nullæ quintanæ, &c. * [Hippocrates quidem admittit, Galenus tamen negat cap. 8. lib. 1. de different. feb. Quid si dicamus esse verè tertianas vel quartanas, quæ vnâ accessione ferientur, quemadmodum è contrario geminatis paroxysmis fiunt duplices?]

Pag. 190. νότον ἥπαρ * [ex Arist. sententia cap. 7. lib. 3. de partibus animal.]

Pag. 191. numquam lethalium, * [Hippocrat. Aph. 43. sect. 4. vide Galenum in comm.]

Pag. 192. Ex antecedentibus & consequentibus * [quænam illa sint docet Galenus lib. 1. ad Glauconem.] Cætera ad thesim pertinentia repetere ex ultimâ resumptâ.

Pag. 231. in margine dele, lib. de insomniis, & reponere * [in prorrh. & Coac. Prænot.]

Pag. 233. lin. ultim. corrige [spuriij.]

Pag. 279. lin. 6. corrige [naturæ arcanis.]

Pag. 286. citatur Acro in hæc Horatij verba ex Satyr. 5. lib. 1.

*Prætextam & latum clauum prunaque
batillum.*

Vbi hæc ille habet, *latum clauum purpuram* dicit, quæ in pectore extenditur Senatorum, Græci τὸν κολοβῖωνα vocant. Vsum eius hodie retinent principes, injicientes vestimenta ceruicæ ad pectus indumentum ex purpurâ, vel pellibus pretiosis muris pontici, vel aliis, dum regio habitu prodeunt in publicum. Hactenus Acro, ex quo colligo humerale nostrum,

quod vocant, satis aptè latum clauum dici posse, seu ex Petronio, mappam laticlauiam mure pontico aut alio vellere pelliculatam. Vide Cuiac. obseruat. lib. 12. cap. 39.

Pag. 296. * [post paulò initium cap: 10. lib. 35. natural. hist.] nota hæc non deest in plerisque exemplaribus.

Pag. 337. lin. 6. corrige [*μὴ δὲ*.]

Pag. 352. textus Cassiodori integer nō est appositus; itaque hæc ad illius finem adde, quæ maximè ad rem faciunt, & ad emendationem D. Perrelli confirmandam [*Talem tibi denique licentiam nostri esse cognoscis, qualem nos habere non probamur in ceteros.*]

Pag. 365. lin. 9. corrige [vt plurimùm symptoma est.]

Pag. 375. Prusias * [non de Prusiâ sed Nicomede Bithyniæ rege hoc dicitur apud Plut. lib. 11. de virtute fortunæque Alexandri, vbi ipse Nicomedes capite caluo & pileato procedēs, libertum Romanorū se dictitabat. Sed profectò mentita Plutarcho ibi est memoria, vt aduertit Marcilius in Satyr. 5. Persij, qui sententiam suam confirmat auctoritate Polybij, Appiani, & Diodori, de Prusiâ hanc histo-

riam referentium.]

Ibid. triplex libertinitas, &c. * [Hinc libertini Iuniani qui & Latini, non autē Quirites: Dedititij qui neque Latini neque Quirites, sed conditione non multum meliore quàm serui: Iuniani verò vivebant quidem vt liberi, sed moriebantur vt serui. Institut. §. sed hæc. de success. libertin. Romana autem libertas legitima dicebatur, maior, & iusta, §. ult. instit. tit. de libertin. atque etiam perfecta siue *παντελὴς ἐλευθέρωσις* Plutarch. in Valerio: quippe quā ius ciuitatis consequiebantur Libertini, fiebantque Quirites ex legitima manumissione, quæ triplex tantum erat, censu, testamento, vindictâ: vt constat ex fragm. Vlp. tit. de libertis. De hac, ni fallor, non de qualibet intelligendus Persius, dum ait Satyr. 5. *quibus una Quiritem vertigo facit.*

Pag. 377. lin. 11. in aliquot exemplaribus hæc verba transposita sic reponere [providentiâ vim.]

Cæterum plures sunt passim accentus, virgulæ, commata, perperam posita aut omissa, quæ beneuolus Lector facile recognoscet.

Laus Deo.



